The background of the image is a piece of marbled paper with a complex, swirling pattern in shades of grey, black, and white. In the center, there is a rectangular white label with a decorative, wavy border. The text on the label is in a serif font, all in capital letters.

EX MUNIFICENTIA
FERDINANDI III. M. E. D.

DIE 3. IUNII 1791.




9. 468

9 B.7

DE

LINGUARUM

ARTIFICIO.



DE
LINGUARUM
ARTIFICIO

ET
DOCTRINA.



PARISIIS,

Apud Viduam ESTIENNE & FILIOS, viâ Jacobæâ;
sub signo Virtutis.

M. DCC. LI.

Cum Approbatione & Privilegio Regis.





PRÆFATIO.

*De Linguae Atticæ studiis apud
Romanos, & Latinæ apud
Nostrates.*

IN iis quæ diuturnâ publici
studii consuetudine quasi san-
cita sunt, si quid inesse vitii,
experientiâ teste; deprehendi-
mus; non sunt propterea novæ
rogandæ leges, non pristinus
evertendus ordo. Sic fieri neque
suadet prudentia, neque jubet
utilitas, imminente alterius pe-
riculi metu. Si tamen potuerit
illud, quod à recto devium est,
inflecti leviter & in melius re-
duci, manente interim veteris
instituti formâ quæ hætenus
fuit; tum verò malum alere vel-
le videretur quisquis utilitati ma-

A

2 P R Æ F A T I O.

nifestæ non daret manum : nisi forte ita sibi induxerit animum, quæ facere ipse consuevit ea esse summopere bona, nec jam ex ullâ parte aut cujusquam monitu meliora fieri posse necesse sit.

In tradendâ litterarum disciplinâ sic se res habet. Querimur illam gravissimo incommodo affici & retardari. Remedium verò cum præstò sit & exploratum & facile, laudant quidem alii, at reverentiâ consuetudinis omittunt; alii horrent præstudio initæ semel rationis, ac temerè accusant. Mali ante omnia naturam quæremus & causas, quo certius quid & rectius de remedii virtute statuatur.

Veterum linguarum usus apud nos in dies minor, in Septentrionali Europâ barbarius.

Mirari sæpe numero nec sine causâ solemus in maximâ Magistrorum copiâ, maximâ discen-
tium multitudine; cum linguarum studia, veterum præsertim,

P R Æ F A T I O. 3

tantum afferant apud nos adju-
menti vel ad rerum scientiam,
vel ad opes, vel ad dignitatem;
emergere interea è scholarum
latebris tam paucos, qui stylum
in iis linguis exerceant feliciter,
aut earum tolerabilem saltèm
fuerint intelligentiam consecuti.
Longo adolescentiæ decursu,
multorum denique omnis eò re-
cidit labor, ut sint in monu-
mentis Græcorum planè hospi-
tes; & cum ad ea quæ verè la-
tina sunt accedere nullo duce
voluerint, illos inde absterreant
offendicula, lassitudo, tene-
bræ.

Non ignota loquimur. No-
stratibus enim, ut Italis & His-
panis, ubi primùm liberius vi-
vendi potestas est, idem prope
omnibus mos in domestico suo
sermone conquiescere, Græcis
ac Latinis æternum vale dicere:

A ij

4 P R Æ F A T I O.

in quo ut laboris ingrati sic deperditi temporis non obscura confessio est.

In Septentrionali Europâ, ubi est Linguae Latinæ usus frequens, crederes in dicendo scribendoque, plurimum pariter esse Romanæ urbanitatis usum : vulgò nullum esse reperies. Audiuntur illic voces Latinæ passim : Latinus sermo nusquam ; sed pro venustate Romani eloquii stylus vulgò inconditus & insulsa loquacitas. Bonorum ejusmodi, qui sapiet, erit semper pauperimus.

Quam nos eruditionem in Latinis litteris tam multi inquiremus, tam pauci obtinemus ; eam repetebant Romani à Græcis. Romanorum autem pueris obtigit conditio hâc nostrâ melior, & fortuna studiorum longè dispar. Qui publicæ luci destina-

P R Æ F A T I O. 5

bantur, iis sedulò provisum prope omnibus fuit, ut possent Atticum sermonem non solum intelligendo assequi, sed usurpare quasi suum, expeditè scilicet & purè: ex quo factum ut omnis illa Græcorum ad Romanos urbanitas & industria derivarentur.

Quid causæ igitur est cur potuerint Romani à teneris annis doceri sermones utriusque linguæ; nostrates per tot annos tot scriptionibus Græcis & Latinis exercitati, in Gentis utriusque monumentis omninò cœcutiant, ab utrâque linguâ pariter abhorreant, cum suæ intereâ sint periti tam mediocriter.

Debuit Romanis tamen videri usus Græci sermonis operosior quam nobis Latini. Voces enim Gallicas Latina lingua, ut plurimum, suas agnoscit; Græ-

6 P R Æ F A T I O.

ca , Romanorum vix aliquas. Linguae in Meridionalis Europæ partibus jamdudum vulgares , à Romanâ oriundæ , matris plurimam similitudinem servant : unde & facilior per eas ad illam ingressus. Latinæ verò & Græcæ consanguinitas omninò nulla, nec prioris usu promptior aditus ad alteram fuit. Quod si res agitur nobiscum minore cum impedimento , cur non & feliciori eventu ?

Tantam disparitatem peperit non sanè natura in nobis degener , sed cultus in illis melior , & forma rudimenti litterarij magis consentiens cum naturâ humanæ mentis ; cumque proposito studiorum fine cohærens aptius.

Quæ fuerit illa Romanorum consuetudo satis constat Ciceronis & Attici exemplis , Institu-

PRÆFATIO. 7

tionibus Quintiliani (a), Parallelis Plutarchi , & obviis passim testimoniis.

Ubi primum depulsi à lacte pueri pedibus insistere cœperant, & è gremio nutricum evagari, moris erat servos iis addi custodes, natione Græcos, nec inelegantes, nec ignaros litterarum, qui hærent lateri, qui Græca sonarent infunderentque frequenter auribus incogitantium, qui non solum loqui ore rotundo possent, sed & rem vero nomine appellare, & voces legitimè lectas legitime construere, & cum nihil docere viderentur, esse Magistrorum loco. Hos primum audiebat puer: horum verba effingere imitando conabatur, & ipsa au-

(a) *Quintil. Instit. lib. 1.*

*Plutarch. Parall. Demosten. & Ciceron.
Et The History of the Life of M. Tull. Cicero;
by Conyers Middleton.*

A iiiij

8 P R Æ F A T I O.

diendi assiduitate reddebat.

Sic Romani parentes in liberis instituendis , & priusquam eos mittere in ludum publicum possent , à sermone Græco initium duci plerumque maluerunt , Latina subsequi aut pariter ire , & cum æquali curâ linguam utramque ita tuebantur , ut neutra tamen alteri officeret , quia Sermo Latinus cum esset obuius apud Italos , puero præberet se vel nolenti.

Hoc etiâ adeò superstitiosè à compluribus factitari solitum ;

^a *Quintil.* ut puer ^a « Diu tantum Græ-
^{ibid.} » cè & loqueretur & disceret :
» unde accidebant oris plurima
^b *Pronon-* » vitia in peregrinum sonum ^b
^c *Tour.* » corrupti , & sermonis à Ro-
» manâ figurâ ^c penitus alieni.

Quod incommodum cum deprehenderetur inemendabile in multis , alii ut , priusquam sub-

P R Æ F A T I O. 9

nasceretur , averterent ; volebant consultiùs filios suos esse cum Græcis quidem hominibus assiduos , non tamen familiarium colloquiis & patrii consuetudine sermonis abstinentes.

Politioem igitur apud Romanos litteraturam promovit ante omnia sermonis Græci perpetuus , nullo tamen labore , sed quasi per ludum cursitandoque comparatus usus : usum suo tempore meditatio & scribendî cura sequebantur. Apud nos aliter.

Latinè si quid hîc discitur , id pueri , & quod pejus est , pueruli septennes extundunt à se ipsis , creantque de suo. Scriptioni grammaticæ dare operam , legibusque merè logicis obsequi jubentur , quibus necdum parta ratio est. Sedent miselli , quibus pruriunt pedes. Silent. Vesti-

A v

gant. Probant. Reprobant. Latina denique, si superis placet, exscribunt & laudem merentur non sine diverso jam virtutum gradu, cum idiomatis Latini gustum perceperint omnino nullum, non certè majorem quam Magellanici vel Peruviani.

Nec legibus gravantur solummodo difficilibus, at etiam ple-
risque falsis: ita ut crimine arguantur ubi nihil criminis est, & cum plausu coronentur ubi peccant quam maximè. Jam necesse igitur est eos malis regulis malè regi. Ecce tibi aliud malum.

Qui sic à grammaticâ scriptione, veterum linguarum initia ducunt, sequuntur in componendis vocibus ordinem materni sui sermonis, qui ordo cum sit omnino diversus à veterum;

ad veteres non patefacit aditum, sed obstruit.

His adde, quod inferiorum scholarum scriptitationi succedat in superioribus Linguae veteris usus satis infrequens, semper meticulosus, ut plurimum deformis, ac post aliquot annos nullus.

Discrimen insigne! Romanorum mos secundum naturam. Disciplinae apud eos gradus explorati ac tuti, primum Graece balbutire inter probe loquentes, deinde loqui confidenter, venuste demum & ex arte scribere. Nostris rerum inversus ordo. Latine scribunt pueri: cum adoleverint, balbutiunt: viri facti, tacent.

Est autem & alia non minor perversitas, longissimis nempe tot inutilium praeparationum tædiis nihil nisi odium litterarum

laborisque fugam sequentibus annis acquiri.

Incommoditas denique huc præcipua redit : si Latinè scribat quis , priusquam Latinè didicerit , assequetur veteris lingue scientiam vel nullam vel pravam.

Latinae litteræ hîc despectæ , illic barbaræ , notum malum. Mali causa , quam assignamus , non pariter in confesso est. Cum pluribus igitur sit aliter visum & viris de re litterariâ benè meritis ; bonâ fide ipsis ut nobis inquirendum est in fontes & origines ejus tarditatis quâ sentiunt sua vota & diuturna tam multorum studia optato fine defraudari.

Nemini scilicet eorum ignotum est puellam sive Londinensem sive Florentinam , si versatur Parisiis vel spatio unius an-

hi , etiam nulla legentem aut scribentem , Gallicè scire & loqui ; cum interim plerique eorum qui publici studii novem annos emensi sunt , Latinè nec legere possint nec mutire audeant.

Quapropter tantam temporis jacturam vel expertis probro nostro vel edoctis alieno , nobis paulo diligentius nunc definiendum est ex ipso conditionis nostræ sensu , experientiæque testimonio quæ debeat Linguarum doctrina reliquis anteponi , ut careamus inutili , & usurpemus laudabilem.

Eo fine duplex esto totius rei Operis divisio caput. Prima propositi operis 1. Quale sit artificium linguarum. pars disquirere quæ sit omnium linguarum primaria quasi compages & mechanica structura. Labor alter perspicere quæ disciplina ratioque docendi fluat 2. Quæ profuatur inde docenti disciplina.

14 P R Æ F A T I O.

ex illo naturali necessarioque
linguarum artificio. Duplici sanè
titulo probabitur cordatis omni-
bus ejusmodi forma studiorum,
quæ nobis innuitur ipso notissi-
mo nostri intellectûs usu, &
minimè ambiguis instituti pristi-
ni legibus præscribitur.

Eam materiem quæ neque est
injucunda per se, & in quâ falli
impunè nemo potest; cum in
rerum naturalium Spectaculo ar-
tigissemus, inîto sermone de
primario humanæ societatis vin-
culo*, multi nobis autores fue-
re, uti hæc operis pars typis ede-
retur seorsim, tum nostro vul-
gari sermone, tum communi
eruditorum linguâ.

Causam cur ita fieri vellent
eam repugnanti afferebant, ope-
ræ hujus utilitatem intra patriæ
limites non sic debere concludi;

* Spect. de la Nat. Tom. 6.

tantò plùs laudis mereri scholarum rectores , me ipso admonente , quantò magis essent secundum statuta in prælegendis veteribus assidui ; mirum ab eâ lege quantum & quam multi ubique locorum , minimè malo animo tamen, & specie boni, discederent ; esse illos veterum parcos cultores , parcissimos interpretes ; intereà totos in dictandis argumentis & emendandis tyronum scriptionibus ; constantiâ ipsâ scriptionis hujus , habitum falsæ Latinitatis induci , & falsitate deinde ipsiusmet emendationis in dies confirmari ; moris igitur tam absurdi , tam latè patentis adornandam eam esse confutationem quæ legi ab omnibus posset : ea cautione tamen ut Magistrorum veterum notaretur imprudentia , non eorum deprimeretur labor , quos re-

16 P R Æ F A T I O.

cepta dudum consuetudo quasi per vim subigeret ; his consuli potius ; horum rem agi non minus quam ingenuorum prope omnium quibus quantum cupiant se esse utiles ignotum est nemini ; institutam duplici fine disputationem proponi utrâque linguâ par esse ; nec enim ad exteros , qui Gallica nostra legere non possunt , neque ad nostrates qui opere longo carere volent , aliter esse perventuram.

Angebatur me alieni sermonis imposita lex , & valdè suspecta meæ Latinitatis conditio : quam etsi feceram diuturnâ veterum lectione utcumque meliorem , metuebam Gallicismorum inscribendo insidias , & ipsam perversissimi rudimenti tenacitatem.

Verum affert ejusmodi noxa

secum aliquid excusationis. Neque enim sumus ex eorum numero, quibus mediocribus esse non conceditur, qui sua proponunt ad imitandum, qui veniæ denique nil sperant. Nos eo animo Latinè scripsimus, ut in linguarum studiis & in stylo comparando, quantum peccetur, quantum Exteri præsertim à Scopo exerrent, id Extëris ostenderem. Quod autem habitura est oratio mea vitiosi, eo ipso causa mali, quam quaerimus, apparebit: erunt ea Latinitatis ab ineunte ætate & ab ipso rudimento corruptæ reviviscentia semper germina.

Quanquam ergo in materie non ignotâ libellus iste versabitur; eam novo rerum ordine retractabimus, eam novo argumentationis genere aliter proferemus in lucem, ut magis ac

magis admoneantur omnes , magno molimine juvenum depravari sermonem , cum facile possent ad omnem potius elegantiam perducì , salvâ rei litterariæ formâ ; non afflictâ , ut priùs , docentium valetudine ; auctâ discentium alacritate.





LIBER PRIMUS.

LINGUARUM

COMMUNE ARTIFICIUM.



N omnibus omnium gentium linguis aliud est quod natura suggerit, & per sese præstat simul degentibus familiis; aliud quod hominum fuit arbitrio constitutum. Quod natura suavit, illud apud omnes unum, semper simile sui, nec unquam tantisper à ritu primævo deflexit. Quod hominum voluntate fortuitisque rerum casibus invecum est, in eo deprehendi solet summa pro temporibus & locis dissimilitudo, minimèque stabilis tenor.

Quanquam autem primarium naturæ opus & fundamentalis ordo loquendi, eventuum vicissitudine, immutari everitque videatur; in tantâ tamen diversissimè agentium, diversissimè loquen-

tium populorum mobilitate naturam agnoscas, quæ aboleri non potest ac nequidem abscondi.

Naturæ sapientissimus artifex hoc munus hominum societati præstantissimum concessit, ut, cum jam possent nutu capitis, oculorum quoque & vultûs universi conformatione, manuum præterea motibus totiusque corporis actione, vel aliis etiam signis in conspectum datis, res objectas & animi sui sensa declarare; omnia tamen sono vocis & ipsa volubilitate linguæ longè aliter efferrent: erat enim in sonis major diversitas pro rerum numero: erat in iisdem sonis naturalium signorum perbreve supplementum; mira denique celeritas. In omni ergo idiomate, in omni hominum cœtu nihil aliud est locutio nisi humanæ cogitationis expressa imago: ita sanè ut quot sunt cogitationis quasi necessariæ partes, locutionis totidem sint.

Cogitandi
forma.

Ubique autem terrarum constantissimè solet humana mens intellectu & sensu rerum percipere species *, eas deinde afficmando conjungere, vel negando disgregare; inferre etiam ex uno iudicio alterius materiem, & causas obtinere ex eo quod asseruit, aliud

quod proximè adjunctum sit, asserendi ; aut ex eo quod jam assecuta est ad alia & ulteriora perveniendi.

Tum sicubi senserit mens vel boni præsentiam , vel suspensionem periculumque mali , necesse est eam propelli amore aut odio , variisque incitari affectibus , quos uti moderetur & sibi obtemperantes habeat , eam sua libertas conscientiaque sensus , & impositæ leges monent.

Humana hæc : omnium temporum sunt & locorum. Neque Americano homini minus quam Europæo comparatum est ut possit & pulmonibus haurire spiritum ; & intellectu de rebus obviis exercere qualecunque iudicium.

Ex quo efficitur eandem operandi similitudinem quæ in omnium mentibus , communique ratione iudicandi deprehenditur , in eorum pariter sermonibus existere , quibus illi quæ sibi sunt cogitata & placita significant. Nec magis arte vel industriâ consequitur quis ut loqui possit & proferat indicia iudicii sui , quàm consecutus industriâ suâ est ut haberet has & illas corporis animique facultates. Sic priusquàm nata ulla vel logica vel grammatica fuerit , habet unusquisque populus unaquæque

societas , ab ipsâ naturâ , sui sermonis usum , sermonisque necessarias & nulli gentium dissimiles partes. De his breviter.

Sermonis forma & necessariae partes.

Si quis enim quid , quocumque loco , quâcumque linguâ , eloquitur , inerunt ejus orationi primaria membra ubique totidem , quæ judicium mentis articulatim quodammodo imitentur & proferant. Agunt , obeunt suum munus ea orationis membra , vel sic discreta ut numerari possint & assignari ; vel sic ex arte coalescentia , ut plurium simul vox una sustineat vices , nec desideretur absentis officium. Quidquid valent istæ voces *ego eram cantans* , id continet , alteriusque clausulæ beneficio satis præstat vox unica : *cantabam*. Quod quatuor pluribusque vocibus enunciant operosè Galli , Itali , & Angli , *qu'ils ayent senti , ch' eglino habbiano sentito , that they may have felt* ; id bellè Latini unicâ , *senferint*. Ubi enim manente vocis primariâ significatione , adjectitia clausula satis designat actionis tempus & personam agentem , tunc brevitati consulunt veteres : alia sic jam superflua signa temporis & personæ omittunt ut plurimum.

1. Nomen substantivum.

1. In illa igitur nostri sensus inter-

prete oratione stat positum insigni loco, aut agnoscitur, insigni clausulâ, rei nomen quam vel esse vel agere significamus, sive rei simplex fiat mentio; sive Nom. adjectivum. aliquis ad rem accesserit modus.

2. Locum pariter conspicuum tenet 1. Pronomen. Repræsentativum. Ille, illa, &c. ipse, ipsi. pronomen, seu repræsentativa vox quæ nominis jam prolatis reditus frequentes excludit & pensat.

Pronomina dici etiam solent generalissima quædam nomina, quæ rebus valdè diversis competunt, ubi fuerint in consimili casu positæ.

Personale designat suppositum seu Personale. Ego, nos, tu, &c. ille, illi, &c. personam quæ loquitur, aut personam de quâ sermo est; aut eam denique ad quam sermo dirigitur.

Possessivum possessionem rei præsignatæ personæ attribuit. Possessivum. Meus, vester, &c.

Demonstrativum indicat rerum præsentiam, viciniam, distantiam. Demonstrativum. Hic, iste, ille.

Relativum denique vel res ipsas, vel rerum attributiones, de quibus incundum judicium est, dilucidat, adnexo Relativum. Qui, quæ, &c. Terra (quam calcas) sancta est. iis declarativo judicio, quo earum conditio penitus constituatur, tutiusque de illis judicium ferri queat.

3. Sequuntur *Verba* quæ cuique rei vel existentiam, ut aiunt, vel actionem progressumve suæ constitutionis assi-

gnant, & mentis iudicium de rerum naturâ efferunt.

Quaquam autem vocis humanæ soni omnes qui significatione aliquâ pol-
lent, *verba* dici promiscuè apud Lati-
nos soleant; hic tamen speciali gram-
maticorum acceptione *Verba* dicuntur
eæ voces quæ id, quod est in omni
oratione præcipuum, enunciant, attri-
butionem videlicet existentiae aut actio-
nis, siue res aut persona proposita suam
actionem exerceat, siue receptam aliun-
de actionem patiatur; variis interim
clausulis personam, numerum persona-
rum, & agendi tempora docentibus,

Substantivum,
sum.

Activum.
Laudo, curro.
Passivum.
Laudor.

4. Adverbiū,

4. Verbis ut plurimum, nonnun-
quam & adjectivis nominibus adjun-
guatur *Adverbia*; quæ vel existentiae
ipsi, vel actioni, & cuilibet attributioni
assignant peculiarem locum, modum,
gradum.

Participium.
Currēns,
Laudans,
Laudatus.

In linguis veterum pariter & nostris,
solet *Verbum*, seu activè seu passivè ac-
cipiatur, vocem aliam prognerare ex
se, quæ participii nomen consecuta
propterea est, quod verbi significatio-
nem ita servat, ut nominis tamen in-
duat formam, & utriusque naturæ vi-
deatur esse particeps. Ex quo fit ut uni
iudicio alterum iudicium facillè inclu-
datur,

datur, & multa quæ jam dicta sunt quæve nota supponuntur, in memoriam revocentur unico signo rem vel personam, numerum, actionem ac tempus complectente, breviorique circulo tota oratio definiatur.

* Pompeius
(re comperta,) in Græciam fugit.

6. Quæ omnia cum mentis judicium satis bellè jam delinearent, adjectæ sunt voculæ aliquot usus maximi, quæ nempe monstrarent omisos adjunctarum rerum situs.

6. Præpositio. Sub, super, juxta, circum, post, ante, &c.

7. Nonnullæ pariter quæ orationis membra distinguerent, vel per se distincta interposito vinclo constringerent.

7. Conjunctio. Et, si, aut, an, &c.

8. Aliæ demùm quæ vehementiores animi motus, non tam quidquam significando quàm exclamando, efferrent, & ipsa erumpendi libertate subleverent.

8. Interjectio. Hei! vah! hélas! ouf!

Sic perfectum est octo circiter, non certè multò plurium vocularum perpetuâ successione, & alterno reditu, ut pingi in sermone, tanquàm in vivâ aliquâ intelligentiæ tabellâ, percipique ab audientibus possent hæc omnia simul: res, rei modus, modi gradus, adjuncta omne genus, existentia, actiones, agendi tempora & progressiones, adjacentium quoque rerum ordines in

* *Ides.* naturâ, successio specierum * in intellectu, & omnis affectuum calor.

Quoniam verò tum rerum tum actionum quæ vel maximè inter se discrepant, quædam tamen solent esse similitudines, ac sæpe recurrentes iidem situs, quales sunt solitariè versari, aut consociari cum aliis; de his quæ sunt extra nos posita iudicium ferre; aut alieno iudicio præbere materiam; pati actum vel exercere, & hoc vel præsentis tempore, vel præterito; vel diversimodè definito; provisum fuit & ipso omnium populorum usu sancitum, ut vices ejusmodi, aliæque complures, in quibuscumque rebus existerent similes, similibus ut plurimum signis enuntiarentur.

Eo fine præfixi prudenter sunt articuli breves, aut assuti soni finales. Vox nominativa rem simplicissime designat, quæ vel esse vel agere dicitur. Eadem vox leviter inflexa in genitivo, ut aiunt, casu, rei possessorem notat; in dandi casu personam sive rem cui vel utilitas, vel donatum vel alia quælibet attributio assignatur. In accusativo casu vox eadem demonstrabit ut plurimum quam in rem cadat & transeat actio. Vocativus casus aut rem aut perso-

nam innuit ad quam sermo dirigitur. Ablativâ demùm flexione notantur aliæ rerum positiones quæ minus commodè se efferrent prioribus clausulis. Cautum sic est uti earum primo aspectu statim innotesceret cujus vocabula singula sint vexilli, & quo quasi duce militent. Habent enim notas auxiliares nomina: verba pariter suas habent. Et ipsâ communium insignium aut colorum ostensione perspicitur, quem quasi manipulum voces aliquæ constituent in oratione, cui sese agmini adjungant aliæ, quo sese ordine tamen tueantur omnes & amicè concordent.

Manet quidem, in omni sermonis formâ, uniuscujusque vocis idem corpus & stabilis in omni conditione significatio: mutantur tantum vocis additamenta, variique flexus, ut constet indubiis, & brevibus tamen signis, quam videlicet ad rem hæ vel illæ sese attributiones applicent, quæ persona vel agat, vel agatur; qui numerus agentium, quis ordo, qui sexus, quod agendi tempus, in quam materiem transeat actio; quæ denique vox alterius pareat rectioni; quæve præpositionis titulum seu jus verbi exerceat.

Quæ omnia nullis exemplis indigere possunt; cum obvia sint & usitatissima tam in veteri Hebraicâ linguâ, quam in Græcorum Romanorumque linguis & vulgaribus hodiernis. Habent illæ diversas quidem voces non tenui numero. Ignoratum tamen nemini est quàm sit exiguus in unaquâque linguâ primariorum partium, tum auxiliarum syllabarum numerus, ut earum indicia paucis diebus vel puer agnoscat.

Sonos linguarum, qui sint hîc non curo. Sonorum destinationes & juncturæ miror industriam. Signum verò nullum, nulla vox est quæ ex notissimis illis, pro loco, pro tempore, ministeriis unum non exercent. Est igitur in gentium linguis quanquam sono valde diversis idem artificium.

Sic nullius hominis invento, sed solius Dei ductu & magisterio perducta eò est humana mens ut posset suos internos ac minimè visibiles tum actus tum affectus alligare volaturis aliò sonis, & facere ut sibi, sic aliis quoque sensum prospectumque judicii sui; eorundem deinde sonorum mutatione tenuissimâ significare novæ earundem rerum casus & situs.

Magisterii necessariò divini pars est

non minima gentes in perpetuâ de rebus omnibus dicendi necessitate, octo aut novem instrumentis uti omnes, & uti similibus, & uti priusquam quâ sint ratione tractanda didicerint. Obeunt suum diem plerique hominum priusquam subolfecerint aliud esse nomen aliud esse verbum, sermonemque quo utuntur esse legibus nunc solutum, nunc astrictum.

Est & illud observatu dignissimum, sonantia signa, signorumque flexiones nullo ut plurimum naturali nexu cum signatis rebus concordare, & auxilio tamen artificiosæ juncturæ loquenti & audientibus ut plurimum incognitæ, haberi posse orationem non de iis tantum rebus quæ stant ob oculos, digitoque commonstrantur, sed de iis etiam quæ absunt, quæ fuerunt olim, quæ nondum sunt, quæ in intellectuali quasi regione reconditæ nullius figuræ imitationibus adjuvantur, ut cadere sub aspectum queant.

Quemadmodum scilicet unius Dei voluntate manifestissimâ, non legislatoris ullius decreto, constitutæ ubique terrarum sunt, in variis animantibus tot specierum conformationes, & in genere nostro quinque sensuum simili-

tudines , & conjugia , & susceptiones liberorum , & mutua hominum officia , & facultates opitulationum , & agticolationis annui proventus , & pecorum servitutes , & societatis humanæ recencia semper subsidia ; sic divinum est illud cogitandi munus , Divinum pariter loquendi artificium ; quorum alterutro sublato rueret societas , aut suis destituta vinculis & adminiculis, à ferarum solitudine non distaret.

Jam sequitur ex illâ nostri sermonis verè Divinâ constitutione , id fuisse artificii propositum ut esset unusquisque hominum alienæ opis egens , & ipse vicissim societatis adjutor.

Sequitur & illud , uti novitius agricola imitando & arando proficit , non valde sollicitus de germinum causis & incrementis proventuum ; sic non esse nobis tantoperè laborandum de sermonis nostri elementis & primariâ structurâ , quam satis naturâ duce , magistrâ societate adipiscimur. Non enim, si quis judicii sui membra dispescit & enumerat , idcirco cogitare ac judicare censebitur : sed quia cogitat , ea observare & enumerare potest. Qui loquitur pariter observabit , si volet , suæ locutionis artificium , non obtinebit

est observatione ut loquatur. Coniectus autem in turbam, loquentibus aliis, non longum intererit, quin, quamvis ignarus artificii, loqui & ipse velit ac possit. Est igitur schola linguarum, societas. Si quis tamen, qui Linguam sibi hactenus ignoram indiguerit, redimat pretio tenui ejus Linguae voces omnes uno volumine confarcinatas, eas appellet per orium, aliasque cum aliis copulet; an non poterit ille Linguae hujus assequi usuram solitario suo labore, neque ullatenus audito eorum sermone, quorum deinde convictu collibuerit uti? hoc ne fieri posset Providentiae aliud consilium est, ex quo probe intellecto derivabitur in hanc materiem non minimum lucis.

Loquendi beneficium antediluvianis hominibus praestitum, communemque Noachidarum omnium linguam ad posterios traductam Deus ipse primus a pristina illa simplicitate paululum mutavit, & cum aliquam inter hos & illos diversitate si non vocum certe flexionum voluit exerceri.

Divinitus orae locutionis institutio, non mutatio, non mutato interrim linguarum fundamento.

Nam, genere humano in Babylo-niensibus campis commorante pervicaciter, cum reliqua terrae facies dudum sylvesceret; abegit invitos, & hinc in-

de disgregavit oris repentina discor-
dia, gliscensque subito inter varias
agnationes alia & alia sonandi ratio.

Mira novitas ! compellantium stre-
pitus exaudiri, dictorum sensa, ut prius,
non percipi ! Hinc turbæ. Hinc mutua
ludibria. Cum essent alii aliis tædio,
discessum est. Quæsitæ novæ sedes : &
in ulteriora gradatim penetratum. Fi-
gebant seorsim tentoria ; quos fecerat
alienos ipsa soni disparitas. Eisdem se-
dibus utebantur, quos in eundem glo-
bum perduxerat unius usura Dialecti
& intelligentia dictorum. Suos incolas
omnis paulatim regio sic habuit ; sic
servat.

Fuit igitur miraculi hujus ad omnes
ætates propagata utilitas. Novas dein-
de mixturas populorum, novæ in dies
linguarum sunt subsecutæ mixturæ : au-
cto linguarum numero ; crevit è locò
in locum migrandi difficultas. Patriæ
sic auctus amor, & fixa voluntas in
pristinâ sede conq̄iescendi.

Quid providentiæ voluntati & con-
siliis in linguarum negotio debeatur,
hoc strictim vidisse sit, sapiis : jam li-
quidò constat esse cujuscumque sermo-
nis prima rudimenta, nostrarum au-
rium, non nostræ meditationis opus :

liquidius apparebit si veniamus nunc ad ea quæ in linguis habentur ex hominum instituto.

Nulla est vel regio vel ætas cui non sit observatum multa vocabula, & structuras vocabulorum, quæ in honore fuerant, cadere; subrogari alia in eorum locum non diuturnioris ævi; renasci nonnulla, iterumque interire; eam denique esse linguarum conditionem, ut varios casus volvant, ac perpetuum sine lege fluxum patiantur. Cujus instabilitatis causas & necessarios effectus, quoniam numerari illi non possunt, uti superfluum est historicâ diligentia indagare; ita hic transcursum conspici, proposito nostro apprimè necessarium.

Quæ sint humani in linguis instituti neque ratione neque conjecturis, at usu assequimur.

Ut populus ingens idiomate communi, diverso tamen ab alterius uteretur, & ejus deinde populi sermo aliam cum tempore aliamque formam subiret, id factum non legistorum industriâ, non institutis philosophorum, non regum imperiis, nec solemnibus civitatum consensu. Tantas linguarum vires adduxere scilicet rerum eventus improvisi, coalescentium populorum indoles diversæ, situs & amœnitates locorum, vel regionum asperitas, aspec-

tusve alterius cœli , vicinia quoque Sylvarum , aut marium , fluentesque ex iis causis variæ vivendi rationes & artes. Hic navigatoria , piscatio illic , alibi agricolatio , vel studia textrinae ; pax , otium , bella , servitus , hæc aut illa forma regiminis & omne commerciorum genus.

In exemplum summæ mutabilitatis esto celeberrimum mediæ ætatis Romanicum *. Tumulus illic Latini sermonis : illic incunabula hodierni nostri. Verùm quot gradibus ad hodierna perventum ! Quàm longâ temporum mutationumque successione factum est ut linguæ Hispanorum , Italorum & Gallorum pariter ex illâ rusticitate profluentes , tantum cultûs & virtutis paulatim consequerentur !

Plebeius Patrum nostrorum sermo , cum Romani nempe cives essent , voces Latinas ut plurimum servaverat , non servato tamen Latinorum flexu nec situ. Innumera itidem aliarum linguarum vocabula & genera tum construendi tum sonandi admisit. Hæcere primitus , ut fieri debuit in principatu commu-

* La langue Romance , la langue Romaine rustique , d'où sont provenues les langues Italienne , Espagnole , Provençale , Gascogne , Française , &c.

rando, pristini Celtarum sermonis reliquæ non paucæ: vocibusque ex necessitate Romanis Celticus inductus ordo. Assutæ pariter Francicæ, Burgundæ, Gothicæque aliquot, & benè multæ, sub Heristallo, Martello, Caroloque Magno, Teutonicæ voces, à Francis non dissonæ: auxiliarium quoque verborum insulsitate à Septentrione ad nos derivatâ, miserum in modum sermo Latinus elanguit: alter à seipso fuit.

Pulsis rotâ Europâ Ismaëlitis mansit articulus Arabs, nominibus rerum commodè præfigi solitus, & sonos finales quorum summa fuit illis temporibus incuria, in casibus aliquot, non in omnibus tamen *, supplevit. Eo in negotio quàm supinè actum, quàm graviter peccatum sit, inquiretur aliàs, ubi veterum linguarum industria & brevitās, cum nostrarum loquacitate conferetur.

E Maguelonensi agro, & Meridionali Galliâ, è Salernitano littore, ac Meridionali Italiâ, ex Hispaniâ denique universâ subindè discedentes Arabes, in iis potissimum locis post se su-

* Sit in exemplum.

Le jeune Hébreu tua le Géant.

Le Géant tua le jeune Hébreu.

Hic & illic articulus idem; eadem utrobique voces; sensus longè diversi.

perstitem reliquerunt versuum similiter
desinentium vel puerilitatem, vel, si
ita vis, concinnitatem.

Non diffitebimur iisdem deberi nu-
merorum brevissimas notas, algebricos
quoque calculos, & pleraque astrono-
micæ, gnomonicæque rei instrumenta
& vocabula, cum aliquo jam Botani-
ces ac medicinæ apparatu.

Nova sive prius incognita nostris
florum, fructuum, atque olerum semi-
numque genera & nomina ex Oriente
complures Crucigeri subindè retule-
runt. Vocabula multa, vocabulorum-
que juncturas diu misti nobiscum An-
gli, multa ex idiomate suo Itali, alii-
que finitimi colloquiorum necessitate
apud nos invexerunt. Multa ex idioma-
te nostro traduxerunt in suum.

Sic ubique gentium sine fine novi-
tati sese novitas admiscuit & implicuit.
Hinc alia aliis ætatibus personæ, nu-
meri, temporisque signa. Construendi
novæ inventæ leges. Exceptum simul in
multis: & exceptioni ipsi in modum
canonis pro loco constitutæ, sæpè de-
rogatum. Multa contraxit brevitatis
amor & negligentia pronunciandi. Ple-
rumque sublatâ non è syllabis modò,
sed ex vocibus etiam necessariis unâ,

factum uti oratio, prius legitima, legibus obluſtari videretur, aut ænigmatis haberet ſpeciem. Quas linguæ affectiones, pugnantefque ſecum formulas dicendi, ſi quis ad generalia quædam capita ſimplicesque analogias revocare veller, id non desperare præſtari ab eo poſſe, cum ſint earum rerum rationes non omnino nullæ: ſed immenſus ei nec teneræ præſertim ætati valdè neceſſarius aſſurgeret labor. Quî poſſent, quæſo, etiam exercendi animi gratiâ, legibus iſdem ſubjici quæ origine, ſono, figurâque diſcrepant, & mero nonnunquam caſu definitæ ſunt?

Ea vero ipſa mutabilitas neque rationis neque legum patiens, linguis tamen compluribus, & huic noſtræ præſertim profuit non mediocriter. Inhærentem illi ab origine deformitatem tum tædioſiſſimi verbi auxiliaris, tum articuli compluribus in locis ambigui, paulatim didicimus illa ipſa varietate tot formularum conſtruendique dexterritate, vel reparare vel diſſimulare.

Fatentur nunc omnes ex tantâ, tam minimè cohærentium partium quaſi colluvie linguam extiſſe tamen, & in omni orationis genere felicem, & au-

ribus influentem suaviter, & celebrem nunc voluntario totius Europæ usu. Prodigii instar ea res videretur si non & Latinæ aut Græcæ impuriore originis essent: unde & id efficietur magis ac magis, eas legibus neque regi neque disci.

Nata utraque latrones inter & pyrras, inter Barbaros adolevit. Græcam Phænices, Phryges, Macedones, Illyrici, Galatæ, Scythæ, & fortuita nunc exulum, nunc erronum agmina tot flexionibus nominum, tot verborum tribubus, tot particulis, tot dialectis oneravere. Exordium Latinæ ab Umbris aliisque Gallis; ab Etruscis quoque & Sabinis; à Campanis demum & Samnitibus; quorum omnium origines & voces diversæ; par propè rusticitas, ingenii vix aliqua vestigia.

Quarto certè & quinto sæculo ab urbe conditâ Romanorum sermo incomptus adhuc, aut vix aliquâ cœperat elegantiam transmarinæ eruditionis adornari. Dato deinde Italis, ac gentibus paulatim innumeris hoc vel illo civitatis jure; qui Romanæ rei fuit splendor, idem fuit & linguæ.

Quæ causæ scilicet varietatem vocum, dialectorum, figurarum gene-

tant ; linguæ penum pariter augent : si modò contingunt iis temporibus homines ejusmodi qui peritiâ dicendi è turbâ extare incipiant ; quî quod alii dicunt negligenter & trito modo, usurpent ipsi non sine aliquo defectu, cum dignitate, cum plausu. Unde necesse est alios ejusdem laudis existere imitatores. Sic obsolescere agrestia : sic urbanitatis esse aliqua laus, alter & alter pro loco & tempore dictorum sapor. Pleniorē decentiæ sensum majora sunt in dies elocutionis ornamenta consecuta. In tantâ scilicet vocum figurarumque copiâ, libertati & industriæ locus. Hinc formulæ dicendi vel primariis urbibus, vel principibus viris usitatiores, derivatæ imitatione in vulgus. Hinc Poëtarum atque Oratorum, styli quoque hujus & illius variæ fortunæ : quibus causis adjiciemus & alteram non levioris pretii.

Optima nempe in omni genere artium inventa cum cœpissent consignari monumentis litterarum, nova pariter sunt oblata legentibus ad scribendum dicendumve adjumenta. Licitum jam conferre senescentes vel dubias usu locutiones cum locutionibus probatissimis, insigniumque scriptorum fa-

vore florentibus. Ejusmodi labor cum fuisset ignotus antea, tumultus armorum inter & impedimenta itinerum, perfici præsertim cœpit in illo liberri-
mo: oratio litterarum domesticâque dili-
gentiâ scribendi.

Sic sermo in tantâ undique confluen-
tium locutionum discordiâ inconditus
& horridus, eodem, paulatim colore
tingi, unâ denique formâ donari ce-
pit: & ut manu fabrorum metalla, sic
linguæ tractari sese passæ sunt erudi-
torumque limâ perpoliri. Ubi videba-
tur oratio haud satis lenis, sed con-
sonis sibilans, scabra quoque atque
hiulca aspero concursu vocalium; con-
sultum auribus est: asciti ex industriâ
soni magis teretes. Quidquid rei signi-
ficandæ minus idoneum foret, emen-
datum in melius, aut ipsâ desuetudine
antiquatum.

Nunquàm vel rarò ejusmodi acces-
sionibus neque sonorum neque locu-
tionum, succrevit Hebraïca lingua ser-
monis Phænicii soror ac dialectus: in
nativâ suâ se simplicitate continuit, uni
scilicet addicta populo, prope ignota
cæteris, & usque ad promissæ pro-
mulgationem salutis in uno terrarum
angulo delitescens. *

* Post annos
ter mille &
quingentos
durat Abraha-
mi lingua, du-
rat promissa
posteritas,

Ne Attica & Romana tam variè uictæ, tam diù florentes, pereuntium leinde civitatum & imperii cadentis experirentur vicem, id præstiterè ingeniosissimi in omni genere scriptores ipsa diuturnitate admirationis.

Nec sterilis nunc voluptas, vetera Linguarum
veterum sum-
ma utilitas. legendo, veteribus ipsis quasi interesse, & auscultare loquentibus. Mira operum varietas: complurium eximiæ virtutes: dulcia quoque nonnullorum vitia: ut cum te copia invitet, utaris commercio aliorum perseveranter, aliorum parcius. Cum Senecâ disputante confer philosophantem Ciceronem; vel, in expositione rerum naturalium, confer cum Plinio Columellam. Non mediocris utrobique industria: felix, quoquò te verteris, ingenium. Tua deinde sit optio utrum frui malis placidissimæ orationis luce, & scitâ rerum consecutione, an continuò scintillantis ingenii stricturis percuti, agitarique subsultim. Si Tacito Livius opponitur, magnum utriusque nomen, virtus longè dispar. Vix obtinet aliquam fidem Tacitus qui politica semper mysteria subolfaciat & ascribat nil tale cogitantibus. At miminè hæsitans Livium sequor, in iis conquirendis quæ gesta

sunt, non quæ suspicatur, diligentem.

Demulcet alium Claudiani cantus, quia sit ab omni prope syllabarum vocalium collisione liber: alium capit Virgiliani styli varietas ipsa, naturam imitantis, neque ad fastidium canori; sed maximè sonoros versus præmissâ aliquâ duritie commendantis.

Tuum pariter est explorare utrum sit potior Plauti Latinitas an Terentii: utrum eloquentiæ palmam temporibus Augusti adjudices, an Trajani. Hic nimirum ostentando ingenio, illic veritati illustrandæ, omni orationis contentione subservitur.

Huc accedit quod vetera legentibus admoventur interdum stimuli non inutiles & nova subinde laboris incitamenta. Quem delectat ludens Anacreon, is non continuò sequetur Pindarum longè avolantem: nec, si quis legendo Xenophonti parem se sentiet, Plutarcho propterea videbitur idoneus. Gradatim ex uno ad alterum pergenti labore opus, judicio, perspicientiâ. Ita singuli suâ sunt aliquâ proprietate sueque stylo pollentes, ut totidem prope linguas dixeris esse quot celebrantur operum species & scriptorum nomina.

Crevit igitur cum laudabilium librorum numero & monumentis ingenii, facultas delectûs, informandique iudicii & styli oblata omnibus adjumenta. Non poterit enim non esse longo exquisitæ orationis usu alacrior ad dicendum, vel alienâ jam experientiâ utcumque aptior ad rem gerendam; quisquis operam dederit Polybio & Vegetio in re militari; Columellæ ac Palladio in rusticâ; Livio, Tacito, & Plutarcho in reipublicæ administratione; Tullio in omni vel disquisitionum vel iudiciorum genere.

Græcorum autem Latinorumque cum sint nunc inventione typographicæ artis ubique gentium disseminata scripta; nec se manibus cujusquam, nunc ut olim, subtrahunt; nec ab ullo nisi damnosè negliguntur.

Non enim solum acuenda nobis ingenia, non unicè procudenda lingua est: sed onerandum imprimis complendumque pectus maximarum rerum & plurimarum suavitate, copiâ, varietate. Qui autem Græcorum Romanorumve neque perpoliuntur doctrinâ, neque experientiâ instruuntur, versari illi in duplici periculo solent, ne

habeant aut indisertam prudentiam ;
aut inscientiam loquacem.

Ex iis linguarum originibus & incrementis id possumus conficere , omnium ; sed eruitarum præsertim gentium linguas constare naturali illo , uti diximus , fundamento ; tum superstructo , pro hominum arbitrato , ædificio ; & adjecto demum ab eruditis ornamento.

In linguis
omnibus fundamen-
tum , ædificium , or-
namentum.

1°. Habet omnis igitur lingua communes , judicii que interioris imitatrices partes , nimirum voces , vocum flexus , flexuum varia ministeria , & aliquam ut in rebus sic in signis concordiam. Hoc fundamentum : hoc naturæ opus : quod in omni sermone deprehendet qui volet , ac prope incogitans exercebit.

2°. Habet omnis lingua suos , non tantummodo sonos , rerum significationibus utiles ; sed structuræ peculiaris sæpe modum , vix numerabiles præterea sine communi lege sine certâ semper analogiâ , fixas tamen in suâ diversitate & consensus diuturnitate constantes formulas. Hæc proprietas linguæ ; amplissima nempe materialium valde dissimilium moles. Hoc homi-

num arbitrio & multiplici manu congestum ædificium.

3°. Habet omnis denique politiorum gentium lingua scriptores magni nominis, quorum ingenio variisque artibus eum cultum potuit adipisci, quem aliæ suspicerent ætates atque gentes.

Hinc & Grammaticæ triplex pariter exoritur genus. Grammatica triplex.

Prima est *Scientia elementorum*, quæ in quolibet idiomate id observat quod simplicissimum est; primarias, inquam, sermonis partes, necessarios & perpetuò recurrentes nominum verborumque flexus, tum connexiones vocum; maximèque vulgares concordia ac rectionis regulas. Scientia elementorum.

Altera grammaticæ species est *scientia proprietatis*, quam proprietatem intellige non vocum tantummodo sed figuræ, hoc est universæ linguæ. Scientia proprietatis.

Quisquis enim linguæ veteris aut hodiernæ indolem voluerit habere perspectam, moris est eum inquirere in speciales & proprias ejus leges, tum etiam in varias orationis figuras quæ ab his legibus recedunt; ac, si ita visum est, in vocum quoque etymologiam, in exceptionum deinde omnium

probabilem cum regulis analogiam ; in causas denique harum rerum ; quidni & in historicas singularum origines ?

Critica Auto-
rum.

Tertia Grammaticæ species est *Scientia Critica Scriptorum* , cujus finis est sapere , & uti gustus acuatur , autorum scripta revocare ad certam pulchritudinis normam , conferre alios cum aliis , sentire quid valeant , quâ virtute præcellant , si quid in iis vitiosum modestè reprehendere ; quod eximium , in rebus , vel dictu minus usitatum , id asserere litteris , & lucro apponere.

Tria hæc instrumenta quo discrimine , quibus temporibus , quâ prudentiâ tractari & adhiberi necesse sit , pulcherrima sanè , non difficilis tamen quæstio est. Pendet solutio vel jam fluit ex iis quæ de linguarum tum naturali tum humano artificio dicta sunt superius , & prolata non ex ullâ meâ opinione , sed ex notissimâ naturâ intellectûs humani , nec minus notâ historiarum fide. Hinc gignitur optima , si non unica , disciplina linguarum , docendique minimè dubius ordo.





LIBER II.
LINGUARUM
DOCTRINA,

*Et expedita, omni ætate, discendi
 facultas.*

DISCUNTUR Linguae omnes aut ratione, deinde usu; aut usu, ac deinde ratione. Diserimen tenue dictu, te maximum. Vide utrum alteri, solo temporis ordine anteposueris, usum scilicet rationi, an usui rationem; usum scriptioni, an usui scriptionem. Illic rei cardo.

Si ab lingua usu, hoc est, à constantif- Via tuta;
 firmâ consuetudine bona audiendi & repe-
 tendi, ducis initium linguae alterius, &
 hunc usum ratione deinde studioque re-
 rum grammaticarum confirmas; via ea
 plana, Regia, nulli clausa, placens, tu-
 tissima: euntibus ipsa via dux est, &
 patitur aberrare neminem,

Via fallax. Si à ratione regulisque scribendi incipis ; si nullo prævio usu , sed grammaticâ moderante gressum , ab regulâ primâ instituis iter ad reliquas longo agmine subsequentes , & , aliquot lineolarum penso de die in diem soluto , speras optata te impetraturum ; longa est via , longæ ambages , & ad linguam ipsam pervenies aut aliter , aut serò , aut nunquam.

Vulgare rudimentum.

Atqui eâ tamen , inquires , eundum nobis est viâ , cum prior occlusa sit. Vulgarium sanè linguarum magister est usus. In linguis veterum quid , quæso , habebit loci ? Silent veteres : nulla interrogandi facultas : nulla responsorum spes. Ubi autem non est reciproca vocum commutatio , hîc supplemento opus & artis auxilio.

Constat lingua vocibus & vocum structurâ. Vocum prope omnium nomenclationem uno volumine Grammatici compingunt ; altero construendi regulas. Videtur primò aspectu molestum , ignotas voces conquirere , & repertas exigere ad multiplicem normam. Verùm tenaciùs hærent quæ laboriosius acquiruntur : & quoniam grammaticæ legibus , non tenui sanè numero congestis , innititur universa linguæ

linguæ moles, nunc damus uni operam, nunc alteri: in propositis ex industriâ exemplis immoramur quantum sat est, ut regulis omnibus paulatim satisfiat. Sic aliquot annorum patientiâ opus totum absolvitur. Hæc tyrocinii spes & litterarum stabile fundamentum.

Enarrasti quod fieri & passim, & per diu, & magno angore solet; fieri tamen omnino non debet. Istud ipsum præstare quod laudas, omnino nihil est aliud, nisi non posito fundamento ædificare, & ridiculum non minus quam caducum ædificiolum nomine solidi operis insignire: neque ita tibi, ut fieri vulgo solet, induxeris animum esse in regulis fundamenta linguæ.

Vulgaris rudimenti vitia.

Linguarum quippe omnium, tam quæ nunc sunt vulgares quam quæ nullius jam populi sermonibus usurpantur, eadem ut non sit fortuna, eadem tamen est natura; idem artificium, & unica ut discendi, sic igitur & docendi disciplina. Excogitandis enim tot sonis, tot sonorum societatibus, cum nulla deliberatio, nullum consilium, sed fors & libido populorum præfuerit; habent singula idiomata infinitam varietatem consuetudinis: habent suos, ut ita dicam * mores, quos qui meditando &

* Manières.

solitariè scribendo assequi se posse confidit, ingrato & longo labore adipiscetur nihil : propterea quod, quæ sedulò compingit & castigat ad regulas, nullius linguæ similia sunt, quæ uspiam gentium extiterit. Et quò magis illud suæ rationis opus promoverit, eò quoque magis ipsum à veritate & ingenio linguæ usu deflectere necesse est. Ho! quot styli formas diversimodè miserabiles hic error invexit!

Penes usum sunt prima linguarum documenta, & quam linguam non ratio sed usus creavit, eam ratio non docet : eam tradi usu & prompto intelligendi habitu, sana ratio jubet. Ubi sermonis & sensum & indolem obtinueris assiduo usu; tum verò limæ, ornamentis, regulis & labori locus.

Ridiculum! inquis: ea lingua tradetur usu, quam nemo nunc hominum loquitur? Quæ autem poterit iniri cum mortuis consuetudo, & cum mutis colloquendi familiaritas?

Ne verò muros eos dixeris, quorum est litteris conservata vox, & qui, quoniam possunt legi, possunt pariter audiri. Quæ audiuntur autem possunt interpretis auxilio ab audientibus intelligi paulatim, repeti frequenter, & eorum

propria fieri factò gradatim itinere à tenuibus ad majora. Sunt verò hæc omnia usus ipse, sincerusque linguæ usus. Vix poterit alter non esse sputius, aut peregrinus, & necessariâ fœditate mentes inficiet.

Quod autem fieri in eò genere solet, id quàm perperam fiat, *quàm non debeat fieri*, proferemus in lucem, adductis ante omnia, tum manifestissimis exemplis, tum naturalibus rei causis. Eorum qui fuerint in eâ materie oculatissimi subjungetur autoritas. Videndum deinde erit *quid fieri debeat*, quid jubeat non opinio sed natura; quid suadeat constans experientia.

I.

Quid fieri non debeat.

Si quis pro more promissisque scholarum, ad veteres linguas perveniri posse meritò confidit ipsâ contemplatione regularum scribendique perseverantiâ; iisdem nos auxiliis utentes quid jam vetat Italorum linguam vel Anglorum commodè adipisci. Non queremur impediri negotium istud regionum intervallo aut interjectu marium: non

Quid fieri
non debeat
ostenditur ex
exemplis.

colloquia indigenarum, non magistrum desiderabimus in eam rem: non incubimus domesticæ tenuitatem rei. Nec magis obstabit huic voto locorum longinquitas quàm temporum. Multos jamdudum arrexit eâ spes.

Quod si verò exempla passim comprobant eo linguæ vulgaris tentamine ac rudimento aspergi mentibus insanabilem labem, ac multò plus existere incommodi quàm utilitatis, non liberabuntur illo probro tantoperè laudata latininitatis initia, cum sit linguarum par natura, par discendi conditio, erroris par infortunium.

Hanc viam, quam dixi, tentavit nuper juvenis Anglus, quem pro more suæ gentis, cupido dudum Gallici sermonis inceserat: cum autem penitus omni Gallorum colloquio destitueretur in rustico suo prædio degens à Bristolio non procul, venit homini in mentem, quâ ratione fuerat initia aliqua latininitatis in scholis assecutus, eâdem posse se scriptitare Gallica, & artis grammaticæ legibus obedientem patienter, venturum eò esse, ut Gallus aliquando inter Gallos videretur. Ex ejusmodi scriptionibus * quas congesserat innumeras, iter ad nos facturus, & in

*Des Thèmes.

vidulo solebat asportare secum, paginam hanc scriptam, ut sit, primum patriâ linguâ, deinde ut putabat, Gallicè redditam, detraxi. Ejus tibi, Lector, copiam faciemus, uti sperò non inutilem. Confer, si potes, Anglica cum Gallicis. Ipso tamen unico Gallicæ descriptionis aspectu statim apparebit, quantum sua cum spes fallat, qui ignotæ linguæ vocabula requirit ex nomenclatione, struendi leges ex arte grammaticâ, orationis ordinem ex materni sermonis ingenio.

„ Before he left Sicily, he made the
 „ tour of the Island to see every thing
 „ in it, that was curious, and espe-
 „ cially the city of Syracuse, wich had
 „ alwais made the principal figure in
 „ it's history. Here his first request to
 „ the Magistrates, who were shewing
 „ him the curiosities of the place, was
 „ to let him see the tomb of Archime-
 „ des, whose name had done so much
 „ honour to it. But to his surprise he
 „ perceived that they knew nothing
 „ at all of the matter, and even de-
 „ nied that there was any such tomb
 „ remaining. Yet as he was assured of
 „ it beyond all doubt, by the concu-
 „ rent testimony of writers; and re-

The life of
 Cicero by Co-
 niers Midle-
 ton, tom. 1.
 P. 64.

„ membered the verses inscribed ; and
 „ that there was a sphere with a cy-
 „ linder engrawed on some part of it ,
 „ he would not be dissuaded from the
 „ pains of searching it out. When they
 „ had carried him therefore to the
 „ gate , where the greatest number of
 „ their old Sepulchers stood , he ob-
 „ served in a spot overgrown with
 „ shrubs and briars a small column ,
 „ whose head just appeared above the
 „ bushes , with the figure of a sphere
 „ and cylinder upon it. This , he pre-
 „ sently told to the Company , was
 „ the thing that they were looking
 „ for : and sending in some men to clear
 „ the ground of the brambles and
 „ rubbish , he fownd the inscription
 „ also wich he expected , tho' the lat-
 „ ter part of all the verses was effa-
 „ ced. Thus , says he , one of the no-
 „ blest cities of Greece , and one like-
 „ wise the most learned , had known
 „ nothing of the monument of it's
 „ most deserving and ingenious citi-
 „ zen , if it had not been discovered
 „ to them by a native of Arpinum.

*Avant que Cicéron quittât Sicile , il
 fit le tour de l'Isle , pour voir chaque
 chose en elle , qui étoit curieuse , & spé-*

également la cité de Syracuse qui a toujours fait la principale figure dans sa histoire. Là sa première requête aux Magistrats, qui étoient montrans à lui les curiosités de la place, fut de laisser lui voir la tombe d'Archimedes, duquel le nom a fait tant d'honneur à elle. Mais pour sa surprise il aperçut qu'ils connoissoient rien du tout de la matière : & même nioient qu'il y eut aucune telle tombe demeurante. Cependant comme il étoit assuré de elle, de la tout doute, par les concourrans témoignages d'Ecrivains, & qu'il se souvenoit des vers inscrits, & qu'il y avoit une sphère & un cylindre gravés sur un peu de part d'elle ; il voulut n'être point dissuadé des peines de chercher elle. Quand les Magistrats eurent conduit lui donc (a) à la porte de la ville, où le plus grand nombre de leurs vieux Sepulchres étoit ; il observa dans un morceau de terre qui avoit trop cru en arbrisseaux & en brossailles, une petite colonne, de laquelle la tête apparoissoit (b) équitablement au-dessus des ronces avec la figure de la sphère & du cylindre au-dessus. Ceci, il présentement dit à la Compagnie, étoit la chose, laquelle ils

(a) Il veut dire, dans cette vue. Mais le Dictionnaire lui laisse le choix.

(b) Il veut dire, justement. Autre preuve du danger des Dictionnaires.

étoient cherchans pour. Puis, envoyant là un peu d'hommes, pour éclaircir la terre de ronces & de buissons, il trouva l'inscription aussi qu'il attendoit; quoique la dernière part de tous les vers fut effacée. Ainsi, dit-il, une des plus nobles cités de Grèce, & à la fois pareillement la plus savante, auroit connu rien du monument de son le plus méritant & ingénieux Citoyen, s'il n'avoit pas été découvert à eux par un natif d'Arpinum.

Vir Parisinus, cui forte Bristolienſis hospes hoc aliquo industriæ suæ specimine significatum esse voluerat quid in nostro sermone posset, eum monuit amicè quàm nihil esset in ejusmodi lucubratione spei aut adjumenti. Cumque ille se scholarum patrociniò defenderet, nec de suâ sententiâ facilè deduceretur, subjunxit Parisinus illum, dum vulgaris Grammaticæ legibus obsequitur, eò ipso peccasse quod iis obsequeretur; scribentem *sa histoire, son le plus méritant Citoyen*, deerrasse, non à grammatico ullo dogmate, sed à linguæ proprietate: nullâ autem eum assequi conjecturâ potuisse, quibus in locis impetratum nobis esset à consuetudine, ut peccare, suavitatis causâ, liceret; aut ordinem nunc vocum invertere,

nunc rerum. Id causæ viro externo toriès fuisse cur Anglicè diceret, non Gallicè; quapropter missam faceret hanc præposteram consuetudinem vertendi Anglica sua in eam linguam cujus ipsi essent incogniti mores; quæque alio penitus incederet & vultu & gradu; autorem ei se esse, ut quæ scribendo exegerat ad normam grammaticorum, longissimè amoveret à se, & obliterari pateretur, si saperet; quisquis tene- retur vel nostri, vel alterius, cujus- cumque sermonis desiderio, eum esse præoccupandum exercitationibus om- nino nullis, potius quàm absurdis & homini nocituris; posse verò hospitem suum duobus adjumentis utentem lin- guæ nostræ proprietate assuefieri & im- bui; altero, si quos videret probè ac liberaliter institutos, ad eos accederet frequenter, iis daret operam; altero, si vel commorans in Galliâ, vel Bristo- lium reversus, è scriptoribus nostris lec- tissimum quemque in Anglicum sermo- nem verteret, opem ferente Anglico vel nomenclatore, vel interprete; quâ in exercitatione nihil affore periculi, prop- terea quòd quæ Gallicè audiret & le- geret, vera essent; nec ambiguū unquam usus; & conferentem deinde Gallica

laudabilia cum suis, percepturum esse nullo suo labore, nullo suo damno, quibus in locis perverteretur sermo Anglicus religiosâ imitatione nostri, quantum alter ab alterius formâ recederet.

Jam verò si scholæ non fallunt, cur Anglum fefellit sua spes? Quid cencebimus homini defuisse quominus quod intenderat, eò perveniret? Non defuit illi annorum complurium patientia: non illum destituere legitimæ voces, non vocum flexus, non leges grammaticorum. Defuit homini primus linguarum magister, & unicus doctor proprietatis *usus*.

Num igitur minus absurda, minusque vitiosa ille scriberet, si, quæ facere Gallica, tam ridiculo eventu, voluit, ex Anglicis latina pro more scholarum fecisset. Quàm certè fraudem sua ei Gallica scriptio fecit, eandem facit latina nostris. Sic non potest non esse summoperè culpabilis aut valdè miser, qui, cujus linguæ usum nullum habet, in ea per plures annos exercere se scribendo vel audeat, vel jubeatur; & ratione regere, quæ quoniam multiplici fortuitoque usu constituta sunt, multo usu comparari necesse est, non ratione

ac mentis contentione conquirit. Hujus postremi laboris quæ sit absurditas, facis declarabitur brevissimo exordio Geographicae (a) collectionis quam scriptor Germanus, publicus magister è suo sermone in Gallicum transtulit ad morem Scholarum.

» A Leipsic je fus prié de tenir un
» Collège Géographique (b) : & com-
» me j'avois donné par écrit les prin-
» cipaux chapitres de mon discours (c),
» je me vis engagé à faire un manuscrit
» aussi en cette discipline (d).

Tu ipse tibi nunc vanitatem operis ob oculos pone. Hospitem Polonum cui fuerit Gallica lingua cordi, jube s'odes domi sit sedentem & grammaticis præceptis ac suppellectili scriptoriâ egregie munitum, exscribere Polonica nonnulla, quæ statim Gallica ex arte faciat, in lexicis versari, vestigare voces, complurium delectum habere, in singularem deinde compositione ad hanc vel illam legem advertere oculos, obtinere pedetentim modum, tempus, personam, numerum, verba auxiliaria, &

(a) La vieille * & la nouvelle Geographie d'Hulners à Amsterdam chez Otiens 1735.

(b) Il veut dire une école de Géographie.

(c) Il veut dire de ses leçons.

(d) Je ne sais plus ce qu'il veut dire.

* Il a voulu dire l'ancien-
ne.

indicativas harum rerum clausulas; tum unâ tandem aliquando expeditâ voce, facere iter ad alteram; suo & hanc & alias iusto vestitu adornare; quæ sic animo præordinaverit, exscribere. Ibit homo, non diffiteor. At cogita quàm lento gradu, quàm cespitans ad singula, quàm metuens periculi. Priusquam audeat in circulis committere quidquam de suo, fluent menses, & anni. Moliminis tarditate ac diuturnitate silentii desperatum hospitem, nulla nisi generalia capientem, obviorum hominum placita non percipientem nec enunciantem sua, nisi aliorum risu, necesse erit eum facere finem laboris odiosi, & fugâ in suam se restituere libertatem.

Scriptiois ejusmodi opus cum sit in viro plenæ suæ rationis compote & laboris patientissimo propè injurium; quæ species verisimilitudinis esse potest id exigi longissimo scholarum decursu à puerulis, & extorqueri miserorum metu?

Si sumptum esset initium rudimentè ab ipso primùm audiendi & intelligendi; tum frequenter eadem repetendi usu, non quereremur angorem litteris additum, non dispendia tetra-

posis, non sermonis inemendabilem turpitudinem.

Usum igitur, quem plurimum esse ante omnia exoptamus, ne interpreteris eo sensû quo accipiunt Poloni, Hiberni, Bohemi, Belgæ, aliique Septentrionales non pauci, quorum est summus quidem sciendi ardor & scribendi; in pluribus tamen summa sermonis incuria & stylus abnormis. Quod vitium est ab ipso neglectu autorum, grammaticæque doctrinæ falsitate profectum.

Falso us
abstinendum

Mos iis, postquam ex ephebis discesserunt, latinè, ut aiunt, hoc est more Scholarum loqui, & cum ignavissimâ latinitate utantur in familiari colloquio, vix fieri potest, quin supinâ pariter utantur in scribendo. Sic duplici malo laborant illi: nos unico. Pueri, tantum latina deformamus: è scholis elapsi, ponimus calamos & artem. Ita nos allucit & rapit Gallicæ societatis elegantia, ut properè dediscatur & evanescat umbratilis illa; vel potius manca & ingloria latinitas; amissam desideria nulla consequantur. Ut etiam, si quibus è nostris inter confabulandum exciderit latina vox, illa secum afferat vel purgandi necessitatem, vel erubescendi. In Septentrione aliter.

Universas illic familias & ipsam plebeculam, Scholarum lingua pervasit. Immutata quidem est studiorum facies. Veterum placita fecerunt recentioribus locum. Opinio opinionem trudit. Una styli barbaries manet.

Suos habent Angli, suos Germani, Baravi, & Helvetii, scriptores optimos & laude Latinitatis illustres, at imitatores ejusdem styli paucissimos. In Meridionali nostrâ Europâ si quid est quo superare Septentrionalium conditionem videamur, hoc tantum quod sit apud nostrates unius omnino linguae usus, & eloquentiae litterarumque gustum barbaries illa sermonis peregrini non interficiat. Ejus autem consuetudine latinitatis, quam materno suo sermoni Septentrionales anteponunt, ad omnem dicendi scribendique decentiam sic solent hebescere, ut uberem saepe scientiam rerum, suae orationis intusitate deturpent. Tantum propterea radii lectoribus creant fratres Walemburgii stylo inculto; Boerhavius aspero; s'Gravesandius horridô; tot Belgæ Theologi nullo: quos tamen omnes ego hîc honoris causâ & inductus ipsâ doctrinae celebritate, testes inveteratae habitudinis appello.

Cum autem prudenter abjecerimus Pravâ scrip-
tione abstin-
endum. morem illum latinè dicendi, ne scilicet
illis assuesceremus quæ latina non sunt;
cur non & consuetudinem, non minus
noxiam, per plures annos, & quod
pejus est, per teneros annos, vitiosa
scribendi?

Simplicibus obviisque & ad rem no-
stram appositis exemplis dijudicata om-
nis jam controversia est. Rem tamen
aliâ nunc aggrediemur viâ.

Fictitio illo stylo & puerili latinitatis Quid fieri non
debeat osten-
ditur cautis &
naturâ & ex-
perientiâ de-
ductis. fabricâ quantum vel protrahatur mo-
ræ, vel conferatur in ætatem secuti-
ram incommodi, suadeat nunc ipsa ser-
monis humani natura notissima, sua-
deat omnium nostrum notissima pariter
experientia.

1°. Qui non audito antea latino, Quantum no-
ceant vitia pri-
mi sermonis. Græcoque sermone instituit sub gram-
maticorum canonum ductu & libri no-
menclatoris indicio delectum vocum
habere, easdem scribendo componere,
quæ magister emendarit ad exemplar,
excipere fideliter & intueri sedulo; hæc
prima audiet, legetque frequenter ac
diu: hæc secum meditabitur, & paria
quantum poterit, imitando effinget, ut
laudet, ut emineat.

Quæ autem sic exiguntur & emen-

Quintil. l. 1. cap. 6. dantur ad artis normam, à recto linguæ usu abhorrent ut plurimum. « Quid est » enim aliud grammaticè loqui, quàm » omnino latinè non loqui.

Norunt Quintiliani dictum plerique studiorum rectores, neque diffidentur quàm sit rudis & imbecilla puerorum scriptio; quàm longè quoque absit ab illâ grammaticâ diligentîâ quæ stomachum tamen Quintiliano movit. Sed in eo disputant quod fieri sic solet & arte grammaticâ regi, id sano fieri consilio & salubri instituto: bene scilicet agi cum illâ ætate, si quis extenuat suas vires consultò, si quis emaciat, ac depauperat latinitatem suam ex industriâ.

Pace illorum dixerim nullius unquam linguæ depravatione prudenter illius institui posse rudimentum. Non patietur matrona prudens filium suum facere suæ linguæ prima tentamina, rusticis aut falsis locutionibus insuescentem. Teneris mentibus ingerantur modica, & exilia sensu, quæ illam scilicet ætatem non gravent: rectè: at audiantur nunquam vel falsa, vel prolata é trivio. Distant autem longiùs à sinceritate Romani sermonis quæ in Scholis inferioribus emendari dicuntur, quàm provincialia nostra à Gallicis veris. Cum

certum sit inesse sermoni vel provinciali, vel etiam rustico primariam linguæ proprietatem. Non est igitur scholastici sermonis minus metuendum contagium, quam rustici. Par utrimque periculum.

Rem, quæso, jam propius introspice. Non capit animus infans quæcumque dici ac scribi latinè possunt. Omni scilicet prolixitate dicendi obruitur: omni periodorum exterretur aspectu. Neque membrorum discrimina justa sentiet, neque metietur numeros; multòque minùs percipiet aut æqualium, aut variorum intervallorum percussiones. Non erat his locus: in tenui propterea primus erit labor. At quantum vis brevia, quantum vis tenuia sint quæ imbecillitati ætatis voles apta esse, sint vera tamen: sint hausta è scriptoribus laudatissimis, ut quæ sic supererunt eorum animis impressa, fiant, etiam cum grandescant, exemplaria dicendi, nec in reliquâ vitâ dediscantur.

Hæccine verò exemplaria in posterum? Hæccine operis litterarii fundamenta? « Petrus celavit me hanc rem, » Magister docturus est nos totam Bibliam. Joannes laborat ad lucrandam » suam vitam.

Quod si, quia hæc vulgata usu, & alia mille ab regulis non abludunt; iis impunè exercetur ætas, ergo & impunè rus ablegabitur Versaliensis aut Parisinus puer: illic audiet sine periculo & imitabitur commodè plebeia ejusmodi:

» A quoi vous *avez* vous diverti ce
 » matin. Vous vous *avez* trop échauffé.
 » Vous êtes *suant*. Prenez un *blanc*
 » mouchoir. Voilà *un* quelqu'un qui
 » entre. C'est Monsieur votre Tuteur
 » qui demande *après vous*. Pendant que
 » vous lui souhaiterez le *bon Vêpres*, je
 » ferai *mettre la nappe*. Nous lui servi-
 » rons une *volaille* des mieux *mories*.
 » Il pourra souper *auprès de nous* & s'en
 » *retourner* de jour à Paris.

Consentiunt hæc & illa legibus: neutra tamen legitima sunt; neutra, ne solvendo quidem ori, satis idonea, sed audientibus futura fraudi, quia pariter usui resistunt: quem usum qui læsit frequenter, ipso habitu peccandi, peccabit etiam non volens. Derisus inde à multis, ac sinistrè exceptus, dicendo hærebit anceps, & vel diffidenter ac ridiculè dicet, vel cudendi sermonis peculiarem sibi formam præscribet:

« Sermonis autem, ut nummi, publica est, & privatorum fabricationibus mi-

rimè permiffa forma. Nec magis in-
 ftrui ad litteras puerum decet falsâ la-
 tinitate primitùs imbutum, quàm de-
 pravatos nummos obrudentem, vel,
 quod pejus est, cudentem, facere initia
 mercaturæ.

Quò erit puer in adulterino illo ar-
 tificio factus audacior, eò plus quoque
 laudum confequetur. Tali rudimento
 vide quantam fenestram ad studiorum
 fequentium corruptelam patefeceris.

» Naturâ enim tenaciffimi fumus co-
 » rum quæ rudibus annis percipimus :
 » ut fapor, quo nova imbuas, durat.
 » Nec lanarum colores, quibus simplex
 » ille candor mutatus est, elui poffunt ;
 » & hæc ipfa magis pertinaciter hærent,
 » quæ deteriora funt. Nam bona facile
 » mutantur in pejus : nunc vitia quando
 » in bonum verteris ? Non alluefcant
 » ergo (quifquam) ne dum infans qui-
 » dem est, fermoni qui dedifcendus fit.

Quantum funt primi fermonis noci-
 tura vitia fatis monet Quintiliani vel
 autoritas, vel exquisitum iudicium. Mo-
 net hic ipfe Quintiliani fermo, non vo-
 luntario nempe institutionis habitu, ar-
 gutulus potius quam fluens, nec pro
 more sæculi prioris, numerosè fonans,
 ab illâ vero Ciceronianâ venustate, di-

indicativas harum rerum clausulas; tum unâ tandem aliquando expeditâ voce, facere iter ad alteram; suo, & hanc & alias justo vestitu adornare; quæ sic animo præordinaverit, exscribere. Ibit homo, non diffiteor. At cogita quàm lento gradu, quàm cespitans ad singula, quàm metuens periculi. Priusquam audeat in circulis committere quidquam de suo, fluent menses, & anni. Moliminis tarditate ac diuturnitate silentii desperatum hospitem, nulla nisi generalia capientem, obviorum hominum placita non percipientem nec enunciantem sua nisi aliorum risu, necesse erit eum facere finem laboris odiosi, & fugâ in suam se restituere libertatem.

Scriptio ejusmodi opus cum sit in viro plenæ suæ rationis compote, & laboris patientissimo propè injurium; quæ species verisimilitudinis esse potest, id exigi longissimo scholarum decursu à puerulis, & extorqueri miserorum metu?

Si sumptum esset initium rudimentâ ab ipso primùm audiendi & intelligendi; tum frequenter eadem repetendi usu, non quereremur angorem litteris additum, non dispendia tem-

poris, non sermonis inemendabilem turpitudinem.

Usum igitur, quem plurimum esse ante omnia exoptamus, ne interpreteris eo sensû quo accipiunt Poloni, Hiberni, Bohemi, Belgæ, aliique Septentrionales non pauci, quorum est summus quidem sciendi ardor & scribendi; in pluribus tamen summa sermonis incuria & stylus abnormis. Quod vitium est ab ipso neglectu autorum, grammaticæque doctrinæ falsitate profectum.

Mos iis, postquam ex ephebis discesserunt, latinè, ut aiunt, hoc est more Scholarum loqui, & cum ignavissimâ latinitate utantur in familiari colloquio, vix fieri potest, quia supinâ pariter utantur in scribendo. Sic duplici malo laborant illi: nos unico. Pueri, tantum latina deformamus: è scholis elapsi, ponimus calamos & artem. Ita nos allucit & rapit Gallicæ societatis elegantia, ut properè dediscatur & evanescat umbratilis illa, vel potius manca & ingloria latinitas; amissam desideria nulla consequantur. Ut etiam, si quibus è nostris inter confabulandum exciderit latina vox, illa secum afferat vel purgandi necessitatem, vel erubescendi. In Septentrione aliter.

Falso usus
abstinendum.

Univerſas illic familias & ipſam plebeculam, Scholarum lingua pervafit. Immutata quidem eſt ſtudioꝝ facies. Veterum placita fecerunt recentioribus locum. Opinio opinionem trudit. Una ſtyli barbaries manet.

Suos habent Angli, ſuos Germani, Baravi, & Helvetii, ſcriptoꝝ optimos & laude Latinitatis illuſtres, ac imitatoꝝ ejuſdem ſtyli pauciſſimos. In Meridionali noſtrâ Europâ ſi quid eſt quo ſuperare Septentrionalium conditionem videamur, hoc tantum quod ſit apud noſtrates unius omnino linguæ uſus, & eloquentiæ litterarumque guſtum barbaries illa ſermonis peregrini non interficiat. Ejus autem conſuetudine latinitatis, quam materno ſuo ſermoni Septentrionales anteponunt, ad omnem dicendi ſcribendique decentiam ſic ſolent hebeſcere, ut uberem ſæpe ſcientiam rerum, ſuæ orationis infulſitate deturpent. Tantum propterea tædii lectoribus creant fratres Walenburgii ſtylo inculto; Boerhavius aſpero; ſ'Graveſandius horrido; tot Belgæ Theologi nullo: quos tamen omnes ego hîc honoris cauſâ & inductus ipſâ doctrinæ celebritate, teſtes inveteratæ habitudinis appello.

Cum autem prudenter abjecerimus Pravâ scrip-
tionē abstin-
endum. morem illum latinè dicendi, ne scilicet
his assuesceremus quæ latina non sunt;
cur non & consuetudinem, non minus
noxiam, per plures annos, & quod
pejus est, per teneros annos, vitiosa
scribendi?

Simplicibus obviisque & ad rem no-
stram appositis exemplis dijudicata om-
nis jam controversia est. Rem tamen
aliâ nunc aggrediemur viâ.

Fictitio illo stylo & puerili latinîtatis Quid fieri non
debeat osten-
ditur cautis &
naturâ & ex-
perientiâ de-
ductis. fabricâ quantum vel protrahatur mo-
ræ, vel conferatur in ætatem secutu-
ram incommodi, suadeat nunc ipsa ser-
monis humani natura notissima, sua-
deat omnium nostrûm notissima pariter
experientia.

1°. Qui non audito antea latino, Quantum no-
ceant vitia pri-
mi sermonis. Græcoque sermone instituit sub gram-
maticorum canonum ductu & libri no-
menclatoris indicio delectum vocum
habere, easdem scribendo componere,
quæ magister emendarit ad exemplar,
excipete fideliter & intueri sedulo; hæc
prima audiet, legetque frequenter æ-
diu: hæc secum meditabitur, & paria
quantum poterit, imitando effinget, ut
laudetur, ut emineat.

Quæ autem sic exiguntur & emen-

Quintil. l. 1. cap. 6. dantur ad artis normam , à recto linguæ usu abhorrent ut plurimum. « Quid est » enim aliud grammaticè loqui , quàm » omnino latinè non loqui.

Norunt Quintiliani dictum plerique studiorum rectores , neque diffidentur quàm sit rudis & imbecilla puerorum scriptio ; quàm longè quoque absit ab illâ grammaticâ diligentia quæ stomachum tamen Quintiliano movit. Sed in eo disputant quod fieri sic solet & arte grammaticâ regi , id sano fieri consilio & salubri instituto : bene scilicet agi cum illâ ætate , si quis extenuat suas vires consultò , si quis emaciat , ac depauperat latinitatem suam ex industriâ.

Pace illorum dixerim nullius unquam linguæ depravatione prudenter illius institui posse rudimentum. Non patietur matrona prudens filium suum facere suæ linguæ prima tentamina , rusticis aut falsis locutionibus infuescentem. Teneris mentibus ingerantur modica , & exilia sensu , quæ illam scilicet ætatem non gravent : rectè : at audiantur nunquam vel falsa , vel prolata é trivio. Distant autem longiùs à sinceritate Romani sermonis quæ in Scholis inferioribus emendari dicuntur , quàm provincialia nostra à Gallicis veris. Cum

certum sit inesse sermoni vel provinciali, vel etiam rustico primariam linguæ proprietatem. Non est igitur scholastici sermonis minus metuendum contagium, quam rustici. Par utrimque periculum.

Rem, quæso, jam propius introspecte. Non capit animus infans quæcumque dici ac scribi latinè possunt. Omni scilicet prolixitate dicendi obruitur: omni periodorum exterretur aspectu. Neque membrorum discrimina justa sentiet, neque metietur numeros; multòque minùs percipiet aut æqualium, aut variorum intervallorum percussiones. Non erat his locus: in tenui propterea primus erit labor. At quantum vis brevia, quantum vis tenuia sint quæ imbecillitati ætatis voles apta esse, sint vera tamen: sint hausta è scriptoribus laudatissimis, ut quæ sic supererunt eorum animis impressa, fiant, etiam cum grandescant, exemplaria dicendi, nec in reliquâ vitâ dediscantur.

Hæccine verò exemplaria in posterum? Hæccine operis literarii fundamenta? « Petrus celavit me hanc rem. » Magister docturus est nos totam Bibliam. Joannes laborat ad lucrandam suam vitam.

Quod si, quia hæc vulgata usu, & alia mille ab regulis non abludunt; iis impunè exercetur ætas, ergo & impunè rus ablegabitur Versalienis aut Parisinus puer: illic audiet sine periculo & imitabitur commodè plebeia ejusmodi:

» A quoi vous *avez* vous diverti ce
 » matin. Vous vous *avez* trop échauffé.
 » Vous êtes *suant*. Prenez un *blanc*
 » mouchoir. Voilà *un* quelqu'un qui
 » entre. C'est Monsieur votre Tuteur
 » qui demande *après vous*. Pendant que
 » vous lui souhaiterez le *bon Vêpres*, je
 » ferai *mettre la nappe*. Nous lui servi-
 » rons une volaille des mieux *mories*.
 » Il pourra souper *auprès de nous* & s'en
 » *retourner* de jour à Paris.

Consentiunt hæc & illa legibus: neutra tamen legitima sunt; neutra, ne solvendo quidem ori, satis idonea, sed audientibus futura fraudi, quia pariter usui resistunt: quem usum qui læsit frequenter, ipso habitu peccandi, peccabit etiam non volens. Derisus inde à multis, ac sinistrè exceptus, dicendo hærebit anceps, & vel diffidenter ac ridiculè dicet, vel cudendi sermonis peculiarem sibi formam præscribet:

.. Sermonis autem, ut nummi, publica est, & privatorum fabricationibus mi-

rimè permiffa forma. Nec magis in-
 ftrui ad litteras puerum decet falsâ la-
 tinitate primitùs imbutum, quàm de-
 pravatos nummos obtrudentem, vel,
 quod pejus est, cudentem, facere initia
 mercaturæ.

Quò erit puer in adulterino illo ar-
 tificio factus audacior, eò plus quoque
 laudum confequetur. Tali rudimento
 vide quantam feneftram ad ftudiorum
 fequentium corruptelam patefeceris.
 » Naturâ enim tenaciffimi fumus co-
 » rum quæ rudibus annis percipimus :
 » ut fapor, quo nova imbuas, durat.
 » Nec lanarum colores, quibus fimplex
 » ille candor mutatus eft, elui poffunt ;
 » & hæc ipfa magis pertinaciter hærent,
 » quæ deteriora funt. Nam bona facilè
 » mutantur in pejus : nunc vitia quando
 » in bonum verteris ? Non afluefcant
 » ergo (quifquam) ne dum infans quî-
 » dem eft, fermoni qui dedifcendus fit.

Quantum fint primi fermonis noci-
 tura vitia fatis monet Quintiliani vel
 autoritas, vel exquisitum iudicium. Mo-
 net hic ipfe Quintiliani fermo, non vo-
 luntario nempe institutionis habitu, ar-
 gutulus potius quam fluens, nec pro
 more sæculi prioris, numerosè fonans,
 ab illâ vero Ciceronianâ venuftate, di-

gressus jam plurimum. Monet idipsum acrius longè & in rem postram accommodatiùs humanæ natura auris , potentissimumque in locutionis organa dominium.

2°. AURIUM GUBERNACULO REGI HOMINIS LINGUAM NATURA VOLUIT.

Auris corruptæ necessarii effectus.

Hinc tam efficax & indeclinabile duo inter instrumenta commercium , ut , pro aurium valetudine & affectu , lingua temeretur aut excellat. Qui nascitur aurium destitutus usu , necesse est cum pariter & usu linguæ destitui. Neque hujus unquam vincula resolventur , nisi cum , sublatâ aurium ægritudine , sonus tandem aliquis eas , aliqua vocum discrimina pulsaverint ; aut vir industrius mutam docuerit edere sonos nostrorum non dissimiles , assiduâ monstratione motuum , qui labiis , dentibus , ac linguâ in rebus appellandis peraguntur.

Pari ratione nec dissimili eventu , si quis derelictus in insulâ , vel in sylvis , erraverit puer , & cum feris reptando , cursitandoque solari didicerit instigantem famem ; sonos vocis humanæ , quos nullos audit , nullos reddet : neque ullis indiget nunc , inter feras constitutus , quarum signa potius imitabitur , aut

cum lupis ululans, aut ad elephantos barriens.

Ut percussæ postea vocibus humanis pueri aures linguam provocent ad sonandum, & imprimant huic vocis instrumento eum motum, qui sit operato sono habilis potius quam aliteri; quo magistro usus, quæso, est? quo musico præcinente, quo anatomistâ sollicitante nervos, tendente fidiculas? Qui fieri denique poterit, ut, cum cæcutiat in tam multiplici organorum apparatu, tamen imperet his aut illis non dubitanter, & obtineat pro re ac loco verum sonum, & dicat articulatum, & se vel superbissimis auribus approbet.

Hoc arcanum sanè opus, neque puero loquenti, neque cuiquam Philosophorum, sed fabricæ totius artificii unice notum. Voluit ille sonum, quem percepisset auris, præstari pariter exigique ab humanâ linguâ posse, non præstante in ea re operam industriâ nostrâ, sed instituto promptissimo ab auribus in linguam meatu & influxu.

Cujus rei vestigia non obscura deprehenduntur, & in brutis animantibus, si quorum præsertim lingua cæteris est agilior. Ubi Muliebris manus

ad sonos organi serinarii (a) Canariensem passerulum erudit, ab auribus aviculæ ad ejusdem linguam ita traducitur incorruptum melos, ut stantibus in procætone jurgii materies inferatur, aliis instrumentum exaudiri contendentibus; aliis discipulum. Indè etiam psittacorum garritus, assiduâ vocum geminatione quæsit, & illa tot volucrum, pari artificio, comparata loquacitas. Signa pari nobiscum artificio percipiunt & reddunt: rem signatam verbis, ratione deficiente non tenent.

Quibus autem naturalis hujus machinamenti exemplis abundet omnis hominum vita, obvium quidem est, non satis tamen observatum. Quid censes in eo genere affuturum, si quis cum bienni puero civis Parisinus inter Pyrenæi tractûs aut Garumnæ accolæ abierit, & illic rerum domesticarum gratiâ non paucos annos commoretur? Vir cætibz virorum sese immiscebit, Ludet cum pueris puer. Sustinebit uterque suas partes.

Parisios tandem reversi, sonabunt Parisinè pater, puer Vasconicè. Scilicet aures paternæ, cum itum est in

(a) Serinette, flageollèt en forme d'orgues d'Alle,
magne pour siffler les serins.

Vasconiam, sonis Parisiensibus assueverant, aures pueri nullis. Consimili ratione fieri videmus, ut multis, etiam nolentibus, hæreant soni provincialis non faciliè delebiles reliquiæ. Si profugorum nostrorum nepotes aut Breslaviæ, aut Londini alloqueris; Picardum sonum miraberis in unâ familiâ superstitem, Normannum in alterâ vel Transligeritanum.

Qualibus quoque sonis, in provectâ etiam ætate, diutiùs afficiuntur aures, talibus linguam paulatim exercitari & utcumque inflecti non est insolens. Sic multorum sermo absolutus & expressus in tenerâ ætate, sæpe postcâ fuit, vel publici studii monotoniâ, vel nimîâ non rectè loquentium consuetudine ab materni oris amænitate plurimum detortus. Sic pluribus nostratum nocuit alterius gentis aut linguæ longa familiaritas.

Innumerabiles possem proferre sermonis corruptelas, quas pepererunt soni, vel in tenerâ ætate primi, vel in alterâ diuturni. Verùm nemini jam obscurum est, oportere eum, qui egregiè informare linguam volet, in informandis auribus, non in depravandis ab ipso exordio, assiduum esse. Ceter-

tum igitur maneat & ratum, non posse per tot annos distineri adolescentiam latinitate falsâ & scribendâ de suo; quin ei ad veram præpediatur aditus, & rectitudini sensûs, aut studiis optimæ Antiquitatis offendicula sexcenta præparentur.

Huc accedit & aliud non mediocre incommodum, quod qui versatur in magno condiscipulorum auditorio, non vulnerat ipse suas aures unico suo stylo: sed tenetur eas præbere audiendis aliorum scriptionibus: ita ut vitia singulorum, ad reliquas aures necessariâ contagione pertingant.

Nec, si quid Magistro dictante diligenter exscribitur, id mali remedium est. Cum sit enim latinitas ista, non qualem creare vir eruditus posset, sed ex arte deformis, & indulgenter enervata, non latinitas est: Gallicismus est; Aurium offensio est.

In puerili
Scriptione
quanta fiat
jaçtura tem-
poris.

3°. Scriptio puerilis non tantum eò peccat quod ingenio molli, novitiisque auribus non instillet habitus probabiles, & ingeneret pravos: verum quod impendio tot annorum acquiratur vel nullus vel inconditus sermo; cum potuisset obtineri purior paucissimis. Diuturna enim Thematum, ut vocant, scriptio,

scriptio, quæ fundamenti nomine usui antecedit, est inimica proprietatis, & usus legitimi. Nonne animadvertis præterea meticulosam illam & fallacem scriptionem, esse paratu difficiliorem longè quàm usum ipsum linguæ cujus esse fundamentum creditur? Quid excogitari autem absurdius potest, quàm si quis velit, per id quod falsum est iter sibi esse ad id quod verum sit & laude dignum? Quæve magis voluntaria temporis jactura est, quam si pertinaciter adhibeatur instrumentum comparatu tractatuque difficillimum, ut perveniatur ad id quod machinâ nullâ, nullo instrumento conquiritur & est omnibus propè obvium.

Falsam verò esse scriptionem primæ ætatis, & usui repugnantem, in confesso est apud illos ipsos qui eam, ut ætatis infirmitati parcatur, ad ingenium nostri sermonis contemperant. At verò difficiliorem esse ipsâ proprietate linguæ non pariter consentitur, quia præoccupati *rubricis* & securi defensione consuetudinis, ad opus naturæ non advertunt animum. Nunquam autem grammaticæ generat usum: sed pedetentim grammaticen generat usus. Rei causam in promptu habes.

Qui linguam comparare aggreditur assiduâ, aut familiaritate probè loquentium, aut interpretatione probè scribentium, multa eum adjuvare solent, quibus in solitariâ suâ scriptione destitueretur. Si quis ad nos accesserit homo longinquus & alienigena; ejus oculi ac memoria rerum monstratione, nominum adjectione, manuum gestu, compositione vultûs & oculorum, significantissimâ quoque pro-re ac loco elatione vocis, erudiuntur. Quot ille immiscebitur viris, tot magistris utetur, & incogitantes magistri discipulum docebunt aliud agentem.

Fieri deinde poterit ut quam linguam constanti usu, & rectè loquentium convictu adeptus est, eam velit facere ratione certiore; idiomatis quoque deprehendere ingenium; nosse vitia & modos, vel senescentes voces, vel prohibitas usu formulas; habere denique sermonem non modò non impeditum, & aliquâ jam libertate consuetudinis elegantem, sed etiam purum præsertimque illegitimum in nullis.

Rectè omninò: aggreditur ille opus, ut uberrimum proventu, sic impedimento nulli obnoxium. Non angit eum labor pertingendi ad ignotam diffici-

Iamque linguam. Absoluta ea pars est. Optato fruitur. Positus in tuto & linguæ securus quam fecit usu suam; cum volet, asciscat Valgelasium, Menagii Origines, Buhursii adversaria, Marelii, Bufferii, Restaldique recentissimas de Gallico sermone commentationes. In ejusmodi Grammaticorum libris versabitur libenter & fructuosè, quos antea ne intelligendo quidem fuisset affectus, si ab iis ignotæ linguæ duxisset initium.

Si quis pariter voluerit, quâ id ætate fiat nil interest, latinorum nominum verborumque simplices clausulas cum structuræ communibus regulis ad summum duodecim insingere memoriæ, & hoc tenuissimo instructus apparatu Sulpicium Severum, Cornelium Nepotem, Curtium, gradatimque alios præeunte magistro interpretari; pedetentim comparabit aliquem jam usum: condiscet voces veras, veros quoque vocum flexus, veros situs. Crescet usus in dies & adjuvabitur ipso historiciæ narrationis vel sententiarum filo, repetendique frequentia, sono etiamlectionis cum rebus consentiente, concertationum æmulatione, & diligenti observatione similium ubique formu-

larum. Sic mens discipuli, pravitate omnino nullâ imbuitur, ac ne ipsâ quidem pravitatis notitiâ. Sic fluent ab exemplis bonis regulæ: non extorquebitur ab regulis sermo horridus & miser. Sic docet & digerit usus optimus optimam nec laboriosam grammaticam.

His adde quòd qui in scriptis ejusmodi elementa sermonis & incrementa conquirat, florem illic ingenii humani jam prælibat, eo succo pascitur, & gliscentem pulchritudinis sensum nullâ pravæ scriptionis deformitate, nullâ exemplorum vel falsitate, vel mediocritate corrumpit.

Invertet hunc ordinem quisquis prævio nullo usu, solâ regularum consideratione tentabit linguæ veteris aut nostræ nancisci structuram: quò denique tot præceptionibus obtemperantem puerum scriptiones molestissimæ perducant? Eò scilicet ut illum suum deformem stylum purget probrosissimo genere peccandi, nullâ tamen præstet laude dignum. At satius longè esset peccari, & tamen latinè disci.

Sermonis prima laus usum sequi: virtus altera sed longè posterior novissæ leges & obsequi legibus. In familiari

hominum nostrorum convictu mos ple-
risque matronarum Grammaticas leges
omnino nescire, interdum & infrin-
gere. Dicunt tamen & Gallicè & ve-
nustè. Cum libitum fuerit grammatica
discent, & offendent in nullis. At qui
Grammatica sola didicit, quid, quæso,
est assecutus? Ne primum quidem lin-
guæ limen tetigit. Abest ab eo lon-
gissimè.

Defuncto tot laboribus & regulas
non ambiguè adepto, adverte, si lubet,
quid operis denique supersit. Perdis-
cenda de integro universa lingua: uni-
versa, inquam. Latinè nil didicit.

Si enim vocum flexus ac desinentias
excipis, rem sanè tenuissimam, non
plùs paulò latinæ linguæ subserviunt
ea quæ didicit, & operosè construit,
quàm vel maternæ, vel Sclavonicæ,
vel Lusitanæ. Leges quidem concordie
ac rectionis generalissimas, & gentium
prope omnium communes, ut nosce-
ret pervicit. Ab iis autem legibus exu-
lat longè latinitas. In vocibus innu-
meris, & in figuræ proprietate tota
est. Quæ partes ab egregiis autoribus
non possunt sejungi, nec, si quis eas
meditando secum peruestigat, ejus in
cerebro reperientur.

Priusquam verò noster ille Grammaticulus è regulis emerferit, & lectitandis tandem veterum scriptis consequatur aliquam vocum proprietatisque mediocritatem, a iò avocabunt illum scholæ superiores, penitusque diverso genere sermonis ejus aurem ferient. Studia hæc invasit ætatis mediæ lingua, non aureæ. Sic praviæ scriptiōnis usum pejoris etiam locutionis usus excipit. Nec, si quod subnascitur ingeniis eloquentiæ germen, ex eâ scholasticâ latinitate efflorescet.

Ineunda his temporibus vitæ condicio. Affluet omne paulatim negotiorum genus, nec finient linguæ veteris amatorem juris ulterius esse sui. In hoc autem brevissimo dierum nostrorum curriculo laborem labor expellit. Quod præsens vocat necessitas, illuc itur. Siquid, quod esset acquisitu dignum & usu à teneris obtinendam, suo iusto tempore omissum est, eo excidisti: nec redeundi ac recuperandi relinquitur locus.

In alterâ hujus libri parte justum tempus erit exponendi quibus causis fieri soleat ut fundamentalis illa orationis constructio, quam omni hominum generi natura suggessit, compareretur tam tardè, tam sine fructu, si

solitaria sit, hoc est, si pro more scholarum à rebus & ab ipso vero linguæ usu divellatur; cum eandem neque longo conamine, neque unquam sine plurimâ voluptate, puriorem pueri amplioreque colligerent, si opus autorum usu inchoatum, eorundem usu confirmatum, ratione denique & grammaticis disquisitionibus perficeretur.

4°. Est & aliud accusationis caput, quod silentio prætermisisse, mihi religio est. In tam diuturnâ sollicitudine *thematicis*, ut aiunt, ad regulas accommodandi, lingua puerorum latinè nunquam exercitatur: gallicè non magis exsolvitur.

Scribendi tamen cendique nimiam consuetudine pueros effici medicabundos ac tristes.

Verficulis * duodecim è gallico sermone in latinum vertendis duarum plerumque horarum meditatione non satisficit: & quò plùs legum exceptionumque pueri ob oculos habituri sunt; eò plus diffidère sibi solent, evaduntque inde meditabundi, taciturni, tristes, aut invenustè hæsitantes periculorum circumstantium metu. Qui metus in jucundissimâ interpretandi libertate & enarrandi assiduitate nullus esset.

* *Lignes;*

Usitaram igitur in scholis inferioribus scriptionem indigere catione aliquâ & meliori formâ, satis superque

Priusquam verò noster ille Grammaticulus è regulis emerferit, & lectitandis tandem veterum scriptis consequatur aliquam vocum proprietatisque mediocritatem, a iò avocabunt illam scholæ superiores, penitusque diverso genere sermonis ejus aurem ferient. Studia hæc invasit ætatis mediæ lingua, non aureæ. Sic prævæ scriptiōnis usum pejoris etiam locutionis usus excipit. Nec, si quod subnascitur ingeniis eloquentiæ germen, ex eâ scholasticâ latinitate efflorescet.

Ineunda his temporibus vitæ condicio. Affluet omne paulatim negotiorum genus, nec finient linguæ veteris amatorem juris ulterius esse sui. In hoc autem brevissimo dierum nostrorum curriculo laborem labor expellit. Quò præsens vocat necessitas, illuc itur. Si quid, quod esset acquisitum dignum & usu à teneris obrinendum, suo iusto tempore omissum est, eo excidisti: nec redeundi ac recuperandi relinquitur locus.

In alterâ hujus libri parte justum tempus erit exponendi quibus causis fieri soleat ut fundamentalis illa orationis constructio, quam omni hominum generi natura suggestit, comparatur tam tardè, tam sine fructu, si

solitaria sit, hoc est, si pro more scholarum à rebus & ab ipso vero linguæ usu divellatur; cum eandem neque longo conamine, neque unquam sine plurimâ voluptate, puriorem pueri amplioreque colligerent, si opus autorum usû inchoatum, eorundem usû confirmatum, ratione denique & grammaticis disquisitionibus perficeretur.

4°. Est & aliud accusationis caput, quod silentio prætermisisse, mihi religio est. In tam diuturnâ sollicitudine *thematicis*, ut aiunt, ad regulas accommodandi, lingua puerorum latinè nunquam exercitatur: gallicè non magis exsolvitur.

Scribendi tamen
cendique ni-
miâ consueta-
dine pueros
effici medita-
bundos ac tri-
stes.

Versiculis * duodecim è gallico sermone in latinum vertendis duarum plerumque horarum meditatione non satisficit: & quò plus legum exceptionumque pueri ob oculos habituri sunt; eò plus diffidere sibi solent, evaduntque inde meditabundi, taciturni, tristes; aut invenustè hæsitantes periculorum circumstantium metu. Qui metus in jucundissimâ interpretandi libertate & enarrandi assiduitate nullus esset.

* Lignea

Usitaram igitur in scholis inferioribus scripturam indigere cautione aliquâ & meliori formâ, satis superque

demonstrant quatuor hæc vitia , per-
 versitas primi habitûs ab naturæ & lin-
 guæ ingenio longè alieni ; aurium secu-
 tura depravatio ; non reparabile dam-
 num longi temporis ; & insitæ timidi-
 tatis necessaria incrementa.

His adjici meritò potest , eorum qui
 postea scribendis versibus & amplifica-
 tionibus exercentur , paucos esse qui
 non invitâ minervâ versentur in com-
 mentationibus ejusmodi ; paucissimos
 qui non ineptiant. Unde necesse est
 exercitationes per sese laudatissimas ,
 pluribus eorum non deperdi modò ,
 sed fieri manifestè pestiferas , propter
 perseverantem in dies absurdissimi ser-
 monis fabricam ; cum non possit infor-
 mari animus , neque stylus adornari ,
 nisi constantissimo veri & rerum opti-
 marum usu , in summâ interim mali
 inscientiâ.

Imminet & magistris idem prope pe-
 riculum. Quæ solent illi in scholis in-
 ferioribus emendare ; ad captum æta-
 tis , ut aiunt , emendant , & styli sui
 non modo luxuriam , sed elegantiam
 quoque ac decentiam prope omnem de-
 pascunt. Abjectissimæ latinitatis assue-
 tudine , magistrorum indureſcunt aures.
 Contaminato paulatim sensu justæ pul-

chritudinis, necesse est ut cum superioribus deinde studiis præerunt, oratio eorum vel flaccescat, si obsequuntur auribus & mori diuturno, vel turgat, si assurgunt.

Tu, quisquis eris, quem non sum habiturus hîc mihi consentientem, meminervis, velim, sic agi inter nos publicæ utilitatis causam, ut tibi, neque crimini esse possit, morem qui ubique locorum obtinet, servavisse; neque probro, si sit vitiosus, omittere. Non est hîc personis locus. Nulla lædendæ voluntas, at ne probabilis quidem suspicio. Et quoniam in eâ materie versamur in quâ ratio servat suum jus, nec potest ullo patrociniò consuetudinis eludi, sed potius experientiæ constantis argumento defendi; vide ante omnia, uti probos decet, ne mihi pares invidiam, vel specie novitatis, vel prævæ facilitatis metu.

Odio digna maledicta utrimque missa faciamus. Rem ipsam putemus. Eam publici magisterii partem quæ rudimenta litterarum ducit ab regulis & conversione nostri sermonis in Romanum, nunquam somnolentiæ crimine oneravimus, nunquam inscientiæ; at vitio imprudentiæ alicujus, & parum

præviso nocendi periculo liberare non possumus.

Quantumcumque Christiano animo ducatur is qui docet, multa sunt, in quibus à suo scopo longè aberrabit, si aut ab eo scopo avertat oculos; aut in eo quod bono animo facit, non consilio tamen certo, sed aut consuetudine duce, aut vestigiis & numero præcuntium regi sese patiat.

Notum autem certumque est Quintiliano admonente, ipsa naturâ teste, teste experienciâ, & musicorum præsertim omnium consensu, in hac materie plurimum valituro, non posse absolvi & informari linguam, quamdiu fuerint aures aut absono cantu, aut peregrino sermone, violatæ perenniter.

Quintil. „ Non debent igitur primis annis (&
l. 1. c. 1. „ adhuc vacuis auribus) inseri vitia quæ
 „ inemendabili in posterum pravitate
 „ durantur.

Quantum capiat inde res litteraria detrimenti non recens, non mea observatio est.

Causa &
 exemplis ad-
 juncta autori-
 tas.

Idipsum quod ego nunc, & acriori genere censuræ Rollinus præmonebat nuper, vir candoris plenus, nec novitati studens, nec adhortator inertiae. Sic ille.

» Faut-il commencer par la com-
» position des thèmes, ou par l'expli-
» cation des Auteurs? c'est ce qui fait
» plus de difficulté, & sur quoi les sen-
» timens sont partagés.

» A ne consulter que *le bon sens &*
» *la droite raison*, il semble que la der-
» nière méthode devroit être préférée.
» Car pour bien composer en latin,
» il faut un peu connoître le tour, les
» règles de cette langue, & avoir fait
» amas d'un assez grand nombre de
» mots dont on sente bien la force,
» & dont on soit en état de faire une
» juste application. Or *tout cela ne se*
» *peut faire qu'en expliquant les Auteurs*,
» qui sont comme un Dictionnaire vi-
» vant & une Grammaire parlante, où
» l'on apprend par l'expérience même
» la force & le véritable usage des
» mots, des phrases, & des règles de
» la Syntaxe.

» Il est vrai que la méthode con-
» traire a prévalu, & qu'elle est assez
» ancienne: mais il ne s'ensuit pas pour
» cela qu'on doive s'y livrer *aveuglé-*
» *ment & sans examen*. Souvent la cou-
» tume exerce sur les esprits une es-
» pèce de tyrannie qui les tient dans la
» servitude & les empêche de faire usage

» de la raison ; qui dans ces sortes de
 » matières est un guide plus sûr que
 » l'exemple seul , quelqu'autorité qu'il soit
 » par le tems.

» Quintilien reconnoît que pendant
 » les vingt années qu'il enseigna la Rhé-
 » torique il avoit été contraint de sui-
 » vre en public la coutume qu'il avoit
 » trouvée établie dans les écoles , de n'y
 » pas expliquer les Auteurs , & il ne
 » rougit pas d'avouer qu'il avoit eu tort
 » de se laisser entraîner par le torrent.
 » On ne se trouve point mal dans l'Uni-
 » versité de Paris d'avoir apporté en
 » d'autres choses quelques changemens
 » à l'ancienne manière d'enseigner. Je
 » voudrois qu'il fût possible d'y faire quel-
 » que essai de celle dont nous parlons ,
 » afin de s'assurer par l'expérience si
 » elle auroit dans le public le même
 » succès , que je sai qu'elle a eu dans le
 » particulier , à l'égard de plusieurs en-
 » fans. Mais en attendant on doit être
 » content du sage milieu que suit l'Uni-
 » versité.

Rem videtur Rollinus noluisse de-
 finire : suo tamen suffragio , suo testi-
 monio , & apertissimâ præsertim rerum
 consecutione definivit. Non sunt enim
 discipulorum mentes vel exercitationes

litterariæ in publico ludo naturæ alterius, alterius inter privatos parietes: & quod ille testatur faustum privatim felixque toties fuisse, pudor esset id nolle ad publicam multò magis utilitatem traduci.

Monuerat idem Tanaquillus Faber Salmuriensis duplici titulo præ cæteris audiendus in eo negotio, & quòd in studiis veterum linguarum nemo esset illo versatior, & quòd, quæ pro retinendo scholarum more deblaterabantur, illustribus exemplis evertisset.

Minore quam trium annorum spatio filium, gallica nulla latinè reddentem, sed græca & latina interpretantem assidue, eò perduxerat, ut & Historicos benè multos & Poëtas propè omnes utriusque linguæ, tam dramaticos quàm epicos legeret puer inoffenso pede.

Acerbam discipuli jam celebris mortem solatus est pater simili institutione filiæ, quæ non alio quàm interpretationis adminiculo ad supremum eruditionis culmen evecta est. Daceriam agnoscis nostræ & gentis & ætatis ornamentum.

Verba hæc Fabri, morem scholarum paulò duriori reprehensione sugillantis.

• Méthode „ * Dans une éducation si chère, je
 pour com- „ me gardai bien de suivre la méthode
 mencer les „ que l'on suit ordinairement ; qui est
 Humanités. „ de commencer par la composition.
 „ Il n'y a rien selon mon sens qui nuise
 „ si fort à un enfant. Je me suis tou-
 „ jours étonné de voir pratiquer une
 „ telle méthode pour introduire les
 „ enfans dans la connoissance de la lan-
 „ gue latine. Car cette langue est après
 „ tout comme les autres langues. Ce-
 „ pendant qui a jamais oui dire qu'on
 „ commence l'Hébreu, l'Arabe, l'Es-
 „ pagnol par la composition ? Un hom-
 „ me qui délibère là-dessus n'a pas
 „ grand commerce avec la raison. Qui-
 „ conque me demandera pourquoi, je
 „ lui dirai que c'est à lui à prendre du
 „ tems pour y penser.

Eruditi omnes
 aliâ ratione
 stylum suum
 consecutus sunt.

At enim, inquires, quantivis pon-
 deris, & pretii sint ea testimonia; omitti
 nisi temerè non potest ejusmodi lin-
 guarum tyrocinium quo sunt usi tot
 cloquio & omni doctrinæ laude cele-
 bres viri. Idem nobiscum sunt insti-
 tutionis iter ingressi, idem mare tra-
 jecerunt: eadem nave vecti sunt: &
 earumdem regularum gubernaculo ad
 maxima quæque perducti.

Verius diceres eo sub regimine comi-

munie omnes naufragium passos ; ut aliqui evaderent ex periculo & emergerent ad lucem, tabulis oblatis fuisse felicius adjutos, aut usos perseverantius. Fuit saluti admiratio artis poëticæ & iliadis Bolæo, Feneloni Odyssæa, Iphigenia & Phædra Euripidis Racinio : fuit saluti Sigonio Sallustii quotidianus usus, Mabillonio Livii ; Ciceronis Bembo, Longolio, Mureto, & Manutiis ; omnibus eruditis assidua veterum imitatio saluti fuit, sermo constanter purus, nullo tempore insulsus.

Pervulgata ea est & jactata temerè opinio, esse tam multorum evanida studia vitio culpabilis voluntatis. Aliter est. Plerisque fraudi fuit præpostera viæ monstratio. Quò sit eundem norunt qui docent : non satis advertunt quâ tenendum sit iter. Quibus enim res malè cessit, (nongentis autem intra mille, & rein strenuè agentibus, malè cedere solet) ii eandem tamen omnes triverunt viam. Quibus autem bene, iis propterea cessit aliter, quòd eâ relictâ semitâ in aliam sese, nec serò, transtulerunt. Cessissent omnia felicius, promptiusque, si ab optimâ nuspian dimovissent pedem. Toti demum in versandis veteribus, toti, inquam, fuerunt. Inde

studiorum spes melior & prosper exitus. Antea euntium gradum regulæ ipsæ retardabant, & à vero itinere longè abducebant. Quibus igitur partum est eloquentiâ vel styli virtutibus nomen; eos nullo jure dixeris tuos: quorum studia pereunt, illos tibi imputa.

* Lib 2. de Cicerone concludam * ; « Perversè dicere, perversè dicendo homines facile consequuntur.

Nemini jam nec magistris ipsis ignotum est quam non sint latina, quam crebra tamen ac diuturna quæ scribuntur in illo litterarii rudimenti curriculo: *quid illic fieri denique non debeat* satis declaratum. Nunc dispiciamus, ut ad meliora vel eodem, vel breviori annorum curriculo perveniatur; *quid fieri oporteat.*

I I.

Quid fieri debeat inquiritur.

Quæ vulgatum nunc linguarum conditio est ac mechanica structura, eadem est & veterum. Desluit hinc sim-

plicissima naturæ lex & consentanea docendi disciplina.

Uti vulgares linguas usu vel bona audiendi, vel bona legendi, sic veteres adipiscimur; nunquam aliter. Nec laudatissima veterum scripta quisquam, nisi interpretando, poterit attingere. Hunc unicè necessarium interpretandi usum roborat conjuncta usui grammaticæ, primum elementaris, & post annos aliquot plenior illa & eruditior.

Maximi hoc loco momenti est, quod supra observavimus, veteris Romæ adolescentulos, qui ad Græcorum artes instruebantur, eò nostratibus præstitisse, quòd cum illi mitterentur in ludum publicum, græcè sciebant & loquebantur; nostratibus linguæ græcæ aut latinæ nihil notum si nomen excipis: & eo fine linguarum magistris traduntur, ut aliquem ante omnia latinitatis usum comparent. Non potest igitur esse is nostrorum studiorum primus ordo qui Romanorum fuit. In aliud propterea tempus rejicienda est diligens conquisitio proprietatis & autorum critice, quarum artium fuit in publicâ Romanorum institutione tantus usus, & nostratibus quoque suo loco servabitur utilitas.

Eò dum tenditur , latinæ linguæ & græcæ necesse est inchoari rudimentum , non vivorum colloquiis , cum latina deformetur ; non scriptione ad regulas directâ ; cum fallat illa omnes , & juvet neminem ; sed probè instituto veterum scriptorum usu , quos consecuta omnium ætatum admiratio est.

Huic autem usui & ineundo & promovendo universa publici studii mirum in modum est comparata & accommodata forma , si modo mutetur , non consuetudo ipsa scribendi ; sed scriptio-
num materies.

Scribuntur gallica , quæ latinè ver-
tantur ex grammatices præceptis : hoc
vanum , lugubre , exitiosum. Scriban-
tur gallica quæ audito & intellecto
priùs probo scriptore debeant ad ean-
dem latinæ formam reduci ac resti-
tui : ibi lingua , non linguæ ludibrium :
ibi linguæ legitimus usus : & sicubi fue-
rit ea lectio scriptioque frequens ; illic
sapiendi fons repertus : illic linguæ ne-
que fallax , neque labile aut dediscen-
dum principium.

Indudum fecit veterum laus & ex-
quisita in omni genere oratio , ut ar-
tium magistri eos autores qui cæteris
antecellerent , sive domi , sive in publico

Judo, prælegerent: unde omnibus
pariter *Lectorum* nomen accreverat.

Publici Lec-
tores.

Quoniam verò est humanus animus &
sui & suorum valdè amans, quidquid
congeminum vel frequens in legendo
magistri observaverant, illud subinde
redigere in modum præcepti; dictare
ad scribendi exemplar. Sic multa paucis
annis congeri: excrescere leges; & uni-
versa disciplina litterarum in generalia
converti. Discipuli in his esse: ad hanc
& illam regulam dirigere aciem men-
tis, memoriam, stylum: regulas tenere
omne genus, & quæ emendarentur ex-
cipere: esse interim peregrini in linguâ
& scriptis veterum, quibus nempe præ-
legendis publici temporis pars vix ali-
qua superesset. Pro ingenuâ illa lati-
nitate suam sibi quisque procudit. Itum
est à veris ad inania.

Fas igitur hinc abscedere, illuc re-
verti, & auspicari denique veteris ru-
dimenta linguæ ab unicus veterum mo-
numentis: cum sit ibi eorum lingua, aut
gentium nullibi.

Frequens vero querela est & pru-
dentissimorum pervulgata sermonibus,
summam semper fuisse prioribus annis
publici studii tarditatem, & ingratis-

Penuria scrip-
torum quales
requirit ætas.

ma docendi discendique initia, propterea quòd ex maximo librorum numero, qui latinè scripti superessent, nullus omninò reperiretur tantæ simplicitatis, quantam discantium captus requireret; idcirco rem facturum esse cum publicâ utilitate summoperè conjunctam, si quis vel exciperet ex auctoribus locupletissimis, vel strueret ipse ex industriâ suâ fasciculum libellorum ejusmodi, qui essent ipsâ styli simplicitate incitandis puerorum conatibus idonei; qui tamen conjungerent cum suâ simplicitate mundissimi semper sermonis illecebras; & aliquâ deinde orationis firmitate quasi per gradus assurgerent.

Voces linguæ tum latinæ tum græcæ collegit Commenius, at neque veras, neque omnes; & jejuno minimèque imitabili stylo. Colloquia scripsit Corderius apertissima ætati, & exquisitè latina. Peccat eò tamen quod rationi pabulum proferat omninò nullum; sed intra septa suæ scholæ clausus, videatur aliò nunquam conjecisse oculos, ita totus est in puerilibus, & meras nugas crepat. In colloquiis Erasmi plus hilaritatis: vocum copia major & rerum;

sed neoterica nec prioribus annis tempestiva latinitas.

Rem tentavere alii aliter; nulli minus iusto consilio, vel infeliciori eventu, quàm qui, ea quæ latina non sunt, novitiis auribus inculcant; aut ea quæ latina erant, evertendo perfecerunt, ut latina jam non essent.

Vulgata Scripturarum versio; Dei E versione
Vulgatâ non
petenda lati-
nitas. eximium certè munus, in meliores tamen usus concessum. Doctrinæ salutariæ illic & morum, non latinitatis exemplar. Suis enim sese viribus Christiana veritas non eruditionis aut eloquentiæ specie stabilivit.

Venit aliis in mentem latini Scriptoris ita disjici & everti posse stylum, Eorum qui
latine scrip-
serunt nun-
quam eorum-
pendus stylus, ut à maternâ nostrâ locutione non multum distaret, nec jam terreret pueros ullo difficultatis aspectu,

Sic autem deformatæ orationis affinitas est magna quidem cum ætatis mediæ scriptoribus, nulla cum aureæ. Quid necesse fuit depravari veteres, cum pravis abundemus? Quantum præterea nocet prima & diuturna mali consuetudo in negotio morum, tantum & in linguæ cujuscvis usu. Quisquis per annos quatuor ea legit quæ sunt ad gallicum

nostrum dissimulata sermonem, is gallica per annos quatuor legit; è Galliâ non dimovit pedem. Qui latinè loqueretur audivit hætenus neminem. Cum postea in limine latina scribentium constitueretur, hospitem se sentiet. Alia lingua, novi mores, nova rerum surget facies. Aut ad summum, ne quid, quod sit verum diffiteri velle videamur; puero prodesse tantum poterit falsæ latinæ quadrienne rudimentum, quantum prodesset Hispano hospiti diuturnus vel Lemovicensis, vel Arvernici sermonis usus, Versaliis deinde degere volenti. Versalias veniret ille primum omnium. Quod si non aliò transtulerit aures, evadet ex Hispano Gallus. Mere Versaliensia illic audiet. Pari denique celeritate Gallicè discet quâ rusticè; nec Lemovicensia dediscere homini opus erit.

Supererat faciendi initii ratio, una quidem, sed ea tutissima, si è scriptoribus probatis exciperentur quæ congruerent ætati, linguæ tamen servaretur integritas. Id optaverat Universitas Parisiensis jussuque fieri ab ipso scholarum ingressu, & servari gradatim in aliis ordinibus.

Prudentissimo illius in eam rem statuto (a) desideriiſque litteratorum viderur ſatisfactum eſſe nuperrimo non fictitiæ latinitatſ delectu, cui titulus:

(a) Vingt-troisième article des Statuts de l'Université de Paris, réformation de 1600.

Quoniam linguarum cognitio à bonis & priscis autoribus petenda eſt, videant Lectores quos Regentes vocant, ut delectum optimorum librorum habeant, nempe ut pueris adhuc rudioribus unâ cum regulis Grammatices aliquid ex Terentianis fabulis, familiaribus Ciceronis Epistolis, Virgilii Bucolicis, & aliis hujusmodi purioribus autoribus prælegant; proveſtoribus aliquid de Sallustio cum Commentariis Cæſaris, Officiis Ciceronis & facilioribus ejusdem Ciceronis orationibus, unâ cum Virgilio & Ovidio interpretentur. Regulas ſubinde utriusque Grammatices Latina cum Græcis conjungendo repetant, ut eos in cognitione linguæ utriusque confirment. Majoribus verò qui in ſecundâ vel primâ Claſſe ſe exercebunt, graviora Ciceronis opera, nempe Orationes, Tuſculanas quæſtiones & alia philoſophica, libros de Oratore & ipſum Oratorem Brutum, partitiones Oratorias, Topica cum Quintiliano lætitent, non omiſſis interim Poetis, nempe Virgilio, Horatio, Catullo, Tibullo, Propertio, Perſio, Juvenale, interdum & Plauto: & ut linguæ Græcæ non ignari exiſtant poſt præcepta Grammatica aliquid de Homeri ſeu Iliade, ſeu Odyſſeâ, Heſiodi Opuſculum *ἔργα καὶ ἡμέραι* nuncupatum, Theocriti *ἰδυλλίαι* edſcant, tumquosdam Platonis Dialogos, aliquot Demoſtenis & Iſocratis Orationes, tum etiam Pindari Hymnos, & alia hujusmodi pro arbitrio Lectorum & captu diſcipulorum ſeligant. Libros obſoletos, neotericos qui nuper in Gymnaſia inveſti ſunt, rejiciant & ad puriores fontes reſocent.

Latini sermonis Exemplaria è Scripto-ribus probatissimis (a). Græca audio pariter esse suo tempore ventura. Hîc veterum sermoni tanquam rei sacrae, parcere prima lex. Nihil emotum loco suo est. Ita tamen ætatis est habita ratio, ut quibus posset offendi discentium infirmitas, ea non everterentur quidem, quod nefas; sed removerentur ab le-gentium conspectu.

In illâ interim variarum excerptionum catenâ, video & id provisum fuisse, ut esset aliqua semper styli prioris cum sub-sequente similitudo, & gradatim sur-gentem lectorem spinæ nullæ, nulla impedimenta retardarent, sed euntem potius invitaret perpetua rerum novi-tas. Eo fine non tam propositæ morum præceptiones, quàm exempla lectissima simul, & per se satis fœta præceptio-nibus.

Adjectâ totius collectionis gallicâ interpretatione obtemperatum est eo-rum voluntati qui vel docere inci-piunt, vel volunt obsoleta sua studia redintegrare; nec tamen magistrum asciscere.

(a) Modèles de Latinité, tirés des meilleurs Ecri-vains, ou les Extraits de M. Chompré, chez les Freres Guerin.

Tenuis quidem hæc vel alia generis ejusdem bibliotheca, & apta tempori est, & omni styloꝝ genere ac veluti successione, satis abundat, ut legenti elaboretur sapor, & cum ad ipsos deinde autores ventum erit, quorum ipsi eâ lectione suggestum desiderium est, pabulum, quo insuevit, agnoscat; novitate non absterreatur.

Si latinitatis exemplaribus Grammaticam adjunxerit primâ ætate solummodò elementarem; habet ille artis instrumenta. Non ampliori librorum apparatu, non nomenclatore, non particulis, non lacrymis opus.

Grammatica Elementaris.

CONSTAT autem illa elementorum Grammaticæ, quam brevissimam exponamus esse, generalissimis linguæ institutionibus, quæ ad quatuor facillima exiguæque molis capita revocari possunt.

*Grammaticæ
elementaris
partes.*

Primum Grammaticæ caput orationis partes primarias brevibus definitionibus & exemplis exponet.

Secundum habebit nominum pronominumque varios & constantes in suâ diversitate flexus,

Tertium conjugationes verborum complectitur tam scilicet eorum quæ communem inter se normam sectantur, quàm quæ peculiare affectant sive modos, sive generationes temporum.

Quartum caput ad mentem Scioppij duodecim primas & maximè usitatas construendæ locutionis leges, concludit tenui foliolo, nullis verborum circuitibus, ac exemplis non brevibus tantum, sed è vero latinitatis fonte haustis, quæ magister interpretetur & explanet; qualia sunt.

1. *Cultus ager. Solum pingue. Tenerum gramen.*

2. *Simus & Crito vicini.*

3. *Funus procedit. Sequimur.*

4. *Rem omnem audies. Audita eloquar;*

5. *Itane contemnor abs te?*

6. *Quî scis eos discordare?*

His adde similia non magno numero, & in rebus maxime obviis. Reliqua paulatim inter legendum occurrent, & ipsâ parium exemplorum crebritate, in dies alia sese aliis agglomerabunt (a).

Frigida res Grammaticæ; frigida om-

(a) Quatuor hæc elementorum capita ab excerptionum editore collecta, & tenuissimo libello exposita præstant apud Ludovicum-Hippolitum Guerin.

nis doctrina signorum. Nec mirum: nos delectant res oratione significatæ: orationis textura consideratioque non item. Logicos & Grammaticos, quorum non valde dissimilis labor, exerceat ea disquisitio, non pueros. Jubet igitur sana ratio, quæ imprimis necessaria sunt flexionum & syntaxis elementa in volumen exiguum contrahi, ac pensu lugubris ostendi aliquem finem.

Eâ fiduciâ impendentur & facilius & alacrius pleni aliquot menses perdiscendis probissimè iis quæ monuimus, ut pote quæ maximè generalia sunt, ac sine fine reditura, cum sint naturalis in linguis omnibus instituti. Mirum ejusmodi flexiones quàm properè, quàm incogitanter obtineantur, ubi assiduo societatis obtinentur convictu & usu. Aliter in lectione veterum. Tardiùs illic proceditur. Ut autem inducatur studiis illis lux promptior & aliqua operandi celeritas, puerum primitus in summè necessariis elementis retineri & exerceri semel, satius erit quàm millies eum titubare, tenui adminiculo egentem, atque hæere diù ad singulas voces, non sentientem discrimina desinentium syllabarum, nec primos orationis nexus,

Tum verò nullâ interpositâ morâ properabitur ad aliquem è scriptoribus literaturæ politioris. Hîc ne mihi crede : crede Fabro , Daceriæ , Rollino & Vossio (a). Inter veteres , vel ab initio , unicè versabitur puer. Quod , quæso , quid aliud est quam Versaliis eum coop-
tare sibi sedem , qui gallicè discit. Ibi perpetua opportunitas & in mentem revocandi & exemplis confirmandi quid-
quid ei elementorum principiorumque antè provisum fuit. Ibi veras voces , verosque vocum usus repetendi fre-
quentiâ infiget memoriæ , nec sibi , scri-
bendo , procudet latinitatem necessa-
riò rusticam , & alterius permixtione
linguæ degenerem.

Initium à
Sulpicii Severi
historiâ , non
à Phædri fa-
bulis,

Si peritissimis earum rerum volumus
gerere morem , non ducetur exordium
interpretandi , à Phædri fabulis : quæ
quanquam sint simplici scriptæ stylo ;
metricè tamen sonant ; & ad numeros
cadunt , neque aurem principio eru-
diunt ad ordinem sermonis usitati.

Pluribus ut placeret in hunc usum
historia Eutropii , fecit , non sanè nar-
randi elegantia , quæ in homine nulla
est , sed simplicissima dictio , & latini

(a) Gerardi Jeanni Vossii Opuscul. de studiorum
ratione.

sermonis certior quàm in neoterica
 scripione proprietas. Longè aliter do-
 centi discipulisque arridebit Sulpicii
 Severi sacra historia, quæ fuit ab opti-
 mo viro & erudito scriptore in hunc
 ipsum adornata finem, ut studiosa ju-
 ventus, quam non mediocribus impen-
 sis ad virtutem & litteras instrui cura-
 bat; haberet contractas in angustum
 volumen mundi & mundo coætaneæ
 religionis origines.

Accedit ad excellentiam materiæ,
 quòd elegantem Severi brevitatem,
 claritas omni loco conjuncta commen-
 det. Si qua tamen inter eundem pro-
 ductior periodus occurrerit; potest illa,
 vel ad tempus omitti, vel dividi ex-
 emplò in tot separatas orationes, quot
 membra complectebatur priùs.

Sive autem vel in Severi, vel in Eu-
 tropii compendiosissimis historiis con-
 sistitur adhuc; sive jam ventum est ad
 Justinum, vel potius ad Cornelii Ne-
 potis delicatissimam sed facilem tamen
 accessu latinitatem; omnis illuc in vete-
 ribus interpretandis magistrorum fere-
 tur ars, illuc tendet quæstionum dex-
 teritas omnis, & quotidiana enarra-
 tionum consuetudo ut **SCRIPTORES** Docendi Ar-
MORTUI COLLOQUENTIAM VIVORUM SUS- tificium,

TINEANT PARTES , ET USUM LOQUENDI
QUEM REPETENDO IMITANDOQUE DISCI-
PULI PLURIMUM CONSEQUENTUR , NON
POSSINT NON HABERE SIMILEMUM.

Hic magistram naturam , hic lin-
guarum historiam sequimur ducem. Si
enim lingua quælibet præter naturale
& omnibus commune significandi arti-
ficium , habet insuper vocum & collo-
cationis proprietatem arbitriis homi-
num scriptorumque inventis constitu-
tam; nos neutram partem ab alterâ sejun-
gemus , ne structuræ studia , & tentami-
na , si aliquot annis à scriptorum usu
sejuncta fuerint , usui reluctentur.

Ut fundamentalis illa linguæ com-
pages introspecti statim , deprehendique
facillimè possit , id satis præstat gram-
matica elementaris , & in illâ pervul-
gatâ latinos inter græcosque scriptores
construendi libertate , commonstrat ea-
dem grammatica opportunis indiciis
quæ sit vocabuli cujusque consensio
cum aliis , quæ singulorum mens , &
omnium simul intentio. Frequentissimus
igitur sit artis elementaris usus in ipso
maximè principio interpretandi.

Eo fretus adjumento adolescens non
struet quidem ipse orationem , quam le-
gibus & suomet ingenio miseram strue-

ret ac suo magno malo ; sed structæ orationis assignabit partes , partium ministeria declarabit , sensum non percipere non poterit.

Eo fine magno id usui erit si sæpe investiget in universa periodo verbum primum , seu vocem illam quæ attributionem existentiae vel actionis enunciat. Notabit continuò qua voce designetur vel persona , vel res , cui competit existentia , vel unde actio profiscitur.

Si qua prætereà est quasi coincidens actio , si quod primario verbo subjectum verbum , & pronominis relativi nexu , aliterve conjunctum rei nominatæ vel ejus rei modo ; harum partium possit ille reddere rationem , eas appellare , & flexibus vocum definire quid regat & quid regatur ; quò denique tendant & confluant voces omnes propriis insignibus agnoscendæ.

Vocum verò singularum dum accusat sensum , connectionem , mutuosque respectus , non idcirco vocum interturbetur primus ordo. Feriat autem semper incolumis & illæsa latinitas , nec unquam linguæ vulgaris habitu suum commutet.

Nunquam
turbandus latinis
ordinis ordo.
Sic intacta
linguarum
proprietas.

Affectant enim linguæ omnes , veteres præsertim , peculiarem figuram &

nostris vulgaribus omnino diversam, sive alium penitus in collocandis vocabulis & rebus ordinem : quem si vexare volueris , te ipsum suavissimo sonorum concentu defraudas : vim quoque significandi aut pingendi extenuas : & ipse tibi audiendi organum , non volens , corrumpis ; ut in posterum legitimo sono latinitatis affligi videatur , nec sibi esse satisfactum putet , nisi ante interpretandum percutiatur alieno.

Sit in exemplum brevissima periodus.

Goliathum , proceritatis inusitata¹ virum 1 , David adolescens² 2 , impacto in³ ejus frontem lapide 3 , prostravit⁴ 4 : & allophylum , cum inermis puer esset⁵ 5 , ei detracto⁶ gladio 6 , confecit⁷ 7.

Evérſionis,
quam con-
ſtructionem
vocant , in-
commoda.

Si, pro more scholarum, gallicè *construitur*, uti aiunt, ista periodus; eam verè destrui fateberis.

David adolescens² 2 prostravit⁴ 4. Golia-¹thum virum proceritatis inusitata¹ 1 , la-³pide impacto in frontem ejus 3 , & con-⁷fecit allophylum 7 , gladio detracto⁶ ei 6 ;
cum⁵ puer esset inermis 5.

Rem gustu judica. Quis, quæso, hîc superest pristinae latinitatis sapor. Adverte autem, dum narratiunculam hanc nostri sermonis more modoque disjiciunt, corrumpere ordinem rei, & ut grammatico nostro ordini, seu vulgarium linguarum paupertati consulatur, imaginem naturæ penitus everti.

In hâc enim prostremâ periodo, prius prosternit puer quàm sit qui prosteratur. Jacet jam humi revolutus Gigas, ubi necdum lapidis aut fundæ facta mentio est : & ante jugulatur Philistæus, quàm habeat funditor unde hostem conficiat.

Ex quo efficitur id quod est observatu dignissimum, falli scilicet eos qui existimant in veteribus linguis *inverti* (a) rerum ordinem, cum sit reverà inversio linguarum nostrarum propria, non veterum.

Distat certè prima & verè latina periodus ab secundâ, ab nostro, inquam, gallicismo longissimè : & quamquam sit minimè oratoria, profert ipsa tamen hujus orationis historica latinitas imaginem rei gestæ. Si enim

(a) Voyez le Cours de Belles Lettres, fin du premier tom. par M. Bouteux, Chanoine de l'Eglise de Reims, chez Saillant.

ad posituram vocum respicis, habes quod ne ars quidem pictorum præstare ipsa potest. Ad punctum temporis actio pictoria restringitur, eodem semper expressa vultu & gestu; eodem mansura semper loco. Hic verò habes in brevis periodi complexu, continuam actionis & adjunctorum successionem.

Stant usitato more, nondum inito certamine bellatores duo (1): utriusque conditio dispar (2). Concurritur. Pueri fundâ emittitur lapis (3). Feritur viri frons (4). Prolapso suus ab inermi puero (5) detrahitur gladius (6). Eodem conficitur (7).

Ibi naturæ grammatica subservit. Ita enim suas partes tuetur appositâ plerisque vocabulorum conveniente clausulâ, ut rerum tamen seriem non turbet, & idem sit periodi totius ordo, qui actionis fuit.

Eam victoriam narrat Sulpicius aliis quidem vocibus: at eâdem rei progressionem. Goliathi prius, ut decuit, mentione factâ res incipit geri.

David etiamnum puer in prælium processit. Primoque ictu, misso fundâ lapide; allophylum perculit. Caput victi & spolia abstulit.

Ut linguarum nostrarum servitus & Everſio in lin-
guis vulgari-
bus ad parien-
dum ſenſum
neceſſaria.
miſera in hac parte conditio ſtatim de-
prehendatur, tres tantum Sulpicianæ
orationis voces more latinorum collo-
cemus, deinde noſtro.

Allophylum perculit puer.

Latine hoc dictum.

Puer perculit Allophylum.

Minus latinè. Poſterior hæc forma
noſtris tamen eſt auribus uſitatio. In-
eſſe priori propterea inverſionem ſuſ-
picamur. Utro autem modo dixeris,
nil intereſt ad ſenſum, qui in poſteriori
obvius eſt, in primâ pariter ſoni finalis
opportunitate luceſcit.

Latini & græci cum haberent clauſu-
larum & articuli beneficio ſenſum ſuæ
orationis nunquam ancipitem, ſed po-
ſitum ſemper in propatulo; poterant
impunè claritati adjungere varia orna-
menta, & ipſâ collocatione vocum, vim
ſignificandi conciliare majorem. Hinc
factum ut in ipſo ſermone non oratorio
tantum ſed & domeſtico rem, ſitum,
pericula, commeditates & ordinem
agendi pingere viderentur. Quidquid
emineret in dicendorum ſenſu, quid-
quid inſtaret in agendo, faciebant illi
ut extaret in oratione, primisque poſi-
tam ſedibus ante omnia conſpiceretur.

Lupum fuge.

Taurum, cornu petit ille, caveto.

Vos istæc intro auferte.

Malo me *Galatæa* petit.

Miles, *vultum* feri.

Si res tamen, locus, & justa ratio;
aliter fieri patiuntur, aut jubent; tum,
non sine aliquâ pulchritudinis accessione,
nova orationi forma vocibus
ordo alter inducitur. Sic ille Terentianus
Pater seipsum priore loco, reliqua
nominat alieno.

Primus sentio mala nostra.

Primus rescisco omnia.

Primus porrò obnuncio.

Ægrè solus, si quid sit, fero.

Homo sui ostentator dicit contra morem:
sed expressè & eleganter. Eam
varietatem linguæ hodiernæ desiderant.
Prodeunt uno semper gradu, uno cultu,
nec vestis facere mutationem sinit
illarum egestas: quæ unde profecta sit
ipsâ statim collatione deprehendes.

Puer perculit *Allophylum*.

Allophylum perculit *puer*.

Eædem in duplici formâ voces, sensus
latinis idem. Apud nos dixerit quis:

Le Philistin tua l'Enfant.

Dixerit alter:

L'Enfant tua le Philistin.

Voces eadem: nihil dissimiles articuli: sed sensa duo sibi adversantia. Nec percipitur utriusque discrimen nisi ex ipso vocum situ. Sic negligi necesse est imaginem rerum & abjici varietatis illecebras omnes, ut obtineatur unicus ille ordo ad significandum ante omnia necessarius. Quem tritum ordinem vocum si tantisper turbas, inde sensus aut alter, aut nullus elicitur. Tantam servitutem adduxit articulorum incuria & immobilitas clausularum. Modicæ sanè utilitatis fuit, rerum nominibus quæ omni loco eadem sunt, præfigi articulos, qui pluribus in locis nihil significarent, qui ad sensum discriminandum essent omnino nullius auxilii, imo & sensum ambiguum parerent. Sic septentrionalium linguarum morbus meridionales omnes invasit: neque ullis posteriorum temporum remediis exsecari pestis illa potuit. Iisdem sonis, iisdem articulis omninò diversa enunciant Itali, si vocum situs vertitur.

» Il Giovanetto uccise il Philistino.

» Il Philistino uccise il Giovanetto.

Angli pariter.

» The boi Killed the Philistine.

» The Philistine Killed the boi.

Apud Europæos prope omnes ad ordinem vocum non rerum respicit propereâ qui loquitur & qui audit. Sic perit imaginis decor. Vix est aliquis illic libertatis & varietatis usus. Lege lata, discedi ab unico illo vocum ordine non potest. In omnem sic orationem dominium suum grammatica exercet, & primam ferè sedem assignat rei agentis, proximam *verbo* seu signo attributionis & iudicii, tertiam personæ aut rei in quam transit actio :

(*L'Enfant*) (*ina*) (*le Philistin* ;)

Sedes reliquas his & illis adjunctorum signis. Dirigit mentem tenor unus, & quatuor aut quinque partium ante alias positura constansque successio. Quo quid excogitari frigidius potuit, & ornandæ orationi aut langori depellendo minus idoneum? Neque enim solummodò recurrit eadem semper cantilena, & fastidiosa seu brevium, seu productiorum periodorum similitudo: sed & ipsa huius positionis ad pariendum sensum necessitas omnem prope præpedit elocutionis cum rerum varietate consensum; nisi caverit qui loquitur, ut quo vitio laborat in hac parte natura ipsa nostri sermonis, illud ipse tegat ingenio & arte reparet.

Id præstant aut præstare omni ratione tentant qui vel græca, vel latina gallicè reddunt. Everso enim veteris periodi ordine, & ad nostrum revocato, statim sentit interpret imaginem naturæ deleri penitus; ex agili tardam evadere orationem; tolli omnem denique diversitatis aspectum. Quâ uti sese tristiciâ eximat interpret, ubi membra plurima uno circuitu orationis apud veterem scriptorem connectuntur; ea dividit; & in totidem separatas prope periodos dispescit: hoc nimirum consilio ut primam in sermone gallico sedem habeat ea pars quæ est in veteri textu, & in ordine naturæ prior; cæteræ partes ad naturæ ritum seriemque imaginis dicendo revertantur.

Eo autem in negotio contigit id mali interpretum compluribus aliisque scriptoribus Europæis, ut vitium vitio emendarent. Unam quippe periodum dum dissecant in tres aut quatuor singulariter breves, loquendi genus invehunt omni gravitate destitutum, vineulis omnibus exsolutum, semper exiliens & juveniliter inquietum.

Inter tot pericula si quis nostratum elabatur, is eo justiore titulo laudem meruit, quod conditionem sanè diffi-

ciliores sit nactus: commodâ usi sunt Græci & Latini; quibus expedita omnia protinus ad bene dicendum forent. Posito enim inter nos & illos ingeniorum æquilibrium, est ea nostri sermonis innata imbecillitas, fuit hoc veteris linguæ beneficium ut faciliè illi nostris hominibus antecellerent.

Quantumvis enim excultæ hodiernæ ac limatæ fuerint, unus illic dicendi trames. Omnis eodem tractu periodus ingreditur. Vix tentantur excursus breves nisi cum obscuritatis periculo, aut crimine levitatis. Stylus veterum in omni materiâ liber, & pro materiâ diversus. Aliis illic aliisque sine fine picturis capitur mens, & cum vocum fiat frequens everſio, non pariter & rerum, sequitur animus non tam verba quam res ipsas; aut si hæret non nihil incertus quem finem habitura sententia sit; suspensionis istius dexteritate arrigitur ad obtinendam sensûs integritatem quam gratiores facit ipsa sollicitudo quaerendi.

Nec tibi videatur ea historica de Davide periodus posse, potissimum quia historica sit, præbere imaginem vel admittere. Linguas veterum sequitur ea laus, in quocumque sese genere dicendi

exerceant, videntur ad pingendum natæ. Exemplo sit in materiâ morum gallicè scripta sententia.

» (1) Nous devons (2) regarder com-
 » me (3) un homme (4) d'une espèce peu
 » commune & presque divine (3), ce-
 » lui (5) qui s'est (6) comporté (7) à l'é-
 » gard de ses amis, (7) dans la mau-
 » vaise comme (7) dans la bonne fortune
 » ne (7), d'une manière noble, égale,
 » & inébranlable.

Grammaticæ nostræ hic ordo, non naturæ. Quam verior simul & placenter apud Ciceronem * ! Non profert * *De Amicit.* ille, more nostro, honorificum de eo ^{12.} viro judicium, quem antea, quis esset, non declaraverit. Sed adducto prius ut a natura jubet, & ob oculos constituto eo quem voluit sistere ad nostrum tri- bunal, prolatoque deinde beneficentiæ & constantissimæ fidei testimonio, tum c meritâ illum coronâ donat, & ad cœlum nobis plaudentibus extollit.

(1) Le Nom & la personne agissante.

(2) Le Verbe ou l'expression de notre jugement.

(3) Le Régime, ou l'objet sur lequel passe l'action.

(4) La manière d'être de l'objet.

(5) Le relatif qui fait l'attache de la phrase incidente.

(6) Le Verbe incident.

(7) La Préposition & ses suites. Voilà le train de toutes nos phrases.

- a Qui enim , inquit , utrâque in re grâ-
 b vem , constantem , stabilemque se in ami-
 citiâ præstiterit , eum ex maximè raro ho-
 c minum genere judicare debemus ac poenè
 divino.

Quam rerum naturalem seriem sub-
 vertit nostræ grammaticæ tyrannis , eam
 Ciceronianus ordo libertasque latina
 restituit. Nec tam Ciceronis ea laus
 quam linguæ.

Non debet igitur illa tam significan-
 ter , tam suaviter sonans oratio , apud
 aures præsertim teneras unquam dissi-
 pari aut spoliari suo cultu , cum sic re-
 cidat in paupertatem nostram , & ani-
 mis noxiam valdè patientiam rusticitatis
 inducat.

Confer , quæso , id quod eversa la-
 tinitate quæris cum eo quod negligis.
 Quæritur nempe similitudinis adjumen-
 tum , & eo consilio refricas ordinem
 dicendi quo tuæ sunt per omne tempus
 imbutæ aures , ut sermo latinus ad hunc
 tuum quàm maximâ fieri potest imita-
 tione accedat. Atqui istud ipsum quod
 quæris , erat inquisitione illâ minimè
 dignum , sed potius à cogitatione tuâ
 quàm longissimè fieri poterat abigen-
 dum. Linguam veterem cum diu & om-
 ni loco tuæ similem facis , aliam peni-

tus à seipsâ facis. Eam non tam investigas quàm abjicis, & à te, ne tua fiat, amandas.

Faceres potius inter Græcos & Romanos agens, quod constitutus Londini Gallus, qui se peregrinantium Gallorum subtrahit occurribus, quoniam sermonis Anglici nunquam sentit ordinem promptiùs, altiùsve recondit, quam SI NON REVOCAT ORDINEM SUI.

Vide interim quæ negligas. Eversâ toties aut dilaniatâ latinitate tibi perit sensus linguæ legitimus: perit imaginis decor & significandi quæsitâ vis: ipsaque consuetudine falsi, organum, si non perit, certè obrunditur & hebescit.

At enim aliqua euntibus præferenda Everfionis in scholis usitata utilitas nulla. fax est. Nisi autem antecesserit illa periodorum subversio, nisi inducatur illuc aliqua nostræ locutionis imitatio, versabuntur in tenebris tyrones, nunquam inde, rot salebras inter & loca lubrica, sese extricaturi.

Frustrâ lucem vis inferre ubi dies est: frustrâ sub imminente sole lampadem accersis. In istâ sermonis Romani structurâ, quam, quia est hominibus hodiernis insolens; quasi nigrescentem tricisque horridam reformidas, plurima semper affulget lux: ibi grammaticæ

ordinem naturæ ita reveretur, ut suo interim juri vel nostræ utilitati nihil deroget, neque ambiguitatis umbram, vel minimam superesse patiatur.

Manifestant syllabæ scilicet adjüttrices ubi sit actio, ubi agens: signata vox quæ regit: signatâ quæ regitur. Sic latina, quæcumque voles interpretari, cedere loco non necesse est. Deturbetur nihil: & in ipso præcipuè rudimento, LINGUÆ AURES ACCOMMODA, NON AURIBUS LINGUAM: nisi aures cum linguâ pessumdare decreveris.

Stante ac semper immotâ periodo notentur solummodò signa concordantium vocum: suis unicuique sensus attribuatür idiomate materno, singulatim & sine vinculis expressus. Hoc satis. Non prius enim senserit lector quæ vox enunciet attributionem vel existentiam, vel actionis, quæque voce nominativâ comite periodicum ducat agmen; quin reliquis vocibus Gallicis eum statim inferat ipse ordinem qui est sui sermonis proprius, & longâ sibi consuetudine profluens.

Rudimenti
cautio triplex.

Facientibus initium interpretandi sic erit necessaria triplex cautio, 1^o. ut propositi ad legendum scriptoris, quam probatissimi, sit plurima tamen

simplicitas; 2°. ut adjungatur interpretationi usus elementorum frequens; 3°. & in interpretando stet latinitatis ordo semper inconcussus.

Insigne nunc & optimo magistro dignum artificium non aliud est ab ipso naturæ docentis artificio, quod si sequitur is qui alios docet, eos non dubio eventu docet.

Docendi præcipuum artificium, naturam docentem imitari.

Nobis enim natura sive spectaculum rerum, sive hominum sensa non revelat nisi signis propere transcurrentibus, & exterius emissis, odorem puta, vel figuram, coloremve, aut tactum, nutus quoque capitis & oculorum manuum totiusque corporis circumactionem, promptissima denique tot dissimilium rerum indicia.

Ea rerum naturalia signa breviter & commodè deinde revocantur in mentem unico sono vocis, per se nihil omnino significante, & ad arbitrium instituto. Soni pariter exprimuntur his & illis litterarum ductibus ex aliorum consensu.

Quò major naturalium signorum numerus præcesserit hòc altiora rei vestigia memoriæ imprimuntur, & cuilibet etiam non naturali postea indicio consociabuntur; ut percepto sive sono vocis, sive solo litterularum ductu, tum

rei & color, & figura, & odor & cætera signa reviviscant.

Accessit ad naturæ industriam verè divinam summa quoque benignitas. Uti enim societatis & naturæ auctori placitum est res ad vitæ usum necessarias plurimâ hominis exercitatione comparari; sic voluit indicationes rerum præpetes & exertas esse; non percipiendi difficultate retardari. Plantam formâ, vel sapore fructum discernere nullus labor. Plantam colere, fructum obtinere, hic labor. In iis quæ donat, & homini exercendo destinat Providentia, hominis manum sollicitat & expectat. In iis quæ docet, præit ipsa: præfert rationi nostræ facem, ne aberraret, eamque prævio signo ad necessaria quæque perducit: & sive sint ordine naturæ, sive societatis arbitrio constituta signa, nihil illis agilius.

Quo igitur singulari genere philosophandi volunt grammatici complures longum & negotiosum esse quod natura voluerat esse promptissimum? Quâ justâ exceptione statutum foret ut sexcentis regulis & machinamenti accederetur, si sic acceditur tamen, ad limina linguæ Romanorum, quam linguam iucundissimus usus, ut cæteras linguas,

ut cætera signa percipit, arripit, poriturque celeriter.

Sit itaque laboriosa rerum, non vocum conquisitio. Quo majori enim nervorum mentisque contentione rem perdidiceris, hòc sanè futura est rei scientia tenacior. In linguis autem perdiscendis pariter & utendis natura jubet actionem mentis esse non tardam, non tristem, sed ipsa immunitate laboris, expeditissimam.

Videndum propiùs tamen in latinæ ut cæterarum tradendâ disciplinâ, quid curis discentium, natura subductum esse voluerit ut labore liberemur non necessario; tum quod illa sollicitudini nostræ commiserit, ne simus, detrimento nostro, justî & necessariî operis non patientes.

Ut igitur in omni naturali revelatione duplex est progressionis tempus, ita & in cujuslibet sermonis, qui naturæ pars est, tradendâ doctrinâ duplex pariter gradus esto. Primum tempus quo res ipsæ & obvia signa rerum sine ullâ nostræ aut manus aut mentis operâ, sed extrinsecus administrantur & usui nostro cedunt ipsâ rerum præsentia vel alienâ monstratione: sequè sic mutuo juvant concurrentia indicia,

Discendi pro-
gressus du-
plex.

ut rem, licet absentem, revocent in memoriam, & pleraque signa, si absint, unius deinde præsentia suppleantur. Gradus alter quo quis & rem & rei signum affecutus, signi jam sibi noti naturam, species diversas, omnes denique situs & usus observat, ut fiat signi tractandi versandique frequentia in rei significatæ cognitione magis ac magis perspicax.

Botanicæ rei vir peritus discrevit ab anemone ranunculum, ab hyacinto narcissum, plantas, ut vocant, *usuales* è turbâ discriminavit ab initio simplici nempe aspectu, olfactu, formâ, flore, nomine, signis communibus. Ranunculos deinde, rosasque, & reliqua communioris usûs germina, vel si libuerit, plantas, quotquot hætenus dignosci potuere; distribuet in varios ordines, & subdividet signorum consideratione diligentiori, constitutis in unâ quâque petalis, staminum pistillique situ, viriditate, odoramentis, coloribus, caractere florum, utilitatibus, appellationibus: ut jam notis ejusmodi sibi habeat absentis & exoticæ plantæ non dissimilem imaginem.

In primo gradu fit sine tædio, sine labore signorum cum rebus & eorundem
inter

inter se connexio. In altero gradu majus movetur: opus ipsa signorum, non visis rebus, conquisitio & compositio novum atque opetosum scientiæ constituit genus. Affert ipsa tamen vel prævia nonnulla rerum monstratio, vel societas indivulsa signorum complurium, non parùm adjumenti, cum aliquo ad observanda minutissima quæque incitamento.

In primo pariter latinitatis aliarumque linguarum ingressu, neque res ostenditur sine suo signo, neque signum profertur ullum sine re; sed utrumque simul. Ubi deinde res erunt aut absentes aut incognitæ penitus, eas tanta signorum notissimorum consociatio dilucidabit ut videantur exhiberi coram, nec jam rei nomen habitusque de eâ re sermo avelli se ab ejus recordatione patiatur. Est autem progressionis hujus in linguis longè major quàm in signis aliis necessitas. In pletisque artium possunt vel ab initio signa non incommodè sejungi à rebus: tractati possunt & animo percipi; non possunt in linguis. In architectonices aut agriculturæ tradendâ disciplinâ, nihil vetat apud quos voles, & ubi voles, non monstratis rebus facere te verba de delectu locorum,

Primus gradus. Kerum ostensio.

aquæ, aeris, aut materiarum, de utilitate arandi; stercoreandi, runcandi; præeunte scilicet aliquâ jam earum rerum notitiâ. Conticescent omnes. Aufcultabunt: quæ significantur, & præcipiuntur, intelligent. Non sic se res habet in doctrinâ linguarum. Sumto, ut moris est, à signis nudis exordio, ubi incipies habere sermonem de vocibus, de personâ, de agente, de patiente, de tempore, de casibus, de re, de modo, de gerundiis, de supino; quid pluribus opus? Illicò oscitabuntur omnes.

A rebus abducta scilicet ejusmodi signa vertuntur in species incorporeas, minimè sensiles, merè metaphysicas; quarum mentione & ancipiti aspectu si contristatur vir, eo non allicietur puer.

Uti ab rebus grammaticis abhorret puerorum sensus, nec valdè jucundiùs eos afficiet prælectio scriptoris veteris cui non præiverit aliqua prælegendæ rei expositio. Fiat igitur in illo scholarum rudimento, quod fieri in naturâ & societate solet. Nihil enuncietur latine quod non fuerit præambulâ declaratione notum audientibus, & quasi ob oculos positum. Tum verò soni Romani, Græci, Hebræici, quos deni-

que voles , rei notæ non inviti adhærescent.

Res commonstra. Si absunt , congere absentium signa. Ubi res vel monstratæ , vel depictæ placuerint , signa rebus & ipsa sibi sese miris modis agglutinabunt.

Istud negotii , ut natura facillimo signorum uti deproperat , sic schola vel retardat , vel evertit , nondum tempestivâ signorum consideratione. Næ ille naturæ legibus & gentium omnium constanti experientiæ resistit , quisquis ignoræ linguæ rudimentum auspicatur à signis meris , à perpetuâ in interpretando subversione signorum omnium , ac præcipuè ab inutili non minùs quàm operosâ nunc hujus nunc alterius signi conquisitione , selectione , compositione. Nec nisi absurdè jubemus puelum in vasto nomenclatore , in abstractis à sensu generalitatibus evagari repantem , flebiliterque vestigantem , quæ si repererit , nullo justo indicio cæteris anteponet , nec nisi fallente normâ collocabit.

Tres voces in eundem prope sensum recidentes Gallicæ voci , ut sit , respondeant : cum necesse est hæere incertum utram ableget , utram recipiat. Neque

rem novit, neque usitata indicia rei. Latinèque scribit, ut Gallicè locutum narrent Helvetium illum qui, cum interrogaretur de recenter consueta sibi veste quid sentiret; usus libro vocabulorum indice respondit: „ L’habit est „ propre & *bel*, mais pas *équitable* à „ mon corps.

Quas præterea voces materiâ repugnantem delegerit; eas usu reclamante construet. Vide verò quàm sis iniquus præ studio, dum exigis à discipulo quod præstari nullâ ratione potest. Eum nempe jubes ignotarum sibi vocum quæ sit optima & apta loco definire; tum plures alias incertæ pariter virtutis adjungere priori, quasi pro certo habeat omnes concentum servaturas. Quin jubes, quin imperas minaciter ut quis in tuo famulatu adhuc novitius puer, quos tu optas, at ille nullibi gentium vidit, eos agnoscat ex aspectu, eos è turbâ segreget, iis quoque idem contubernium, & comites ignotos assignet, sine minimo futuræ inter illos dissensionis metu.

Cùm sit illa signorum tristis, clauda & cæcaquisitio non comperto scilicet eorum usu & sensu; accedit ad longum fastidium summa plerumque operis inu-

tilitas. Incumbit igitur amantissimis litterariæ rei magistris iusta non tamen molesta, neque periculi quidquam secum allatura necessitas, rudimenti & ordiendi & exsequendi, præmissis rerum monstrationibus, & autorum servato constanter usu; non scriptione illâ ludificatoriâ, non illo regularum apparatus qui in antecessum barbara docet, ac discentium labeffectat aures, linguam, iudicium, stylum.

Si verò volumus imitari naturæ tot ac tanta docentis industriam mirabilemque agilitatem, eundem est naturâ regente gressum. Quid enim? Advenienti apud nos hospiti num ullæ, quæso, scribendi præceptiones obtruduntur? Primum omnium res quælibet ejus nullo negotio solet aut cadere sponte sub hominis aspectum, aut colloquentium digito indicari: sic notis jam rebus adjunguntur vocabula, & justæ positiones vocabulorum. Rem videt ille: sonum tenet. Sonum sono annectit: & ut sonos usu, sic sonorum juncturas definit unicus usus arbitratus; nunquam suo. In scholis haberi similia quid obstat? Ita rerum monstrationibus exilarentur & capiantur animi, ut cognitis rebus adjuncta statim signa retineantur. Signa, inquam, non fictitia, non

manca , vel quæ , cum sint ad linguæ alterius ingenium detorta , jam signa non sunt , veteris esse linguæ desierunt.

Rem defini-
vit Plutarchus.

Eo artificio Plutarchus jam senex , Romanorum linguam , quam , suâ superbiens ed usque neglexerat , consecutum se esse narrat , nullo magistro utentem , nec de vocibus ipsis aut iturâ valdè sollicitum.

» Serò tandem , inquit , & ætate
» provectiore latinas attigimus litteras.
» Usu venit autem nobis res quidem
» mira , sed vera tamen , ut non tam
» ex verbis res cognosceremus & per-
» ciperemus , quam noticia n utcumque
» assecuti rerum , harum subsidio ut
» assequeremur & verba , &c.

Miratus ille est quod erat ad niratione minimè dignum , rem constanter in omnibus operante naturâ. Nullius enim rei obscurum est aut acquisitu difficile signum , ubi signo antecessit aliqua rei noticia.

(a) Ὅψι ποτε καὶ πόρρω τῆς ἡλικίας ἠψάμεθα
ῥωμαϊκοῖς γράμμασιν ἐντυγχάνειν. Καὶ πρᾶγμα
θαυμαστὸν μὲν , ἀλλ' ἀληθὲς ἐπάχομεν. καὶ γὰρ
οὕτως ἐκ τῶν ὀνοματῶν τὰ πράγματα συνίεναι καὶ
γινώριζεν συνέβαινεν ἡμῖν ὥς ὅτι τὰ πράγματα ,
ἀμασγέτως εἶχομεν ἐμπειρίας , ἱσακνουθεῖν
διὰ πάντων καὶ τοῖς ὀνόμασι , &c. Vitæ parall. De-
most. & Cicer. init.

Nisi forte, sic salvo Plutarchi honore, & appositè ad rem nostram observare voluerimus esse in hac parte potiore pueri conditionem quàm senis: cum mollia organa rerum monstratarum signis & novo se idiomari meliùs accommodent quàm senilia, quæ longo sermonis unus habitu & flexu duruerunt. Memoria puerorum tabula rasa: sed ut rerum inops, ita & appetens: omnium specierum capax, earum tamen unicè tenax quæ ingeruntur nec sine virtute ordinis, nec sine voluptatis aliquo sensu.

Rem tenebris ab exordio ne involve. Rem noverit puer. Hoc primum. Circumsonet ejus deinde auribus rei signum: interrogando & diversimodè repetendo, geminetur ex industriâ. In illo ita redituque à rebus ad signa, tum à vocibus ad res luculenter indigitaras, adeò tenacia speciebus utrisque vincula injiciuntur, ut recordationem rei latina vox, & vocem prolatam recordatio rei subsequatur.

Tempus erit cum signorum fiet usus, *Gradus alter.* præeunte tandem nullâ rerum ostensione. Tempus erit cum lector sonorum significatione fretus ipsa signa curiosius introspicere volet, ulterioremque

significandi vim, si qua sit, & usus omnes vel proprios, vel tralatitios excutiet, qui sanè labor facturus est illum in rerum quoque disquisitione magis perspicacem.

Exercitationum series rationi & experientie consentanea.

Eò perducì poterit prudenter adornatâ ejusmodi exercitationum serie, quæ naturam docentem imitentur, & allectent appetitum curiositatis, non fascis injusti sensu aut metu opprimant.

Rerum nomenclatura.

Primis annis adhibebitur per speciem ludi, retinebiturque sequentibus, rerum digito monstratarum latina nomenclatio, quod genus exercitacionulæ & eam delectat ætatem, & penam proVectiori parat. Signare singula suis nominibus hoc linguarum limen. Fuit ea prima neque injucunda omnium nostrum eruditio. Nunquam enim sunt ingrata cogitata, nec facillè obliuantur quæ vi a placuerunt. Notum quanto curiositatis impetu se ingerat puer, si occurrerint volucrum species novæ, manipulorum militarium longa series, armata navis, agrorum prospectus, & alia multa, quorum ne in aliâ quidem ætate, sunt ingrata spectacula.

Sic res omninò diversæ & singularum deinde partes propriis insignitæ nominibus tam vernaculis quàm latinis,

quanquam magno numero, tamen ordinem servant, ipso se ordine subnecunt invicem, & nodos catenæ constituunt nullâ temporis diuturnitate solubiles.

Ferrea puerorum memoria est: frequens apud eos mentio Musæ ac Penelopes, frequens laboris & pigritiæ, frequens Pantaleonis & Ægidii. Quid si quæ auribus eorum effutiuntur ingrata, inordinata, sine dignitate, sine nexu, ea tamen recondunt illi ac tenent; quantò facilius erit comparari hac ætate, cum plurimâ jam rerum cognitione, justam quoque vocum supellectilem! Quam plenum prudentiæ opus erit novitatis illecebras, virtutemque ordinis ab illâ nunquam monstratione sejungi.

Quoniam verò omnium rerum non est aspectus æquè liber, aut æquè facilis accessus; debet unius absentia commoditatis, alterius opportunitate supplementoque, reparari. Quæ auribus tantum percipiuntur, ea mentem segnius movent, quam quæ statuuntur ante oculos: neque rem dicturus sum, aut abhorrentem à naturâ mentis humanæ, aut usu non comprobata, si autor ero ut subjiciantur oculis discen-
tium sculptæ non ineleganter imagines

earum rerum quæ in conspectum dari ipsæ non poterunt.

Quodcumque sic ostenderis, etiam si conflatum ex variis partibus corpus erit, membris tamen singulis numerica sua nota præfigitur. In alterâ cartâ numeris iisdem convenientia nomina respondebunt. Et nunc digito commonstratis figuræ partibus, nomina reddentur : nunc audito nomine in partem figuræ signatam digitus incurret. Ne aberret puer, hoc præstat junctura partium & plurima exercitationis hilaritas.

His artibus, aliisve pro tuâ prudentiâ excogitandis incipies ætatis inscientiæ non nihil mederi, & infigere memoriæ denominationes animalium, navis, portûsque & commerciorum descriptiones, rem agrariam, rem hortensem, rem vestiariam & miram industriam textrinae, instrumenta coquinaria, variarum rerum officinas, & naturæ non levem distributionem.

Hujusmodi vocabula & sejuncta signa quantocumque numero congeras, magno congeris discientium commodo, magno curiositatis irritamento, nullo fallendi periculo. Quod si verò tuum de re obviâ judicium interponis; si voci adjungis vocem; hîc maxima sanè, ut

in materia morum, debetur puero reverentia. Cave committas unquam uti duæ tresve voces ordine collocentur hodierno, aut ritu paterni tui sermonis incedant. Sunt latinæ illæ quidem: sed erat necesse prætereà ut latino more habituque prodirent. Hic versaris in iis quæ Romanorum sancivit usus. Veteres igitur adi; & ne quid non latinum audiatur, utere latinitate, non quæ tuæ sit, sed quæ possit exemplaris loco esse, reperti impunè, & laudari confidenter.

Ut igitur sermonis gallici structura ex hominum nostrorum consuetudine requiritur, eorum præsertim qui sint ingenuè ac liberaliter instituti; sic structura & norma orationis tam græcæ quàm latinæ ab optimis veterum ritè reperetur, aliunde nunquam.

Ne quid hîc autem eorum deesse videatur quæ rei intelligentiam & signi recordationem in familiari linguarum nostrarum usu promovent, conjungendæ pariter sunt eæ exercitationes & artes quæ dexteritatem naturæ pro certo imitentur; & usum, si non præstant æquè agilem, saltem bonum præsent, vacuumque omni falsitatis & barbarismi periculo.

Quoniam est hîc naturæ notus ordo,

rem priùs ostendi præsentem, vel absentem describi, tum suo eam nomine appellari; prima scholarum exercitatio & naturæ imitatio sit, ea quæ in veteri scriptore legenda sunt, GALLICE VEL PRÆLEGI, VEL EXPONI.

Quid illic agatur, certior sic fiet puer nullâ primum factâ latinitatis mentione: sic primo aditu hilarantur animi, nec inani vocum ignotarum strepitu fatigantur. Hîc revoca quæ dicta sunt: versamur in primo rudimentî gradu.

Si quis hîc velit esse laboriosæ conquisitioni aut ærumnis locum, næ ille neque naturæ admirabilem celeritatem aut iusta desideria satis novit; neque mentis humanæ progressum aut captum.

Secunda exercitatio sit ejusdem materiæ ex veteri scriptore in patrium sermonem versio & INTERPRETATIO.

Tertia, LATINÆ ORATIONIS RESUMTA LECTIO AD FLEXUM SONUMQUE COLLOQUII FAMILIARIS, nunquam odiosum æqualitate, semper cum significatione consentientem, memoriæ in omnibus opitulantem.

Tres illæ partes, docentis sunt; quæ sequuntur discendum.

Quarta exercitatio. INTERPRETATIONIS

REPETITIO NON TURBATA ULLATENUS LATINITATE.

Quinta, REI TOTIUS GALLICA ENARRATIO.

Sexta, FIDELIS AD ELEMENTAREM GRAMMATICAM LATINARUM DICTIONUM REVOCATIO. Quæ pars poterit esse per prioris anni decursum domesticæ scripti-
onis materies; & pro discipulorum progressu aut contrahi prudenter aut aliquando tandem supprimi.

Septima exercitatio, GALLIÆ INTERPRETATIONIS IN EANDEM LATINITATEM CONVERSIO, non prius tamen habitura locum quàm sit usu nonnihil confirmata & agilis interpretatio.

Octava, EJUSDEM ORATIONIS IN LATINUM SERMONEM CONVERSÆ EXTEMPORANEA IDENTILEM SCRIPTIO.

Quæ diversæ operum species, quamquam judicio magis quàm memoriâ exerceantur, ita nullius ingenii captum superant, ita auditores omnes allectabunt, ut nulli eorum jam queant esse somnolenti, & necessariò, ut fit, elingues materni sermonis egestate. Nam continget sic omnibus, si non statim copia jam aliqua latini sermonis, certè usus & perpetuus & liberior sui. Quidnã & plurima quoque succrescet eorum in-

telligentia, quæ per plures annos errarabuntur gallicè & egregiâ semper oratione scripta audientur. Intelligentiam dictorum repetendique usum subsequetur aliquis etiam gustus, gustum necessaria in legendo voluptas, & ad ulteriora perveniendi desiderium.

Neque hujus disciplinæ minima laus, quod qui eâ nonnihil est adeptus fiducia, facturus est ipse, si libuerit, periculum sui. Si pretio redemeris interpretem cum veteri textu, hoc satis. Tum poterit ire viam sine duce, & sensu alicujus jam suæ firmitatis frui.

Sunt enim quæ diximus & eventu tutissima & peractu facillima: quæ qui per se ipse tentare velit, sive puer, sive vir, mensium paucorum tentamine linguam exsolvet: & cum solus esse videatur, nec solus erit, nec locutionis optimæ perpetuo exemplari magistroque destituetur. Si repetendo aberrat, habet qui moneat amicè & verè. Habet pariter qui det quoque plausum, cum repetendi consuetudine & imitandi alacritate, ad ea quæ prælecta sunt proximè accesserit.

Quas hîc censemus tam privatorum utilitatibus quàm publicis idoneas exercitationes & artes, nihil habent quod

fit meum, vel novum. Sic linguæ quotquot sunt ubique gentium comparantur. Ubique gentium præit rerum designatio. Sublequitur vocum creberrima repetitio. Imitatur dicentem matrem puer: Terentium pariter imitabitur. Imitandi celeritate promovetur opus: plurimâ scribendi denique curâ perficitur.

Operis autem publici quoniam potior nobis ratio est, horarum diurnâ distributione necessarias exercitationes sic partiemur ut palàm fiat omnium scholarum constitutionem non modò non labefactari his artibus aut immutari vel minimùm; sed adjuvari haud mediocriter, & in suum finem celerius perducì.

Solent magistro tyrones operam dare per antemeridianas horas ferè duas cum semisse, per pomeridianas totidem. Postquam ii qui in scholarum infimis ordinibus audiunt, nominum flexiones & verborum, vigintique ad summum syntaxis, ut aiunt, leges perdidicerint exemplis brevibus & bonis expressas; omne suum tempus impendent audiendæ & iterandæ optimi scriptoris interpretationi. Excerptionibus ac delectu nunc provisum, ut istud operis morâ nulla retardaret. Una tum poterit esse

Operis diurnâ
in scholis distribu-
tio.

divisio temporis in tribus ordinibus ; septimo scilicet , sexto , & quinto. Qui unius anni formam rectè nôrit , trium noverit.

Diurnam hanc operis publici dimensionem meminerit lector à nobis institutam non arrogantiam ullam præcipiendi aut reprehendendi ; sed solam necessitate demonstrandæ hypothesis , ut studiis ejusmodi , quæ domi , testante Rollino , exercentur tam prosperè , in ludo publico idoneus ordo assignetur.

Prima semi-
hora.

Quis exer-
cet. de memo-
riæ modus.

Horæ minuta viginti ad summum experiendæ memoriæ attribui & præsumi solent. Materiam rationemque recitandi volunt omnes eam esse quæ habeat utilitatem ac venustatem. Nunquam aberit utilitas , si primum omnium recitantur alternis vicibus pars aliqua Catechismi diœcesani , aliqua Catechismi illius tum historici tum dogmatici , quem celeberrimus Claudius Fleury publici juris fecit , Catholicus orbis laudavit.

Non deerit venustas in recitando , si eodem vocis flexu qui solet in familiaribus colloquiis usurpari ; recitetur assignata & prælecta prius à magistro vel fabella , vel historia. Quod ut præstari commodè ab omnibus queat ,

sub semihoræ finem , vel alteram fabellam , vel historiæ alteram partem pronuntiabit magister ipse , assignabitque domi exscribendam.

Omninò supervacuum videtur inquiri super ea narratione num alii alios interrogaverint , quibusve auxiliis exscripserint. Satis fuerit , si descripta eorum manu decenter pronuncietur. Aliquo jam formati usu , discent alienâ operâ non indigere.

Fabularum copiam satis uberem ministrabunt gallicæ interpretationes , Æsopi scilicet ante alias , propter convenientem ætati simplicitatem , Phædri deinde & Faerni gallicè tantum prælectæ. Postremo loco adjungetur cæteris , non sine aliquâ delectûs prudentiâ , Fontani nostri elegantissimus & post annos octoginta semper recens thesaurus. Reddent autem qui recitant , eandem narrationem liberrimo stylo : reddent veneres non numeros , non exitus versuum similiter cadentes In iis quæ sic scripserint & suis verbis enunciaverint , afferunt illi jam de suo aliquid.

Non sunt ista nugæ , sed elementa cogitandi. Narratiunculas igitur omnes domi asservabit puer , suâ manu descriptas , quidni & suo stylo , sed

emendatas tamen, uti eas & , cum libitum erit , resumat impunè , & petentibus commodè administret.

Ubi apologorum moralium finis erit , per particulas distributa succedet *Historia Vetus* , & ea primùm quæ nomine Testamenti veteris (a) inscribitur. Deinde *Vita Christi* (b) ; tum aureus liber *De moribus Christianorum* (c).

Quam puer ab ore magistri exceperit historiam retuleritque in capite pensi communis exscriptam , narrabit in primâ ruditate , de verbo ad verbum , vel solâ habitâ ratione sensûs. Si exhibet sensum , perinde sit , ac si verba : ea est enim mentis & linguæ necessitudo , quasive indivulsa societas , ut venustiùs paulatim liberiùsque dicat qui , ea quæ sentit sermone extemporeo enunciat , quàm qui enunciat serviliter quæ didicit exscripta verbis aut alienis aut suis.

Autoris interpretatio per horæ plenissimæ decursum.

Contracto intra exiguos limites prioris exercitationis intervallo , subsequenter horam , quanta est , auctori in patrum sermonem vertendo , suæque statim latinitati reddendo , magister attri-

(a) Un volume in-12. chez Desaint & Saillant.

(b) Par le Tourneux, in-16. chez Jolfe & Delempine.

(c) Chez Mariette.

buet. Quæ cum sit matutini & pomeridiani operis maximè solida pars, ut sit eventu quoque maximè frugifera, professor inde assignabit variam pro discipulorum gradu domesticæ scriptiōis materiem.

In illo rerum exordio, satis ipsi per aliquot menses fuerit, si totius prælectionis partes enuclearim describantur domi, & ad elementa sua singulæ voces viva voce priùs revocatæ, scripto quoque excutiantur. Postea præcipiet gallicæ interpretationis partem quam volet priori penso adnecti, mox interpretationem ferè universam describi.

Ubi visum erit supprimi tandem posse elementarium partium expositionem, tunc omnibus omni tempore in commune penſum statuetur, ut gallicam interpretationem quam auribus à magistro exceperint, scripto expressam referant: narratiunculâ semper præfixâ.

Propositis aliquot jam pro tempore ac loco, quæstionibus, & à magistro resolutis, non solum extemporaneâ repetitione, sed scripto quoque satisfaciant qui cæteris antecellent. Sit ista eorum propria laus, nec nisi ab iis id operis expectabitur, uti & præstetur à pluribus.

Eorum qui
cæteris antecellunt
peculiaris labor.

Quos interim viderit magister elementarium præceptionum nimis egentes, eos in elementorum doctrinâ & descriptione retinebit ac recoqui curabit.

Sic summæ temporis accrescet plurimum sublatâ in scholis necessitate dicendi, câ præsertim ætate, ubi neque calami celer aut certus usus, neque atramento fides. Notissima prætereâ omnibus erit sui pensi materies: nullum periculum scribendi falsa pro veris: unde turbæ: unde lacrymæ.

Horæ ultimæ
pars prior.

Horarum quæ superest bifariam dividemus. Dabitur pars prior visendis hinc inde descriptionibus: quarum ut lectio tamen, aliquo novitatis acumine recreetur, obtineri paulatim poterit, ut quam suæ interpretationis partem legerit eorum unus, cum alterius interpretatione conferatur; eandem deinde ipse & alter, alique more concertantium, pristinæ latinæ de improvviso, vel viva voce, vel scripto restituant, omni amore sive auctoris, sive scripti cujuscvis aspectu. Nunquam verò discen-
tium rationibus & professoris valetudini consultius providebitur, quàm si
auribus utatur magister; linguam discipulus exerceat.

Ne erratorum pervestigatio ultra

modum excurrat, magistri prudentis erit in hujus & illius pensum domi sedentem inquirere; si quid gravius admissum esse videbitur, illud calamo transverso notare & restituere delinquentibus, ut & humanissimo genere probri erubescant, & ineluctabilis oculi vigilantia contineantur.

Horæ postremæ postremam semissem Semi hora
postrema.
servabimus partim repetendæ tam gallico idiomate quàm latino, rerum naturalium nomenclationi; partim audientis historiarum libris gallicè & eleganter scriptis.

Viderit nunc studii Rector utrum velit quod penes eum esse jam liquidò constat, in informanda discipulorum sive ratione sive lingua, solertiam celeritatemque naturæ imitari; an mavelit eos obrui tristibus præceptis, tristioribus exemplis, nunquam quidquam nisi longo circuitu & multiplici machinâ enunciantes, omnium interim rerum penitus ignaros, & more Lapponum rudes. Ab ejus nunc arbitrio fortuna studiorum pendet omnis. Eos nimirum perpetuo Romanæ urbanitatis usu erudiat & ornet. Ab elocutione purissimâ, probè intellectâ, crebrò revocatâ, nunquam separet historiam societ

tati & naturæ: hi gradus ad sapiendum: hæc incitamenta sapiendi. Nullius enim illic novi vocabuli sensum planum fecerit magister quin & rem doceat. Voces latinas majore in dies numero, non neglectis in interrogando neque nominum generibus, neque temporibus verborum, memoriæ omnium mandabit, & glutine historiæ naturalis aut civilis infiget.

Sic neque minorem idiomatis patrii geret ea ætate curam; quod idioma, quanquam latino concedat in multis, cum sit nostræ tamen societatis vinculum, nobis omnibus, omni tempore, latino non minùs debet esse cordi: & reipsâ, si inversionem rerum, quam diximus, exceperis; nullo pulchritudinis genere, nullâ imitationis opportunitate destituitur.

Nondum literis græcis locus.

Eant pariter iis annis linguæ duæ, latina scilicet & Gallica. Quanquam verò nihil non capere possit memoria puerorum, nollem græca prioribus interferi; non tam ne gravetur numero imbecilla ætas, quam ne lingua prior, vixdum benè degustata, debilitetur alterius sensu, neve opus nunc necessarium secundarii viciniâ deteratur.

Sunt & alia non exigui pretii adju-

menta, quæ priusquam veniamus ad superiorum scholarum studia, suppedi-
tari inferioribus, ordo rerum postulat.

Quoniam ex illo duplici genere ver-
tendi nunc latina in nostrum sermo-
nem, nunc eadem nostra in latinum,
pendet naturæ imitatio & efficax opti-
mæ litteraturæ rudimentum, jubet æqui-
tas, prudentia postulat in eodem genere
scribendi constitui & spem præmiorum,
& honorariæ sedis expectationem, &
anni totius decus. Meminerit velim
Christianus magister in eo esse artifi-
cium docendi, & naturæ docentis imi-
tamentum, si ut in linguis vulgaribus,
habeant initia & primæ designationes
rerum nullam speciem difficultatis; si
celeritate repetendi & scribendi modi-
ca, sed optima, generetur legitimus
linguæ usus, & aliqua tamen operandi
novitas afferat identidem, cum opi-
nione difficultatis, causas quoque la-
boris & honorum, non tamen ansas ad
peccandum.

Eo consilio singulis hebdomadis,
diei Veneris pomeridiano tempore,
gallicè dictabitur & ingenuæ latinitati
reddenda proponetur selecta pars eo-
rum quæ vel proximis diebus, vel elap-
sis jamdudum mensibus prælecta sunt,

Nisi maluerit, illis potissimum diebus; magister imitari ejusdem tantum sermonis ordinem, mutatâ materie. Ubi nunquam ambiguae latinitatis exemplar vel multoties ille, vel saltem semel prælegerit; sic obtinebit facile, ut scribentium nullus capter inania vel barbara pro veris, sed optimi sermonis exemplar in suâ memoriâ superstes velint omnes habere & unice intueri.

Versio gallicorum in latina præmonstrata & vera, non potest esse animis frequens.

Longè igitur absumus ab eo ut gallici sermonis in latinum conversio supprimenda videatur. Id nobis propositum potius est eam fieri quàm antea longè frequentiore. Mora nulla volentibus obstabit, in ipso jam publico ludo ante & post meridiem vivâ voce administrabitur ea versio modò ab his modò ab illis; tum scripto poterit interdum exigi ab omnibus præfinito spatio scribendi.

Satiùs interdum videbitur istud operis ablegari domum, solâque prælectæ semel latinitatis memoriâ regi, semper sine sermonis illiciti mixturâ; sine falsissimâ ope nomenclatoris; sine damno temporis.

Futura prætereà est ea versio in scholis superioribus & frequentior & audacior. Erit qui queratur in illo genere docendi,

docendi, constantissimoque habitu audiendi & scribendi omninò nulla nisi bona & sana, non produci in lucem solacismos & barbarismos, neque hîc fieri quemquam alterius emendatione meliorem.

Verus hic error & magistris non minus quàm discipulis damnosa consuetudo non modicum tempus & aures præbere sermonibus pravis, ac vitia singulorum facere publicâ reprehensione, ut sint omnium communia. Resonant rarò scholarum parietes, iis quæ dicenda sint: quæ autem tacenda sunt, iis perpetuò circumtonant. Verùm ea ipsa culparum reprehensio, quæ magistros enecat, eò erit nocentior discipulis quò fuerit magis assidua magisque diuturna: vitiabit enim linguam, iudiciiue rectitudinem minuet auris longo habitu vitiorum corrupta: nec unquam vel serò idiomatis cuiusquam percipiet saporem & proprietatem, qui pugnancia cum illo idiomate diu audiverit, fueritque totus in iis, non quibus insuescendum sed quibus abstinendum.

Præstat ut
jam non no-
ceant omnibus
vitia singulo-
rum.

At enim enunciantur ut vitari possint, ut ab iis refugiat ipso opprobrii metu.

Nunquam soni turpes auribus instre-

punt, nisi cum aliquâ aurium læsione : quæ si longis annis, si præsertim teneris malè afficiuntur, vñ tu illas tot accipiendis vulneribus effici saniores? erit, fateor, discipuli lingua diffidentior in dies, periculorum aspectu, non consuetudine boni confirmabitur. Qui non ipso sinceræ latinæ exercetur usu, sed æternis regulis ac terroribus afficiuntur, eò compelli solent, ut obmutescant, non alliciuntur ut sint disertæ. Nec plus in teneris profunt ad munditiem latinæ locutiones illegitimæ, quàm ad musicum informandum diuturnus usus discordantium sonorum, licet quæsitus ex arte, licet constanter monstratus ad risum.

Frustrà mones, frustrà inclamas falsa, odio digna esse quæ audiuntur. Est in audientis intelligentiâ moniti veritas : aurem soni malignitas infecit. Non regitur autem lingua rationis imperio, sed auris affectu & habitu. Quem voles esse nec rusticè loquentem, nec sonantem provincialiter, num tu eum, quæso, curabis vel rusticis frequenter interesse, ut eos derideat; vel suis provincialibus continuò immisceri, ne eos imitetur? Audiat ille Parisina. Méré versaliensia eloquatur. Reliquis obsurdescat.

Si volumus igitur experientiæ præceptis & naturæ morigerari, decenter non minùs quàm commodè cavebimus in scholis, ut si quis quid illic peccat in scribendo, peccet clam, peccet suo damno, non cum alienæ auris injuriâ. Suadet apertissima jam ratio & constitutio ipsa organorum tantò minùs esse in linguarum auditorio publico emolumentum, quantò plùs illic erit reprehensionum & clamòrum. Sit, inquam, consuetudo boni perpetua, mali omninò nulla.

Ut quinque horas absorbit scholarum publicus labor; domesticus, ut proficit, quinque pariter sibi servari postulat.

Opus domesticum.

Scribenda domi præ cæteris instat quæ ex memoriâ recitetur historiola. Instat subjungenda scriptoris latini gallica interpretatio, aut gallici sermonis in prælectam semel latinitatem conversio, fortassè & quæstjuncularum responsionumque retractanda & scripto proferenda enarratio. Quæ omnia cùm fuerint apud magistrum audita & enucleata diligenter, hinc efficietur, id quod viri prudentissimi suadent & votis huc usque inutilibus expectârunt, ut *privato suo opere majorem se sentiat* puer; ei præ-

fit; non oneris præponderatione succumbat.

Ut ergo & prosit ea libertas, & si qua est, maximè sub noctem, residui temporis pars; ea lucro apponatur; habes exercendi paulò aliter animi duo genera, quæ speciem tamen exhibeant relaxandi. Petes alterum scilicet ex Heroicæ fabulæ studio; alterum ex Geographiæ. Ut sit autem & sine periculo illud, & hoc sine fastidio, erit opus aliquâ tantum docentis prudentiâ.

Fabulæ Heroicæ studium.

Deorum, Dearumque, & Heroum classes, attributiones, ministeria, res gestas, quæ denique legi voles, ex ordine assigna, non sine tot nugarum irrisione festivâ, *ne gravitate adorentur*. Utque in certam diem memoriter, & historiæ loco, proferri fabulæ ab omnibus possint, vel per modum concertationis in plures interrogatiunculas dividi; vel denique more tabularum describi non nominatis personis & proponi ad interpretandum; legentur hæc & illa ex notissimo Dictionariolo (a) & alphabetici ordinis designatione quarum rentibus occurrent.

Voluptatem jam aliquam legendi lon-

(a) Chez Desfains & Saillant.

gè aliter augebit veterum poematum edita gallicè versio. Homeri Iliade, Odisseâ præsertim, (*a*) Virgilii Æneïde, (*b*) & Fenelonis Thelemacho (*c*) mirum quàm capiatur puerorum ætas. Ipsæ epifodiorum cum actione primariâ ingeniosæ commissuræ nexum rebus addunt, & memoriæ tenacitatem.

Cave verò existimes nos temporis multum teri velle meris fabulis, aut inanibus deliciis ætatem dissolvi. Ejus utilitatibus illic prudenter & appositè consultitur. Fit aditus ei ad autores, ad tabellas, ad antiquitatis monumenta patientior. Eam commenta gratissima non sollicitant modò ad legendum, sed magis ac magis ad omnis decentiæ & morum contemplationem convertunt.

Non capiuntur adolescentuli, sed potius afflictantur legendis iis quæ Cicero de amicitia, de officiis, de finibus bonorum est philosophicè commentatus. Ad suum ea tempus servabuntur. At interim Achillis funesta toti Græciæ arrogantia; & Ulyssis calliditas rem domesticam restituentis; & pietas Æneæ reliquias Trojanorum perducentis in aliam

(*a*) Daceriâ interprete.

(*b*) Chez De'aint & Saillant.

(*c*) Chez la veuve Estienne & fils.

sedem, & Thelemachi indoles flexilis in utramque partem, rapiunt animos novitate eventuum stupentes, offeruntque insciis omnium rerum materiem loquendi satis uberem, & gallicè scribendi non mediocrem facultatem.

Summo complurium adolescentulorum ac puellarum emolumento tentari nunc solet, & faciliè obtinetur, ut quæ vel ex illâ veterum poematum versione vel ex historiâ gallicè scripta legerint, ea ipsi scripto redintegrent vel in brevem analysim contrahant.

Præter amœnitatem materiæ sunt & alia non minoris pretii quæ rarò aliàs, hîc faciliè consequimur. Purissimus illic sermo: natura ubique locorum simplex: eloquentia casta & sine fūco. Insinuat quoque incogitantibus ea lectio socialium vinculorum sensum, magnam officiorum commendationem, non sine conveniente rebus affectu. Ubi autem legentis movetur animus, ibi sapor & voluptas.

In hac verò fabularum selectione & propemodum necessario usu, Ovidium longè fuge, nec morum magistrum satis ullâ unquam curâ castigatum, nec styli satis utile exemplar. Nugandi nullus finis: passim deliria: ingenij multa

ostentatio, & tralucens admiratio sui. Præstabit semper discipulum tuum aliqua nescire, quàm profecisse tali magistro utentem. Nisi quis, quæ ex Ovidio non incommodè, propter ingenii ubertatem, excerpi possunt, religiosè compegerit, reliqua penitus excluderit.

Succedet fabulis heroicis Geographica res, in superiores ordines nunquam differenda, ne pariter illic ad ætatem virilem, laboris ejusmodi non valdè patientem, relegetur. Geographiæ rudimentum.

Neque te terreat quòd in magno discipulorum numero paucis tantum continget posse necessarias in eam rem tabulas comparare pretio, vel ex arte fabricari. Neque pecuniis opus, & fabrica ludus esto.

Si quis erit in turbâ, qui jam aliquâ laude dexteritatis inter alios, ut fieri solet, innotuerit, Geographum nactus es, præsidemque operis totius: cum tu hortaberis ut Geographicæ tabulæ, quam voles, ductus præcipuos, regionum videlicet oras extremas, curvaturas fluviorum, montiumque flexus, utcumque imitetur, figuris urbium litterisque pro tempore omissis. Si habeant loca non omninò nullam verorum similitudinem, pro veris agnosce. Habeat ille aliquam

jam sibi fidem. Consecutus usum imitandi qualemcumque, aliud obtinebis, nempe uti novitius tuus pictor ingentem tabulam contrahat in arctius volumen, & arctam vicissim patientiore campo explicet, illasâ partium proportionem: quod qui pari in utrâque figurâ quadratorum numero tentabit, intra duos dies acquireret. Pone tamen eò non perveniri facilè puerili manu: tum verò alienâ utere, nisi possis ipse tuâ.

Tibi describantur campo non amplæ, & primariis tantùm lineis expressæ tabellæ, quales sunt terræ continentes, ambitus maris Mediterranei, aut Baltici; Palestina, Italia, Græcia, Persis, Arabia, Ægyptus, & aliæ ejusmodi separatæ regiones, ex Ortelio, Christophoro Cellario, ac præsertim ex Guiljelmo Delisle repetendæ, sine rerum nominibus omnes.

Easdem deinde singulas gemina, pro numero historiarum quæ sunt in unâquâque regione insignes. Erit complurium campus idem: non aliud mare, non diversæ oræ, non diversæ dimensiones. Verùm demonstrabitur gracili punctorum filo, in hâc tabellâ iter Abrahami, aut Israeliticæ gentis migratio, Salomonis & Josaphati navigatio-

nes in alterâ; in hâc Annibalis aut Scipionis iter, aut Agatoclis; in illâ vel Ulyssis, vel Æneæ, vel Apostoli gentium, vel Christophori Columbi.

Ubi unam in unoquoque genere habueris; nec longum: centum consimiles aliæ tibi præstò erunt. Adornatæ tabulæ quot voles foliola substerne: pun-gantur acu lineæ omnes, & continuis foraminulis terebrentur. Subjectis car-tis necesse erit easdem inesse aperturas exprimique similes ductus. Ex hâc offi-cinâ discipulus unusquisque sic asporta-bit habebitque domestici sui operis exemplar. Suppositâ deinde huic perfo-rato exemplari candidâ cartâ, si expres-sum è contuso carbone pulvisculum su-perimmittit, novâ & iterandâ quoties voluerit rerum imagine potietur, mini-mèque dubiis lineamentis, quæ deinde liquoris colorati fluxu protrahat, dis-criminet, & illustret. Nec in eâdem ta-bellâ urbium simul nomina omnia coa-cervabit, partietur potius, & alia aliis eventibus rerum, pro magistri monitu, attribuet.

Duplicatis ad libitum, uti necesse vi-debitur, tabellis, in alterâ earum nomi-na cum signis locorum conspicientur; in alterâ verò nuda tantùm signa illuf-

trium locorum, sine nominibus; ut appposito vel fluviis vel urbibus digito, sequantur & appellationes. Sequentur autem illæ, neque is qui respondet interroganti, minimâ titubatione impeditur, si auditâ loci appellatione, sæpe revocata memoria est aut historici eventûs, aut naturalis ornamenti.

Eo quoque consilio loca obscuriora nunc omittentur, ut splendeat universum descriptionis opus aliquo nitore, ut emineant, inquam, quæ sunt insignia; nunquam in turbâ delitescant.

Dilucidandæ olim historiæ, nunc autem juvandæ memoriæ plurimum conducet vetera locorum nomina non se jungi ab hodiernis, Bysantioque nuncupato statim adjici Constantinopolim, & Carthagine adjacens Tuncum, & Cretâ Candiam, & Lacedæmone Mistræ.

Est & alia promptissima ratio nigrescentes exemplaris lineas prosequendi, vel in pellucidâ papyro, vel in communi & ad fenestram cum exemplari suo appositâ. Sed hanc & quotquot sunt artes sive delineandi tabulam, sive conciliandi celebritatem locis, omitemus ex industriâ, & magistrorum dexteritati permittemus. Erit satis si sentiant quàm

sine ullo sumptu, quàm sine ullâ prope manuum solertiâ possit, lineamentis solummodò perforatis adjutus puer geographicas picturas imitari, & suum sibi Atlantulum compingere vel unius anni decursu.

Quæ sub conspectum puerorum cadunt; quæ manibus eorum tractantur, eorumque aut regimini parent aut peculio accrescunt; quæ denique præbent utilem seu victoriæ obtinendæ, seu musæolo decorando materiem, in iis libentissimè versantur. Jusseris, supervacaneo post exsolutum pensum tempore, regionum adumbrari imagines: jusseris inspicere ab ipsis ac declarari hujus illiusve artis machinas, & machinarum usum: jusseris vel naturæ vel societatis partes enumerari, propriisque signari appellationibus: oblectamenta hæc: ludos existimant indulgenter & amicè concessos. Placet inspectio rerum: placet juncta rebus latinitas.

Neque illic mediocre incitamentum curiositatis est. Ubi regionum lineamenta situmque locorum suis ipse peregrinationibus exploravit puer; non poterit inter legendum & confabulandum injici ulla mentio vel rerum militarium vel mercaturæ, naturaliumque hîc &

illic proventum, quin ille continuo applicet aures, quasi sua res agatur. Jam nullibi hospes, humani nihil à se alienum putat.

Disciplinæ
linguarum
gradus alter.

Doctrinæ pro-
prietatis.

Postquam præviâ notione rerum quæ latinè deinde dicendæ sunt sic ex arte permoveris animos, ut cum rebus ingressa latina signa, jam non queant ab impressis rerum speciebus avelli; disciplinæ nunc instabit gradus alter; *signorum nempe operosior cognitio.*

Hactenùs elementa copiamque vocum, quantò potuimus usû, comparavimus. Eam nunc aggredimur Grammaticæ partem quæ vocum complectitur varios usus & situs, varias pro loco significationes & virtutes in quibus est universa linguæ proprietas.

Linguæ Proprietas.

Cùm verò superstitum Philosophorum, Historicorum, Poetarum, Oratorumque scriptis vetus lingua ejusque proprietas contineatur, non debet hujus proprietatis disquisitio & Grammatica plenior ab operibus eorundem scriptorum separari,

*Traité des
indes.*

Magnificè tractavit eas partes Rollius, & quâ tractari ratione ab aliis pos-

sent edocuit : neque linguam vel Græcam vel Latinam voluit è Grammaticâ repeti & expectari, sed Grammaticam & omnem linguæ notitiam ab optimè scribentibus; nec poeticen vel oratoriam à vulgaribus contritisque præceptis, sed præcepta & artem à Poetis & Oratoribus.

Non aliter senserat Horatius, qui probatissima quæque dicendi exemplaria volebat interdum noctuque versari. Non aliter Quintilianus, cum scholarum sui temporis morem reprehenderet, in quibus Oratoriæ præceptiones traderentur, non prælegerentur Oratores. Jubent eximii harum artium doctores Vida Bolæusque in suis poeticis, jubet ratio, jubet experientia rerum, non aliunde aut artium liberalium, aut veterum linguarum potissima documenta requiri quàm ex assiduâ scriptorum lectione, adjudicatione, & imitatione. Ut enim vera locutionum significatio ex causis dicendi assumitur, sic omnis pulchritudinis quæ existere & eminere in dicendo potest, fons repetendus ab eo quod personam, tempus, & locum decet, adjunctâ aliquâ nostrâ utilitate. Non sentitur autem neque imitationis virtus, neque quod pulchrum est atque

decens; datis frigidè definitionibus; non etiam detractis hinc & illinc emotisque sede suâ exemplis. Plurimum semper eis deperdi necesse est, ubi non ipso rerum filo deducuntur in conspectum; non loco, non tempore, non causâ, non personæ affectu adjuvantur; non consuetudine populorum, non omni dilucidantur adjunctorum comitatu. *Docent autem scriptores optimi, ut optimi pictores, id ipsum quod præstant: neque ulli melius docent, si modo locutionum vim, styli discrimina, & colores operum curiosa ratio diligensque contemplatio perspexerit.*

Sunt fanè in eam rem opportunissimæ celebrium Grammaticorum commentationes & Rhetorum: sed magistris contrectandæ non discipulis. Res immensa linguæ vel unius proprietas! Si gravem illam tot præceptionum farcinam discipuli vel conspexerint, exterrebit omnes. Grammatica autem nil molesti, nil lugubris habet, si ab optimè scribentibus non divellitur, si per partes traditur, si ejus animadversionem obscuritas loci occurrentis, novitasve commendat. Tum verò minimè ingratum novisse ubi sit Ellipsis, ubi Hellenismus, ubi alia figura. Sic repugnante

nullo, scientia proprietatis continget omnibus cumulator.

De autorum personâ & operibus dicere, hîc superfluum. Quantus autem qualisve illorum usus esse possit, nullo meliori genere argumentationis declarabimus, quàm si ea fiat autorum per quatuor superiores ordines distributio; ut nullus veterum celebretur stylus, in quo, aliquem dicendi jam priùs nacta usum juventus, interpretandi imitandique industriam non exercuerit.

Exscribetur domi ut priùs ea historiae pars quam prælegerit professor, & intra semi-horam priorem recitabitur, non tam memoriter & anxie de verbo ad verbum, quàm cum specie aliquâ colloquii familiaris, ac vocis aptissimo flexu.

Superiorum
scholarum
opus.
Prima semi-
hora.

De eo penso nihil ut immutetur suadent commoditates multæ, scilicet futurus in omnes illustrium gentium historias per septem annos excursus; labor exercitationis ferè nullus, omnia diligente ac prælegente magistro; patriæ linguæ usus frequens & in dies tamen cautior; ejus usum secutura quoque plurima narrandi libertas: quæ postrema virtus nec suâ laude destituetur, & ad alia audenda stimulos addet acres.

Græcæ lin-
guæ & Poeti-
ces initia in
quartoordine.

In quarto scholarum ordine sine ullo jam latini sermonis incommodo, fiet prima litterarum græcarum metricæque orationis tentamina. Usitatæ igitur ante omnia narratiunculæ prudenter adjicietur, & intra ejusdem semi-horæ prioris terminos recitabitur pars aliqua Grammaticæ græcæ elementaris: cujus ut nomina verbaque possint flecti promptius & alia ex aliis ritè generari, opem plurimam præstabunt nitida paradigmata, versusque thecnici Messleriani (a) numero & perspicuitate præceptionum in singulari brevitate commendabiles.

Hora sequens
vertendis au-
toribus tri-
buenda.

Horam sequentem quam Romanis autoribus interpretandis plenam optaremus impendi, decurrabit leviter, & consecrabit simul pars aliqua textûs Græci vel Evangeliorum, vel actuum Apostolicorum.

Quæ scripsit Lucas, civis, ut credibile est, Antiochenus, ea plus cæteris à figurâ Hebraicâ recedunt, & sunt Græcanicæ munditiæ contermina. Verum affert novi fœderis textus majora his emolumenta. Hic nostræ salutis nuncius. Hic prima promissæ benedictionis inter gentes propagatio. Servetur idcir-

(a) La Gramm. Gr. de Messler Principal du Collège de la ville de Laon.

cò salutaribus paginis ea majestas in omni scholarum ordine, ut ex iis nulla nisi reverenter & capite ab omnibus aperto in sermonem patrium convertantur.

In hoc scholarum quarto ordine qui reliquis mediis intercedit, satis commodè prælegi possunt, notulisque Grammaticis illustrari, enarrari deinde tum gallicè tum latinè, selectissimæ & plenæ amœnitatis excerptiones è Cicerone, Valerio Maximo, Paterculo, Gellio, Columellâ, & aliis; vel etiam Curtii, Salustiive nullâ sui parte diminutæ historiæ.

Pomeridiano tempore horam plenam sibi Terentius habebit, & pro certò faciet brevem. Tribus aut quatuor utimur nunc eximii poetæ fabulis, utcumque expurgatis. Purgatioribus iis & melioribus uteremur, si actio alia & honesta turpissimis amoribus ab erudito & christiano editore subrogaretur. Præstat in studiosæ juventutis gratiam contaminari hîc & illic vel verûm vel scenam, & materiæ aliquâ fieri ex arte mutationem, quàm juventutem vel læli legento, vel carere cæteroquin elegantissimo genere colloquiorum. Verus enim illic, nec facilè repertiendus aliàs privatorum Romanorum sermo,

qualem agentibus inter se civibus natura suggerebat, & ipsâ suâ ingenuitate ad alliciendam instituendamque ætatem valdè idoneus.

Quàm bellè autem cum litteris res agetur, si contrahi aliquando porest & coaptari ad usum christianæ juventutis Plautus ipse, salibus illepidissimis ita liberatus, ut nihil ejus interim latinitati detrahatur, nihil festivitati. Tum verò & in provectiori ætate legetur cupidè potius quàm patienter: neque hîc publicis typis opus. Quæ legi ex utroque omninò non debent, possunt emendari, dictari, dispescique in disjunctas scenas, unde existent festiva totidem colloquia.

Quod si in illâ studiorum media statione, currente anno, quantus est, nulla instituta fuerit vel Terentiani vel Plautini sermonis interpretatio quam non consecuta statim sit ejusdem in suam latinitatem extemporanea reversio; hoc tibi in hâc re futurum prædico, ut alacrior sit in omnibus voluntas, in pluribus emicet fiducia dicendi & amabilis lepor.

Illuc euntibus, viam certiolem munire qui volet, sit ipse discipulorum prope perpetuus auditor, & interpre-

tandi ordinem sic dividat ut enucleandis rebus grammaticis pars temporis aliqua cedat, enarrationi autem gallicæ & latinitatis restitutioni pars longè maxima. Sic tædio non aperietur ullum ofitium : sic pariet usûs optimi perpetuitas habitum non facilè mutabilem. Constantissimæ hujus exercitationis ea virtus erit, ut alias benè multas una repararet ac suppleat, ipsa nullis aliis possit reparari. Cui præsto & in promptu vera latinitas erit, etiam cùm peccet hîc & illic, eum non deficiet aut interpretandi facultas, aut industria per sese investigandi si quid latet, aut in quo erraverit, cum lepidissimo risu agnoscendi.

Huc accedit quod quisquis id ætatis Terentiani styli admirator fuerit, & jam promptus imitator, sectabitur deinceps quod verum est, quod ingenuum; neque is erit quem abducatur à vero aut verborum tumor, aut fulgor sensiculorum, aut ostentatio ingenii animos aliò avocantis. Hausit ille sensum pulchritudinis non fictæ, non fucatæ. Sectatur inscius id quod simplex est, quod verum; nec aliter acquiescit.

Habet eam præterea laudem Phædri ac Terentii ingenuitas, Plautique vis comica, quod qui eo stylo, eâ vitæ imi-

ratiōe capitur puer, quasi de industriâ præparetur ut ei deinceps & Cicero, & Homerus, & Virgilius valdè placeant. In his quidem pro naturâ materiæ hîc majestas, illic affectus, alibi naturæ aut vitæ hominum similitudines, & varietas plurima; in omnibus tamen eadem quæ Terentii, eadem quæ Fontani, quæ Molierii nostri rectitudo, veri in omnibus affectatio, imitationes rerum, scribentis ambitio nusquam.

Hora ultima.

Horam ultimam in quarto ordine obtinebunt scriptiones de more per partes emendandæ, & elementa linguæ græcæ innumeris exemplis, ac frequentibus auditorum concertationibus confirmanda. Si quid supererit aut servatum de industriâ, temporis fuerit, illud audiendo gallico vel poetæ vel historico ceder, in sequentibus ordinibus gallico oratori ut plurimum.

Varie exercitationes superioribus ordinibus ac commodatæ.

Sunt autem excogitanda alia quibus & in quarto ordine & in superioribus accrescat in dies audacia dicendi, & judicii vis exercendo acuatur.

Qui inceperint inter condiscipulos habere nomen, erit eis honorificum, si jubeantur domi parare ac providere, quæ deinde magistri loco prælegant in scholâ, & priores interpretentur. Non

mediocre sanè lucrum nec modica magistri voluptas interim sedere prope taciturnum judicem, & habere pro arbitrio qui vicarius ejus muneri succedat. Non dubium est quin discipulorum solertia cùm fuerit omnis in illâ fidelitate interpretandi & latina revocandi constituta diùque versata; jam possit partem scriptoris latini prælectam sine interpositâ interpretatione, vel gallicè enarrare, vel etiam latinè reddere.

Quod ad scriptiones vel extemporaneas vel domesticas attinet.

1°. Possunt gallico idiomate aliqua non passim obvia dictari, & latino semel tantum prælegi, quæ vel in scholâ vel domi in eandem, si fieri potest, latinitatem vertantur. Sit autem omnis illa non è magistri Minervâ, sed ex indubio bonæ antiquitatis fonte hausta latinitas. In eo erit autem prudentia delectûs, ut insit uni orationi hujus aut illius figuræ sive tropi exemplum; alteri verò alterius formulæ quam velit magister esse discipulis in promptu, propter ejus aut elegantiam aut frequentiam in usu communi.

2°. Possunt non rarò dictari orationes ejusmodi, quæ mutatâ omninò materie dent locum imitandi tamen can-

dem structuram quæ in latino scriptore vel recens vel dudum explanata & nota sit.

3°. Potest materia, quæcumque satis inclaruit, in varias quæstiones dividi, quibus domi & scripto ita respondendum sit, ut responsionem textus ipse adjuvet, & à textu tamen recedendum sit in multis. Quæ quo fine fiant, quibus dent commoditatibus locum, vides. Sollicitandi animi, tentandi omnes ut natent sine cortice, ut audeant ipsi se expedire, nec jam indigeant exemplari prælecto & adjutrice manu.

Huc accedit & aliud boni, quod ubicumque interrogationibus ejusmodi satisficit, votis Quintiliani pariter satisficit. Hujus enim arbitrato non sunt unquam sejungenda tria hæc, præ reliquis necessaria; Lectio, Enarratio, Judicium.

4°. Potest illustris poetæ pars aliqua in sermonem usitatum ita verti ut è membris disjecti poetæ, omnino aliud orationis corpus exurgat; non exangue & horridum, quale est Ruæi Virgilium deformantis; at plenum succi, in morem Juvencii Horatium metri legibus exsolventis.

5°. Potest in pensum diei Dominicæ

salubriter præscribi eorum quæ totâ hebdomade prælecta sunt, latina diligensque analysis, cohærentiumque inter se partium fidelis expositio. In quâ emendandâ scriptione si minimè negligentem se magister præstiterit; faciet omnes & intentiores in opus diurnum, & in observando rerum filo magis perspicaces.

6°. Poterit interdum eadem prælectionum rerum analysis inexpectatâ die, & nil tale opinantibus, ad scribendum proponi in materiem concertationis, & spem præmiorum, vel primæ sedis, quæ non poterit sic nisi verè vincenti contingere. Judicii hoc opus omni suspensione liberum. Arriget ars illa omnes; crescet ipso periculi metu quotidiana sedulitas.

At enim, inquires, metuiamus quorsum possint evadere concertationes ita institutæ ut non discedatur à quotidiano aliquo scriptore; illud pro certo haberi debet futurum, ut historicum vel oratorem quem præ manibus habent, solvant, ac revolvant, nec patiantur quis ullam sibi intercidere partem; quam si in eâ constiterit scriptiois palmaris materies, in antecessum non fecerint propriam sui, Nullibi locorum hospites

eos repereris. Et sic pro uno victore triginta fures de palmâ contendunt.

Atqui non potest ejusmodi furum nimis augeri numerus. Sunt ea furta finisi pſe quo tendebas. Veterum scripta noverint, ament, habeant præſto ad manum: hoc erat aut debuit eſſe in votis. Sint enimverò profeſſores qui latinatam ſuam ſic in arduo collocent, tot circumſæpire ament offendiculis, ut neceſſe ſit illuc pertingere pauciſſimos, reliquos ruere præcipites. Ego ſatiùs eſſe credo ſi tendantur inſidiæ nemini, ſi nullus in deſperationem advocetur, ſi magno rerum & bonarum & faciliũ uſu invitentur quàm plurimi ad nova audenda; ſi falli ſe magiſter ſinat ex induſtriâ; ſi laudet quæ rectè, quanquam facilè, fiunt, ut fiant frequentiſſimè; ſi denique & multa legantur ab omnibus, & ipſâ ſpe prædæ agiles intendant oculos ad omnia, ita ut lineas aſſecuturi, furaturi, ſi ita vis, duodecim, trecentas penitùs introſpexerint.

7°. Cùm ex abundantia ſuæ penu ſinceram latinatam ſine ullo tandem exemplari prælecto depriment; poterunt frequenter aſſignari gallica aliqua Plauti, vel Vitruvii, vel Columellæ, aliorumve quæ latina faciant; aut materies

teries proponi vel epistolæ familiaris, vel narrationis, vel colloquii inter personas quarum prius conditionem, voluntatem & affectus rei congruentes noverint probissimè ; materies illa si fuerit omnis ex fonte accersita purissimo, normam judicandi non dubiam præscribet : qui propius accesserit, penes eum victoria esto.

Ubicumque sermonem deprehenderis verè familiarem, facilem, ingenuum, & ad omnes fortunarum habitus accommodatum, magna ibi virtus : Ibi spes plurima futuri : non item ubi assurgunt, ubi sectantur grandia.

Si quid hîc & illic reperietur, reperietur autem non infrequenter, quod cum decantatis regulis pugnet, ne propterea inclames, quasi deplorata sit eorum latinitas, quasi de studiis prioribus penitus actum sit. Nugis offenderis ; vera commoda non respicis. Minus grammaticè dicant ; dummodò facile & latinè. Reliqua emendantur ipso usu & assiduitate scribendi.

Qui scriptiones quotidianas ejusmodi mendis non facile liberabunt, fructum tamen sui laboris non mediocrem consequentur, si, diuturnâ saltem interpretandi & enarrandi con-

suetudine, veterum scripta non repugnanter adeunt, & commodè decurrunt: non est grande adeo vel flagitium vel periculum grammaticas hîc & illic violari leges. Nunquam erit illis dicendum vel in Senatu Romano vel ad populum pro Rostris.

Non erit recusandum præterea quin aliquibus eorum qui audiunt, ejusmodi scriptiones malè omninò vertant, Huic autem malo, qui pervulgatâ docendi ratione utetur, non ibit certius obviam. Continget huic & illi non posse percipi normam ædificandi versus: continget alteri, monstrosa aut inania captari pro poeticis aut oratoriis. Nollem ego eorum infortunium onerari tristissimâ necessitate in dies ridicula faciendi: frequens occasio, frequens peccati redivit. Sic aggerantur vitia vitiis: quod quid est aliud quàm eò adolescentiam perducere ut laboriosè desipiat. Quæ certum igitur est eos non facere nisi magno suo detrimento, ab his abstineri tutius foret. Sic aliquibus liberum non omnia posse: nec tu illorum causâ minueris quæ facis. Interim sit huic & illi pro tuâ prudentiâ licitum ultra Gallicam veterum versionem non evagari. Sit licitum,

non sine aliquâ laudum spe , in sermone patrio se exercere potissimum. Epistolam sæpè scribant de rebus maximè obviis. Si , quod ii Gallicè scripserunt , utcumque non displicuerit , lauda. In nullis eorum patere ipsâ ignominiâ & exprobratione insitæ tarditatis extingui omnes ad aliquam saltem virtutem igniculos. Grande lucrum , si in patrio saltem sermone , & in rebus ad vitam communem pertinentibus non modò non obtusi & elingues fuerint ipso dedecorum metu , sed potiùs efficiantur dexteritate & patientiâ tuâ cordati & probabiles. Præstat quosdam peritos esse patrii saltem sermonis, quàm Latinè Gallicèque mutos.

8°. Est & aliud exercitationis genus præ cæteris utile, nulli clausum , cujus in reliquis studiis fructum unusquisque tantùm experietur , quantum erit in eo ad proficiendum voluntatis.

Quidquid exsoluto domestico penso residuum temporis erit , per tempus illud exerceat se ingeniosus adolescens ad scribenda Latinè vel eloquenda , non quæ , memoriâ recenti , nimis præsentia sunt , sed quæ dies ipsa delevisse videatur.

Valgelasianæ interpretationis Quinti

H ij

Curtii vel Dacerianæ versionis Terentii partem ex ordine legat, & aut calamo aut vivâ voce partem eandem Latinè, secum solus, enunciet; & sua deinde cum veteribus conferat. Sibi sæpiSSimè præstent condiscipuli duo eandem alternis operam prælegendi Gallica, dein Latina revocandi. Adest communis Magister scriptor ipse, quo utantur & exemplari optimo & iudice non ambiguo.

Styli Unitas.

Quisquis autem vel adolescens vel vir factus, putæ latinitatis usu, aliquam jam dicendi celeritatem consecutus erit, yix fortasse sibi temperabit, ita sumus ad imitandum proclives, quin e scriptoribus Latinis unum, eumque ex omnibus fortasse non optimum Tacitum puta vel Florum, præ cæteris æmuletur, in quem vel naturâ vel præconceptâ & suggestâ opinione propenderit.

Huic malo ibit ipse obviam, si styli Terentiani ante omnia diligens fuerit imitator, aut Ciceroniani. Terentiano melior nullus, ubicumque aliquis & vulgo loquens inducitur; nec Ciceroniano, ubi quis sustinet oratoris partes aut philosophi disputantis. Terentium inter & Ciceronem medium lo-

cum Columella tenet. Utitur enim sermone neque oratoriè incitato, neque verniliter familiari; sed eo qui virum urbanum decet non inornatè agentem de rebus maximè obviis. Universam scilicet agricolationem quam in amplâ fortunâ scriptor egregius exercuerat, id, postulante viro consulari Sylvino exponit cum plurimâ dignitate & sine apparatu tamen.

Hic igitur tibi autor ero, uti spero, non absurdus, ut eximii alicujus exemplaris colore stylum tuum à principio inficias, ne in posterum possit aliorum labe commaculari; sed in tantâ legendi varietate unus videatur esse, semperque similis sui. Sic licebit immorari impunè ubicumque te figere pedem jubebit necessitas.

Exemplaris delectus, huic rei caput. Scriptorum enim sermo, vel eorum qui plurimâ laude præstant, non omni semper vacat aspersione vitiorum. Ita Sallustium queruntur & Varronem nimios esse Archaismi affectatores; Ammianum & Apuleium turgere; Senecas ab genere sententioso non posse avelli; Livium à sermonis Patavini asperitate sibi non cavisse; alios aliis vitiis urgeri.

Nemini sanè non laudi erit fuisse in Varrone, Sallustio, & præ aliis in Livio assiduum. Magnus ille masculæ & rebus consentaneæ latinitatis autor; magnus omninò narrandi pingendique artifex; neque frigidus morum politicæque rei doctor. Leve sanè est, si quid peccat, & idipsum tamen nescire te nollem. Quidquid autem videri hîc aut illic potest in Liviano sermone vel neglectum vel provincialiter dissonum, illud majestas exquisitæ imaginis patitur ac regit. At si quis & in tenuibus argumentis quæ tanquam minutissimæ tabellæ propius inspiciuntur, affectet Liviani penicilli incuriam, negligat verneris & artem Ciceroniani, ridebitur vitiorum parum cautus imitator, qui gravitatem insuper ostendet & nervos alieno tempore nec justo loco.

Ut igitur inter varia tot scriptorum tot sæculorum vitia stare possis incolumi tuâ latinitate & salvo stylo, Ciceronem præ omnibus ante oculos propone. Nullo unquam tuo periculo, sed plurimo potius tui tum sermonis tum judicii processu & incremento Ciceronem imitaberis; at non adorabis tamen: quasi quæcumque sint ex fundo non Ciceroniano, iis tibi abstinendum

putes. Licuit semperque licebit Cicero-
nis admiratorem detrahere hinc, inde,
& in usum suum convertere sive voca-
bula sive formulas, quibus Tullium,
cum res bene multas aut attigerit levi-
ter, aut reliquerit intactas, carere om-
nino necesse est: eaque sic sua efficiet
ut similitudine collocandi à Ciceronia-
nis non differant.

Absolutissimo genere dicendi non
leviter imbutus, & quasi inter manus
urbanissimæ matris educatus puer om-
nes alienæ locutionis injurias faciliè ar-
cebit, nec in suum styllum quidquam,
quod aut pingue, aut peregrinum vi-
deatur admitter.

Ubi purissimæ latinæ affiduâ re-
petitione, ut fieri in vulgaribus lin-
guis solet, conciliata fuerit aliqua jam
imitandi audacia & prosperitas, emi-
cabunt in multis animi indicia aut in
illum styllum aut in alterum propen-
dentis. Tum vero prudentis erit magi-
stri numquamque tentare quid possit,
quam sui expectationem faciat explo-
rare, atque addicere præsertim ei scrip-
tori ac stylo in quem viderit eum na-
turali proclivitate propelli. Vulgaria
tantum opera exercebit vulgaribus equis
permistus equus, qui, si eum, quid

Explorandi
Animi, & in
id quod pos-
sunt, propelli
lepdi.

posset, agnovisses tentando; si eum suæ indoli permisisses, nunc sub viro principe splendidus exultaret.

Erunt non pauci qui videantur ingenio ad fundendos versus alacri nec absurdo. Ne plus nimio tamen fide primulis ingenii poetici scintillis, quas novimus quàm sint in aliquibus fallaces, in bene multis noxiæ.

Abeunt horæ, abeunt anni legendis, conferendis, laudandis trium quatuorve competitorum versiculis. Crederes agi de ingeniorum fortunâ. Crederes raræ indolis animas ad grandia quæque his artibus evehi. Qui verò laxissimis habenis in ejusmodi quotidiana certamina compelluntur, solent poetica unicè deperire, obsurdescere cæteris, esse ad meliora sæpe inutiles, atque utinam non & risu digni! exercitationes ejusmodi, si profunt, paucis profunt. Et cum ipsi non sint in re valdè opimâ, longissimo interim jejunio reliqua multitudo macrescit.

Vitabit igitur scholæ superioris professor, si sapiet, esse ante tempus, & cum tempus erit, nimius poeticæ scriptionis adhortator. Difficilibus nugis absumi solitum tempus autorum potius interpretationi cedat: in omnes redundabit ea utilitas.

Cum verò elementorum linguæ Græcæ provisa fuerit in quarto ordine scientia non mediocris, & concertationibus ultimæ semi-horæ parta satis magna Græcarum vocum copia, non tam originibus & familiis radicum quàm classibus & adminiculis rerum naturalium, tum fine anni appetente incipiet esse prosodiæ sine periculo locus, & structuræ versuum: multi priùs ^{Prosodiæ initia.} nolunt, ne merri novitas & parabile primo aspectu artificium, loquelæ usitatoris obtundat saporem, vel ejus tædium, quod pejus est, ingeneret.

Prosodiæ poeticorumque canonum auxiliis non plurimum indiget sermo Plautinus ac Terentianus, satis liberè fluens, nec sermonis quotidiani multum dissimilis; indigebunt illustrium Græcorum Latinorumque poemata, quæ per tres annos pomeridiani temporis horam plenam vice alternâ postulant, ut solutæ orationis scriptores plenissimam sortiantur temporis antemeridiani. Quantum incommodi secum affert numerosæ juventuti poetica illa scriptio si præcipitur omnibus habito nullo ingeniorum discrimine; tantum afferet omnibus adjumenti poetarum lectio & pulchritudinis poeticæ sen-

fus postea quam scilicet adepti fuerint gustum liberæ orationis & non mediocrem usum. Solis enim poetis datum est historici, oratoris, pictorisque simul exercere virtutes : solis datum materiem suam libertate ordinis & fingendi audaciâ locupletare.

Sic scholarum ordo tertius habeat aut Sallustium & Catilinaras Orationes, aut primam Livii Decadem, adjuncto vel Xenophonte, vel Herodoto; pomeridianis horis Æneidem & Odyseam. Secundus ordo alias Livii Decades cum Herodiano & Xenophonte; tum Georgica cum Iliade. Ab Georgicis non videtur sejungi posse domestica lectio Columellæ. In Rhetoricâ matutinæ horæ cedent partim Demostheni aut Plutarcho, partim Ciceroni aut Quintiliano; pomeridianæ alternis Euripidi & Horatio, Aristophani & Senecæ tragico : proderunt enim suo tempore vel vitiosi styli aliqua exemplaria. Delectum & modum industria discipulorum magistrique prudentia præscribet.

Exercendæ
memoriæ ra-
tio.

Debet excoli interim speciali aliquâ ratione memoria, quæ optimarum rerum poterit esse promptuarium, si illic sive dicta sive facta, & optimo de-

lectu, & magno numero, & justo simul ordine coacervantur.

Intermissâ nuspian prælectas historias Gallicè enarrandi consuetudine, quidquid erit in oratoribus & poetis aut sensu humanitatis eximium, aut opportunum societati adjuvandæ, aut non vulgari naturæ imagine speciosum, mandari memoriæ poterit cum adjuncta quotidiana narratione. Quo in genere video eam esse prudentissimorum virorum sententiam & hortationem, ut nec multum domestici temporis in hoc negotium decidatur, nec oneribus injustis euntium retardetur alacritas. Nolunt propterea recitari scriptores ullos ex integro, sed per partes & cum delectu: uno tamen excepto Virgilio, cujus in *Æneide* & *Georgicis* nullus prope versus non aureus, nulla imago rerum non vera, nullæ voces aut locutiones non bonæ latinitatis, non boni exempli. A Virgilianis *Eclogis* ex ordine legendis abstineri in publico studio posset, propter non mediocrem obscuritatem in aliquibus, & minimè necessariam in aliis claritatem.

Sunt in Anacreonte dignissima lectu, & singulariter elegantes hymni:

H vj

sunt in Ovidio , Catullo & aliis , bene multa quæ juvaret proferri in commune , propter ingenii diversitatem aut concinnitatem dicendi. Eam verò suavitatem tanta pericula circumstant, ut necesse sit juventuti Christianæ cum perditissimis hominibus nihil esse rei ; aut dictari tantummodo excerptiones idoneas quæ alacriter ac pede tamen tuto decurrantur.

Ufus, Conti-
nuatio, & Af-
siduitas,

Necessarium adeo linguæ purioris usum non satis est plurimum ab initio comparari , nisi & sequentium annorum continuatione usus ille perseveret. Pergentibus igitur e Rhetoricâ in philosophicum curriculum ; mos apprimè utilis ut , quanquam eos esse in philosophicis totos oporteat , nullam tamen diem patiantur abire vel Plutarchi vel Tullii lectione immunem. Est in Plutarcho quidem stylus minus fluens & nonnihil intortus : res tamen exquisitæ , optimumque philosophandi genus, in vitis præsertim parallelis. Huc accedit quòd quem suo stylo Plutarchus non absterruit ; is altero non terrebitur. Sunt in Cicerone philosophica multa , & stylus quo deceat philosophica tractari. Possunt Philosophiæ candidati hujus tenuissimi diverticuli in-

dulgentiâ relaxare animum. Ex quo id quoque consequentur ut ne sinant interim veterum linguarum comparata tanto labore in reliquam vitam instrumenta defuetudine hebescere, & æruginè interfici.

Sunt eâ ætate non pauci quos capiunt unicè poetarum numeri; quia magis mechanicè sonantes, ut notum, magis ex arte dimensæ. Si quid igitur fuerit otii, si qua libertas; frequentes illicò ad Virgilium, frequentiores ad Horatium reditus.

Poeta, legendis ornet animum, non styllum corrumpat.

Voluptatis genus profectò honestissimæ, si quis eam ratione moderetur, neque crepet poetæ & poetica, ubi non est poeticus locus. Ut enim sobrius est modico vino uti; at vinum omni tempore omni loco redolere, ebriosi; sic sapientis quidem est Virgiliano stylo vel Horatiano delectari; non tamen quæcumque scripserit, eo stylo infercire. Profert ille ingenii indicium non satis recti, vel sentientis inopiam suam, vel eruditionis famam insulse captantis, qui detrahit hinc inde, usitatoque sermoni assuit poetarum lacinias in suo loco splendidas, abnormes & ridiculas in alieno. Opus igitur stylo imprimis qui sit unus & tuus. Uterur

sermonis habitu semper mundo , semper suo , cui fuerit ante omnia in deliciis vel Ciceroniana rotunditas , vel Terentianus lepor.

In hâc prælectionum scriptionumque distributione præivit hætenus & præire pergit usus rationi & præceptorum grammaticorum contemplationi. Ut esset autem usus ille & placens , & bonus , & multus , magna nobis cum rebus inita consuetudo est. Nec minor autorum usura & quasi familiaritas fuit , qui in rebus toti sunt , eoque magis arrident quò frequentius afferunt aliquid novi , nec legentes affligunt aut logicorum ambagibus , aut grammaticorum tricis.

Jejuni isti vocum doctores non implent aures nostras , ita sunt avidæ & capaces : ita semper aliquid solidum , aliquid immensum , infinitumque desiderant.

Nec tamen interim nulla fuit curæ verborum : sed in dies observatæ & usurpatæ crebrò propriæ voces , propriæque ac pro loco interdum unicæ sermonis formulæ , non tenui numero , non incerto delectu , discipulorum peculiis accreverunt. Id jam monuimus , & est in linguarum rudimento diligenter

tenenda lex, quò quis erit plus rerum adeptus intelligendo, hòc quoque plus adepturum esse vocum & formularum, sine quibus nulla res concipi potuit aut memoriâ teneri. At longo isto simul optimorum scriptorum usû, nunquam intermissâ imitationis assiduitate, præcluso præsertim barbariæ & omnis perversitatis aditu, hâc denique prudentiâ magistri in omnem pedetentim proprietatem excurrentis eruditus cum fuerit adolescens, plurima jam dijudicabit ex ipso sapore, has & illas vocum inter se collocationes ac societates eliger aut spernet sciens ac volens; nec jam de potestate significandi ambiget, ita se signa rebus applicant etiam apud incogitantem. Constantissimâ autem oculorum atque aurium, manus quoque & oris exercitatione magis ac magis ad intelligendum judicandumque incitata ratio fit in dies conscia virium suarum.

Erit nunc in Græcis tandem Latinisque litteris optimum factum, quod fit optimo semper eventu in linguis vulgaribus, ut qui eas usu callet, tum denique legat evolvatque grammaticorum laudatissimos ac præsertim di-

Usus discipulus ipse suâ disquisitione confirmat.

ligentissimos quosque operum æstimatores.

Qui enim linguam ignotam fecit usu suam, is fundum paternum videtur auxisse alterius accessione fundi. Si qua igitur ostensa homini fuerit industria, vel ars minimè operosa & idonea tamen novo huic amplificando fundo, cujus ei incipit esse possessio cordi; nã ille ditescendi opportunitatem non neglecturus est, & parabili non carebit instrumento. Injiciet potius manum in optimos quosque vel autorum interpretes vel grammaticæ & antiquariæ rei scriptores, à quibus ille abhorruit antea, exterritus ipso aspectu tot congestorum simul sine re signorum, eos nunc leget volens.

Audivit prius magistrum diversas concordia & rectionis, analogiæ quoque & ellipseos, universæ denique proprietatis partes sejunctim, loco, ac tempore quotidianis interpretationibus immiscentem. Veniet & tempus cum discipulus tot membra disiecta compingere ipse volet in unum corpus: nisi ea in grammaticis operibus Lancelotti, vel in Sanctii Minervæ, vel in Gasparis Scioppii Mercurio bibli ngui collecta recognoscat.

Superest pars tertia grammaticæ totiusque litterariæ disciplinæ nobilissima : scilicet ars critica eorum quæ in omni genere dicendi scribendique, perpetuum iudicii nostri periculum faciunt : debent enim nec laudari temere , nec sine causâ explodi.

Grammaticæ
tertia pars, quæ
Critice dicitur.

Artem iudicandi , quæ *Artium Logica* dici iusto titulo posset , & à Cicerone promiscuo nomine *Gustus* aut *Sapientiæ* insignitur , ne in infinitum excurrat , intra certos & materiæ nostræ congruentes terminos continebimus. Sic docere veteres Linguas ut styli & rerum simul elaboretur sapor , hic libelli propositus finis.

*Criticæ seu litterariæ sapientiæ
ortus & prima progressio.*

IN artibus aliud ingenium (a) , aliud Sapientia (b) , aliud Scientia (c) , mutuis tamen auxiliis in unum sæpè coïncidunt.

Est ingenium vis illa intelligendi , quâ quis rem vel faciendam vel factam, acriter apprehendit & rei delineatio.

Ingenium
quid,

- (a) Génie.
- (b) Goût.
- (c) Savoir.

nem mente præordinatam vel oratione reddit, vel posito aliquo exterius opere præstat & exhibet.

Quid Sapientia. Sapientia in litteris & ubivis nil aliud quàm pulchri sensus & boni rectique amor.

Quid Scientia in artibus. Scientia denique est regularum quibus regi solent artifices conquisitio diligens, & ad regulas ac legem rationis exacta operum æstimatio.

Innascitur unicuique solum ingenium, sua intelligendi vis, & in hoc aut illud operandi genus ineluctabilis quædam propensio.

Acquiritur autem unicuique sua sapientia. Quanquam sit enim in aliquibus naturaliter insita sentiendi facultas alacrior; otio tamen indormire solet & emarcescere nisi cultu excitetur & efflorescat. In omnibus præterea magistri dexteritate, operum collatione, assiduitate judicandi, recto denique scientiæ ductu plus vel minus promovetur.

Scientiam pariter quæ nemini nostrum innascitur, suus unicuique labor affert, auscultandique constantia & observandi quem alii morem secuti sint, aut quem debuerint sequi. Scientia, meræ intellectionis opus, à sapien-

tiâ non rarò sejungitur ; eam tamen extimulat & commodè alit. Est autem sapientiæ vis præcipua in sensu & in illius voluptatis acumine quam pro pulchritudinis gradu diversam & in dies majorem experimur.

Erit qui oblati Edelinckii Penique & Sadeleri cœlaturis frigeat, & oculos ne retorqueat quidem. Stupebit alter non minus in Malburæis imaginibus quam in Gerardi Aldrani historiis. Emendabit uterque tantam tamen infusitatem si delineandi leges attingat ; si artis peritos audiat aut legat ; si quis homini commonstret positis frequenter ob oculos exemplis quid sit hic aut illic laude vituperiove dignum. Ratio ipsa communisque sensus, quibus primariis omnes magistris utimur, earum rerum naturales causas ita dilucidant ut habeat ille certiore jam, de obviâ vel sculpturâ vel picturâ, judicandæ normam. Crescit judicandi fiducia & firmatur ipso habitu conferendi pulcherrima cum pulchris, cum mediocribus, cum pessimis. Judicium sequitur voluptas aliqua sensusque acrior. Sic exortâ scientiâ exoriri sapientia ut plurimum solet. Quantumvis tamen gustum sollicitè acuatque labor & eru-

ditio , ne tu propterea existimes præceptionibus unice aut libris recti sensum obtineri. Est enim ignotum nemini Reges maximos , qui , ut regendæ reipublicæ operam darent , à scientiarum studiis abstinuerunt ; exquisiti tamen iudicii laudibus & monumentorum famâ inclaruisse , artificum scilicet colloquiis , & operum collationibus unice adjutos.

Sunt igitur ad scientiam sapientiamque saluberrima tentamina & opportuna præcepta : ut qui prius ad omnem actuum pulchritudinem hebescere videbatur , quæ bona sunt gradatim sentiat , amet , dijudicet.

Solius ingenii comparandi nulla est ars , nulla disciplina , recto quidem cultu roboratur ingenium. Nihil tamen magni paritura est ulla vel eruditio , vel sapientia , naturalis industriæ destituta subsidiis. Viri fortes exercitationibus ejusmodi uti solent , quibus posset elidi fragile corpus , potius quam juvari. At cujus erit imbecilla valetudo , nec ludis aberit ; nec judicandi laude fraudabitur.

Nimirum est omnis illa ingeniorum varietas ut corporum , Providentiæ liberrimum munus humanam societatem

vario facultatum genere instruendis. Eadem interim Providentia voluit in excolendo ingenio esse aliquam nostram laudem : voluit unumquemque nostrum fieri doctum suis periculis, fieri iusto rerum delectu & suamet agitatione sapientem.

Earum partium minimè vulgaris, ingenium : maximè sterilis, ubi sola est, scientia. Optabilis ante alias sapientia, quæ scientiis usum, ingenio moderamen & rectitudinem, artibus denique laudem, si quam obtinent, conciliat.

De ingenio ulterius dici superfluum. Ut queat pro captu nostro amplificari, si felix est; aut aliarum virtutum accessione pensari si modicum; solent ubique locorum scholæ aperiri. Scientiarum passim traduntur elementa; sapientiæ non item : quæ si non evolvitur tamen, si non eruditur, præeun-ribus vel magistris vel exemplis; neque ipsi nostro ingenio uti laudabiliter, neque cum voluptate frui poterimus alieno.

Sunt artium leges : sunt operum, Existunt inde totidem scientiarum species quibus carere vel uti uniuscujusque prudentiæ permittitur. Carere autem sapiendi principiis nemini liberum

est, nisi qui & ingenii humani solertiam, & animi voluptatem, res à se alienas putet. Est etiam in illis sapientiæ præsertim litterariæ principis id peropportunum quod nullius ætatis intelligentiam fugiant, ac debeant propereâ cum prima eruditione grammaticâque conjungi.

Dux ingenii & iudex operum sapientia, cum sit pulchri bonique definita sensu, cavendum imprimis est ne vana specie recti decipiamur, aut pigmenti fraudibus, occultantis pulchritudinem quæ vera est; & quæ nulla est ostentantis. Statuendum igitur quo indicio, quo quasi impresso humanis operibus caractere, agnosci quod bonum, quod pulchrum, queat ac debeat.

Non tam necesse est inquiri nunc in moralis pulchritudinis naturam, quam artificialis, quæ scilicet homine mortuo conspicitur in ejus operibus superstes. Est autem quid vel re vel imitatione pulchrum. Pulchritudo rerum ejusmodi operibus consistit quibus vitæ hominum exhibetur utile ministerium. Laudamus ea ratione pulchritudinem pontis, navis, horri, palatii. Imitatoria pulchritudo similitudine ali-

Pulchritudo
rei aut imita-
tionis.

quâ rei absentis exsurgit. Ea laus est historiæ, eadem est panegyricæ orationis, aut statuæ, aut tabellæ, quibus efficitur ut quæ non usurpamus oculis, imitatione sentiamus.

Ut, quod olim inventum est, iteretur commodè quotiesvè nostra jubet utilitas, non tam ingenio illic opus quam scientiâ & sapientiâ; quatum scilicet est, quid rectum sit dignoscere, & apponere lucro, non tamen invenire. At vulgatæ longo usu machinæ sicuti geminantur & aut emendatione vitiorum, aut accessione novæ virtutis, immutantur in melius, istam sibi laudem vindicat ingenium. Soli demum ingenio pulchritudinis ortus & incrementa debentur.

Quod est igitur vel re, vel rei absentis imitatione pulchrum, (uti aliàs declarabimus) illud nulla sui spe, nullo prævio sui specimine nascitur. Hinc fieri videmus in judicandis artificum operibus, ut vix alio quam novitatis nomine celebrentur: at non est pulchritudo tamen novitatis individua comes.

Naturam pulchritudinis deprehendet qui observârit quo eam fonte ingenium deducat & hauriat, quantum autem

illo neglecto fonte fallatur & aberret.

Viris non mediocriter eruditis visum sæpius est ex rebus diversimodè pulchris enasci ac perfici cogitando speciem pulchritudinis amplioris : & reverâ , è partibus pulchris , ubi connectuntur , coalescere totum perfectius , quotidianâ satis experienciâ comprobatur.

Contingit sanè non raro pulchritudinis hic & illic oblato specimine impelli animum ad similia vel audenda , vel potiunda. Hic sapientiæ scholam , & laboris incitamentum dixeris esse , non verò pulchritudinis artificialis originem , multo minus fontem. Potest quidem e partibus sejunctim pulchris existere totum pulcherrimum : at non ipsâ tamen partium pulchritudine consecutum ingenium est ut sciret totum ponere , & ex prudentiâ connexionis emergentem subito pulchritudinem comminisci.

Non insolens e contrârio est ex partibus etiam pulchris conflari totum turpissimum , institoris officinam , chaos denique horridum ; diversas vero partes , quæ omnino nihil pulchri hæcenus ostenderant , ingenii viribus in optimam subitò formam perducì. Non
ab.

ab ipsâ igitur præexistente pulchritudine pulchritudo artificialis originem trahit, neque per sese pulchra sunt elementa pulchri.

Sed omnipotente Dei nutu ac providentiâ fuit ea homini servata laus, ut ubi erant bruta, stupida, inornata omnia, illuc immitteret humana mens, cum ordine, dignitatem, & conspiceretur in rerum naturâ opus laudabile quod non esset ab ipsâ Dei manu profectum.

Jacent hic & illic ardesiæ, coloris attri, lapidum moles, arenarum cumuli, & disjecta ligna. Sic posita casu corpora hoc vel illo percipiuntur aspectu: fuerint pari, fuerint inæquali gradu mollia vel dura, brevialia vel ampla; non plus propterea placent, non plus opis afferunt. Indigentia suâ suarumque simul virium conscius animus materiæ unius naturam cum alterius comparat: nullius deformitate absterretur: at intelligendo præsentit jam quid sit inde oriturum novi, si singulis partibus forma, quæ decrat; si omnibus ordo adjungitur. Inito sic secum consilio lapides lapidibus, minores nempe grandibus imponit: omnes contignatione superinjectâ retinet: ar-

desiis contignationem tegit. Emolumentum rei priusquam nasceretur, expectaverat ; natum creatumque sibi gratulatur. Effectrice illâ operum solertiâ non minus quam communicatione Domini, Deum scilicet imitamur, qui condidit ea quæ sunt, & inducta suis locis optima esse vidit.

Præstò sunt pariter ad hominis manum lamellæ ex auro, ex ære, ex chalybe, massæ rudes, sine forma omnes, sine venustate, sine fructu. Accesserit ingenium: conflabuntur metalla in pyxidem horariam, rotarum, denticulorum, elaterii, oscillationum, & acûs indicis conspiratione pulchram atque effectum mirabilem.

En tibi ex destinatâ & aptâ inter sese partium non pulchrarum compositione protinus enata pulchritudo, & harmonia rationis testis, ut præco Divinitatis est orbis universus. En tibi ex compositionis hujus quæsitâ cum tuis utilitatibus convenientiâ, profluxit bonitas, ubi prius nihil utilis aut boni.

Est id igitur pulchrum, ut in naturâ, sic in artibus, cujus sunt justo inter se situ coagmentatæ partes, constantissima virtute omnes, directæ unâ in communem finem, neque superiores

à mediis aut ab utrisque ultimæ discrepant. Videbitur meritò turpissimus canis, cuius, cum sit amplum caput & vasta cervix, erunt simul angusti oculi, sanguineæ palpebræ, exile prætereà tergum, gracile femur, & aridum crus. Pari ratione si casæ humili per exiguoque horto frons ampla præmittitur; habes tenuissimæ rei magnifica promissa. Nec tam florentis horri speciem quam agri sylvescentis obtinet qui eodem murorum consepito bonas & magno numero plantas conseverit, non interjectis pro diffusionem ramorum spatiis, non assignato pro singularum virtutibus loco.

Qui hortos parant, soli sui descriptionem ab hujusmodi artifice requirunt sæpius, qui sit rei architectonicæ gnarus, hortensis non item. Columnas ille & marmora passim collocat; auro illita vasa & statuas interserit. Sint ea ornamenta quantivis pretii. Non limpidas tamen & uberes aquas, non viriditatem æquiparant, quibus natura nihil habet ornatius. Quæ autem spatiis natura diffundit amplissimis, hæc viridis atque irriguus hortus commodiori ambitu complectitur. Id tibi pollicetur

hortus : nihil auri , nihil marmorum pollicetur.

Neque turpidinem generat sola rerum discrepantia , qualis erit si quis aret bove & asino ; sed ipsa earum distractio in diversos fines nullo vinculo conjunctos. Fons autem deformitatis uberrimus , si quis ea committat quæ se mutuo destruunt.

Erit in mediâ urbis regione vacuum ædibus & servatum in publicos usus spatium. Cedat illud , quantum est , aut macello instituendo, aut ædificando templo. Rerum vero sibi invicem adversantium foret in eodem solo minimè commoda societas. Sic nunquam in honore fuit ulla vel pictura vel poësis quæ plures simul actiones complecteretur , nullo probabili filo cohærentes : nec faciliè patitur animus , dum festinat ad eventum inceptæ rei , dum in eâ totus est ; alterius impedimento sese retardari. Quid si non discordant modo , sed adversâ fronte secum pugnant ? brevissima tamen rerum valdè dissimilium monstratio , poterit esse diverticuli instar , in viâ minimè molesti. Sic apud Virgilium structores Carthaginis apum similes sunt , apes autem Cyclopum.

Sive igitur ex elementis non pulchris pulchri aliquid extruas, uti e cæmentis vilibus decentem domum; sive adornes quid ex finitis jam partibus ac reapse pulchris, uti ex optimis plantarum generibus hortum; *concordia totius & unitas*, ruum illud opus: ex te nata pulchritudo, tua est. Fontem illum pulchritudinis artificialis, in se qui non repererit, aliena laudet, sua non obtrudat, cum habeat pulchri nihil quod dicere possit suum.

Idem opus non pulchri tantum sed & boni nomine donabitur, quod cum jam sit aptitudine partium suarum, & solertiâ compositionis egregiè in se concors, cum nostris quoque commodis congruit. Assurgetque sic parta bonitas ad gradum eo altiorem, quo pluribus simul facultatum nostrarum satisfiet.

Boni origo;
incrementa,
varii gradus.

Habent ut manuum sic libertatis opera suam pulchritudinem, suam bonitatem. Neque enim studia nostra nostræque voluntates minus quam nostræ manus aut justâ ratione, aut fortuitâ libidine ducuntur.

Gaudet auriculis Cleanthes ac tulipis. Hortum quem toto Maio celebrem gaudebat esse, claudit abeunte vere

cum suis floribus : totos undecim menses latet illic abditus , ut otio suos flores enumeret , eos notis internoscat , pulvillos distribuatur , habeat pulvillis consentientes libros ; linum quoque , arenas , argillam , terras omnes exploret , cribro incernat , misceat hoc vel illó gradu. Consequitur ille suis tantis annuatim sudoribus ut bis terve intra quindécim dies , volentibus liberum sit ad pulvinum accedere , si eorum voluptati neque imber neque frigus obstiterit.

Aliis visum est eum esse in horto colendo benè & pulchrè curiosum qui utilem florum , leguminum , fructuumque successionem toti anno tradiderit.

Aristo id moris est mendicos excipere hospitio , & neminem qui vageatur à suis foribus excludere. Humanitatis illic genus & pulchrum & bonum.

Non sic suam beneficentiam Philoponus instituit , neque unquam committit ut Desidiosorum hominum vecordiam juvet. Si qua verò fuerit egregiè morata & laboris amans familia , sed tenuis ac ruinæ proxima , Philoponus eam periculo eripit , omni dissoluto ære alieno ; & auxilii opportu-

nitare id præstat ut nullius ope prætereà egens ea domus, industriâ suâ seipsa sustentet. Beneficio priori hoc pulchrius longè & melius, cum diuturnum sit & ipsa securitate prædicandum.

His etiam altiora tentavit Eudoxus. Angebat virum in suos cives munificum pars oppidi natalis vitio aquarum putealium affecta, & incolarum valetudini parum utilis. Qui essent præ cæteris pauperes aut non sanabili morbo appeterentur, iis excipiendis nosocomium peculiare, non modico sumtu, magno omnium plausu, constituerat.

Re deinde diligentius expensâ, satius esse duxit si salubres aquas urbi induceret, cives importunitate priorum liberaret. Is divitiarum verus usus: ea vera divitis felicitas! Crevit inde viri fama, nec de laudibus operis ulla conticescet ætas: ægris enim opitulari pulchrum: ægitudinis autem sustulisse causam paternum, verè regium, prope divinum.

Hoc major igitur beneficii laus quo ad plures pervenerit, quo pluribus quoque singulorum sensibus satisfactum fuerit. Pulchra & bona dicitur ea domus quæ cùm alliciat hospites &

viæ commoditate , & decentiâ frontis , & justâ distributione partium ; & liberrimo lucis agrorumque prospectu ; non interim obtundit aures adjacentis macelli clamoribus ; non affligat nares odore cœni & vicinæ paludis halitu. Non porest enim subsistere pulchritudo , nec utilitas cum mali testimonio & periculi sensu. Imminens Damocli gladius felicitatis apparatus subito fœdavit omnem ; parum curante homine quæ splendent , si noceant.

Divelli sic potest à pulchritudine bonitas. Quoniam ex illâ tamen partium directione in communem finem , & justa earum inter se harmoniâ , quâ pulchrum quid constituitur , fluere utilitas quoque nostra solet ; hinc factum ut pulchri bonique nomina satis promiscuè usurparentur , & quod frugiferum non esset , id ne pulchri quidem nomine honestaretur inter cordatos. Unicâ igitur appellatione pulchri , rem utramque in posterum satis indicabimus.

Imitatoria
pulchritudo.

De eâ pulchritudine quæ ingenii perspicuitate & manuum solertiâ non ordinatis antea rebus conciliatur , hactenus dictum. Nunc habenda ratio est humanæ pariter & artificialis pulchri-

tudinis quæ ingeniosâ rerum absentium simulatione generatur, seu quis eas perceperit oculis, seu cum aliquâ specie veri tantummodo excogitaverit. Est autem hic imitationis fructus ut quæ sub aliorum conspectum venire non possunt, quæ in nostra tantum cogitatione forte versantur, eorum nihilominus sensum cum aliis communicemus. In pingendo tum Achille tum Mithridate Racinius historiam famamque secutus est: at Cornelius in summo historiarum silentio de vitâ Æmiliæ & moribus Rodogunes, muliebrem illam atrocitatem quam animo commentus erat, in scenam intulit.

Quis id quod est, aut fuit, vult imitando exprimere, naturam suis ille coloribus pingat. Rei affingat nihil; nihil detrahat.

Qui audet, seu personam, seu rem quasi gestam formare, nullis vel levibus historiæ fretus auxiliis, laudabitur, si neque naturæ vires, neque nostram fidem superet, & sibi ipse constet: ne audacia fingendi ad nugas & metamorphoseon deliria deflectat.

Frustrâ disputando quæreretur an majores quodammodo ingenii imperitas desideret pulchritudo rei; quam

imitationis; an majores, aggeris aut palatii structura, quam vel Adelphorum vel Iliadis. Emicat utrobique ingenium, nec deterioris in imitando conditionis esse videbitur, seu necessaria rei membra fingit, seu ordinat, seu prudenter opponit; ut fiat, ipso situ, rerum sensus magis integer, & quidquid in illis eminet, in imitando pariter emineat. Dum simulat arborem pictor sui casus proximam, non potest ultra punctum temporis evagari. Semper imminet in ictum securis: at semper quiescit. Crederes lapidescere securim, lignatorem, arborem. Ubi autem stant omnia immota suis locis, inducit illuc speciem motus & progressionem, pictoris ars: in rei scilicet ultima spectatorem rapit, ut primi ictus & qui secuti sunt numerari posse videantur: hoc signat & rubicundus ipsa operis diuturnitate rusticus, & sudore madefacta cannabis, & alte defixa trunco incisura, & passim dissilientes assulæ.

Nec, si quando captivum ingenium est, nullam propterea virtutem exercet. Historicos omnes urget severa lex & materiæ nunquam violanda integritas: mos omnibus filo rerum obse-

qui pedetentim : in Liviana historiâ non minor sanè religio : par fides : at longè alia tamen varietas. Occurret illic typographica descriptio ; hic oratio extemporanea ; nunc personarum pictura vel consuetudinum ; nunc rerum disquisitiones & origines ; abs re denique non longa sed tempestitiva digressio. Sic Livius , cum nec sua sensa nec se ullibi locorum commonstret , arbitrato suo ducit animum legentis & quo libitum est impellit.

Sicubi autem materies , quanquam nota , paritur sese aliter & aliter adornari ; hic suas vires ingenium explicet : hic sibi indulgeat.

Achillem inter ac ducem Græcorum Agamemnonem de rebus ad obsidionem Trojanam pertinentibus deliberantes incidisse jurgium , rescivit Homerus ex vulgari apud suos rumore. Hoc tantum. At series fabulæ , at libri viginti quatuor , at versuum millia totidem ; sunt ista ingenii fœtus. Homeri omnia.

Si hic nobis injicienda esset mentio virtutis , rei scilicet omnium rerum pulcherrimæ ; si esset ratione constituenda morum pulchritudo quæ elucet omnis ex ordine & utilitate ; sermo noster facile coincideret in ea quæ sunt prius

dicta, non de merâ imitatione, sed de ipsius rei pulchritudine.

Hic autem omissâ illâ rerum bonitate, cujus argumenti vix aliquis finis esset, in iis tantum versabimur quæ ad imitationem pertinent, & animi solius utilitatem. Etenim corpori res ipsæ ad fruendum debent administrari; mentibus autem offerri nec debent nec possunt res ipsæ, sed rerum sensilia signa & expressæ imitationes, quæ sic ejus intelligentiam afficiunt, ut & præteritis fruatur, & sentiat absentia, & futura præcipiat.

Ex eo duplici artificialis boni fonte, *Artium classes* artium nata distributio est. Aut enim *duæ.* corpori regendo, nutriendo, defendendo aut aliter adjuvando utilem sive *Ministratoriæ.* fabricam sive operam præbent. Cujus generis sunt agricolatio, ars nautica, militaris, ferraria, & aliæ complures, quæ *ministratoriæ artes* dici possunt. Alterius autem diversissimi generis sunt, quæ voce, cantu, gestu, coloribus, aliâ- *Monitoriæ.* ve quâcumque significatione, mentem sic admonent, ut absentis rei sensum faciant. Meritòque artes *imitatoriæ* vel *monitoriæ* nuncupantur.

Naturâ, non opinione nititur hæc artium partitio. Quid enim aliud sermo,

epistola, poema, tabella, vel signum quodlibet absentis rei, quam imitatio aut admonitio. At verò agricultura rei nullius assimulatio est. Nihil monet architectonica, nihil navicularia, venatio quoque, & piscatio, & ferraria, & operosissimæ quæque artes, & morum virtus ipsa nostrarum facultatum præcipua: rem exhibent omnes, non signum rei.

Monitoriæ artes, quoniam manuum famulatu minùs indigent, aut majori otio exercentur, *Liberales* dici solent; ex ministratoriis autem non paucae nunc *Fabriles* nunc *Mechanicæ* dictæ, servilibus propè operibus olim accensebantur. Sed artibus nunc ordinis utriusque redditur suus honor, suus restituitur gradus. Cæperunt propè omnes ac mechanicæ præsertim non esse ingenuis ludibrio, nec principibus etiam viris despectui; quibus eximium voluptatis genus, & exquisiti plerumque famam aut judicii aut ingeni parant.

Utriusque ordinis artium sunt præ- Speculatiuæ
artes.
terea considerationes & præceptiones
quas justo nomine *scientias* dixeris; *artes* non satis legitimo. Si quis enim vel geometriæ vel horologii leges consar-
cinat; erit ejusmodi compluribus utilis

labor. Neuter illorum tamen artifex dicitur nisi admoverit operi manum. Magni verò artificis occupabit nomen qui nova fabricabit aut vulgaria novè molietur & commodiùs. Est artium quippè id proprium ut sint actuosæ omnes, & vel exhibeant re atque opere id quod excogitant, vel quod factum jam fuit, fierive saltem potest, industrio signo imitentur. Modorum verò vitiorumque & regularum contemplationes tum præceptivæ tractationes, per se ipsæ steriles sunt, pulchrique non tam matres quàm custodes, & cum sapientiâ rectrices operum; non tamen effectrices.

Proderit sanè artificibus informandis rerum scientia & regularum. Longè melior futura eorum conditio est si ad scientiam sapientia & pulchritudinis à fucò secernendæ plurimus usus accesserit. Is denique optimus operum sive artifex sive iudex qui studio & opificio partam scientiam promoverit sapientiâ, utramque naturalis ingenii perspicientiâ & alacritate cumulaverit.

Erunt qui querantur, in institutenda nostrâ divisione artium, non fuisse à nobis accuratè discretam earum scili-

cet naturam quæ utilitati nostræ addi-
cuntur, tum eorum quæ unicæ volup-
tati. Eam distributionem consultò non
obliviosè omisimus. Artium quippe
nulla est cui non sit voluptas adjunc-
ta comes, & ex earum historiâ non
minùs quàm nostrâ experienciâ certum
est eum esse verum voluptatis finem
ut aliqua eam sequatur utilitas.

Divinorum nempe operum contem-
plator animus & beneficiorum dispensa-
tor, inventione artium id fecit aut fa-
cere tentavit quod naturæ & socie-
tatis autor ipse præstat. Non instituit il-
le naturam vel societatem, ut volup-
tati indulgeretur; sed omnes volupta-
tis illecebras eò perduxit ut quæ ho-
mini sunt necessaria, de iis homo ad-
moneretur.

Hæ autem res in vitâ videntur mor-
taliū generi præcipuè optabiles, potu
ciboque instaurare vires; tecto recipere
corpusculum; & aëris ferarumque
arcere injurias; conjugio propagare
suam speciem; liberos instruere ad om-
ne societatis officium. Hæc autem &
alia quæcumque sunt factu optima, sen-
sum movent naturalibus incitamentis,
& uti ea certius, at non tamen absque
gubernaculo rationis, fiant, admonet

hominem vel præviam vel comes aliqua delectatio. Non sunt autem eo fine instituta nec fiunt ab homine ut voluptatibus fruatur & abundet. Est in voluptate divinum incitamentum, bonique ulterioris admonitio : in legitimâ verò utilitate noster unicus finis. Sicubi ergò fine agendi posthabito requiritur voluptas, ibi naturæ rationisque subversio est : ibi merum lenocinium vel prostibulum.

Sic est artium evidenter definita natura, minimèque ambiguus usus. Hominis causâ inventæ omnes hominem monent & adjuvant uti promptius obtineat suum finem. Hanc naturæ notissimam appetitionem, hoc salubre iustumque votum neque frustrantur malignè, neque præmovent negligenter : earumque nulla nisi calumniosè creditur voluptati tantùm subservire.

Nullâ justâ igitur est ratione factum ut inter merè utiles architectonica censeretur, musica inter merè voluptarias : cum & commodâ domo non mediocriter oblectemur ; & nos musica saluberrimè doceat. Quæ res manifestâ humanarum facultatum constitutione jam perspicua & evidens, primâ etiam origine artium demonstrari denuò potest.

Sunt qui neglecto historiæ sacræ nimium vulgari fonte artes miris modis inventas opinentur ; primas homini causas casæ sibi met ædificandæ fuisse scilicet ab exemplis hirundinum profectas , cantandi ab lusciniis , vestis contexendæ ab araneâ & bomicibus, artium aliarum ab aliis animalculis. Pluribus commentum placet. Nos anilibus nugis accensemus : quæ autem tradimus in hoc argumento solâ satis freti scripturarum fide ; veterum omnium usu & confessione firmantur.

Constat ab exordio rerum fuisse institutum id moris ut unoquoque recurrente novilunio, tanquam conspicuo signo, ad aram communem, in edito ut plurimum colle congregarentur unius loci incolæ omnes, & positis illic frugibus ac victimis Deo dicerent laudes, agerentque gratias pro acceptis, omne genus, frugibus & bonis ; sanctos virtutibus & patriæ utiles viros posterorum memoriæ commendarent, proponerentque ad exemplum ; quæ denique vel morum castimonia, vel agrestium operum necessitas requireret, ea consulerent in commune, & quæ à nemine omitti oportet, affixo publico signo, denunciarentur. Hic

Monitoriarum
artium origo.

festorum olim hodièque finis. Hæc
noti populis omnibus calendarii origo:
hæc artium.

Monitorias tamen intellige, non mi-
nistratorias, quas alias aliæ subinde
causæ aut adduxerunt aut impeditæ-
runt. Istas, quia non sunt nostri insti-
tuti, omittimus. Monitorias omnes ip-
se religiosorum comitiorum ordo, &
emolumentum societatis ab initio in-
vexit, servavit, & servat.

Origo elo-
quentiæ.

Quæ dici oporteret in publico fa-
miliarum conventu, cautum primitus
est ut cum Cœtûs, Regumque, & Reli-
gionis majestate congruerent. Hinc ali-
qua jam eloquentiæ dignitas, aliqua
cura decentiæ: justa loci & persona-
rum reverentia.

Musica.

Ut Dei & Heroum laudes, ut præ-
cepta virtutum faciliùs infingerentur
animis astantium, traducerenturque
certiùs ad posteros, id cantûs dulcedi-
ne quæsitum est. Si quid esset memo-
rabili eventu celebrari dignum; tum ve-
rò peculiaribus canticis locus. In his
gentium monumentis & præsertim he-
bræorum quæ plurima supersunt, solet
esse dicendi non mediocris calor, af-
fectuum testis, sonorum quid in voci-
bus & splendidæ rerum imagines; cum

soleant illi, si quid historicè scribunt, scribere simpliciter & remissè.

Mox cantûs gratiâ Rythmi additi, *Rythmorum;* hoc est temporum in dicendo canendoque definita utcumque spatia sunt, quæ observata loco, & revocatæ identidem numerorum aliquæ similitudines.

Dimensus etiam est sonorum tenor, *Poeticæ orationis.* & accepit omnis denique versus proprios limites, omnis etiam syllaba suas leges.

Factum inde est ut sanctissimi religionum præsidēs perpetuis hujusmodi versibus uterentur quos & canerent commodiùs alii & memoriâ comprehenderent. Quidquid autem viri optimi adjutricemusicâ docerent, id solebant ænigmatum vel fictionum involucris tegere, ac veri incitare desiderium: ex quo ipsis poetarum nomen accrevit hoc est vel fictorum vel artificum. Eadem causa facit ut & hymni, & Heroum laudes, & morum præcepta, & vetustissimi quique sermones poeticè scripti reperiantur. Ejus generis est illa hierophantæ in veterum mysteriis oratio.

Sic facilè solvitur nodus quem facescit legentibus Homerica lectio. Nihil tam insolens aut à nostro sensu ma-

gis alienum quam ab Agamemnone ab bellum Trojanum proficiscente traditam & commissam vati seu poetæ fuisse pubescentem Clytemnestram, quæ haberet magistrum virtutis ac ducem.

Periodicæ
orationis.

Poetico invento sermone, non neglectus omnis in eloquentiâ numerorum usus. Sed membrorum modo parium, modo inæqualium alternâ, non nimis tamen anxîâ percussione, linguæ sua data quies; sua menti: desinendi varietas multa: sonandi denique perpetua suavitas.

Dimensionem cantûs & numerorum legem gestus quoque secutus est, seu corporis conformatio ejusmodi quæ vel lætitiâ, gratiarumque actionem significaret, vel funeribus congrueret ac temporibus luctuosus.

At ne quid non ordinati admitteretur; ne quid privatâ cujusquam voluntate vel inscientiâ peccaretur in cœru publico, paulatim arte, lege, conceptis verbis, constitutisque tum motibus corporum, tum formulis cantûs omnia geri, & ad ætatem sequentem transmitti: hinc tanta musicæ, poetices, & saltationis antiquitas.

Facto deinde harum rerum divortio contigit id ridiculi ut composito gestu

significaretur nihil, & multis passibus tenderetur in nullum locum.

Mos prætereà in communi veterum post rem sacram convivio exaudiri qui voce ac tibiis Dei & Patrum laudes canerent, Heroumque res gestas non tantùm hymnis & poetico eloquio prosequerentur, sed vulgari oratione recitarent, aut eadem etiam personati agerent, vergente præsertim in finem autumno, partis frugibus, parto otio.

Sic rerum imitatio vertit se in omnes formas, & uti teneret animos, uti neminem pateretur esse rerum necessariorum rudem, ad omnem sese doctrinæ habitum, & audientium caprum accommodavit. Panegyrici generis, Lyrici cantûs, Epopœæ & Dramatis exordia hæc; eadem ænigmatum, symbolicæque scriptionis, eadem cælaturæ; picturæ & aliarum artium, quotquot monitoriæ sunt, origo.

Mentem admonent omnes; aliæ aliter. Cumque instituendi religiosi conventûs non fuerit alter propositus finis quam ut meminissent homines & Dei, & Patrum, & sui; tum ut communium inter ipsos operum publicâ denunciatione, longè ac latè dispersi agricolæ consentirent; hinc ab ipso sinu religio-

nis prognatæ artes sua sunt institutione utiles: non imitantur nisi ut doceant: nec delectare student nisi ut delectando doceant.

Hunc ordinem mutavit idololatria, & artes ipsamque religionem voluptati mancipavit. Pari fraude alligantur qui artes à suo fine abductas voluptati devotent. Simulacris igitur dissipatis idololatria perseverat.

Varias pro hominum libidine corruptelas expertæ imitatoriæ artes, Barbarorum deinde incuriâ & Mahummericæ legis immanitate propè extinctæ, ab unicâ religione Christianâ bonorum rituum custode obrinuerunt ut ne funditis perirent. Fuit ubique gentium in Christiano cœtu aliquis artium omnium usus. Adeò ut paulatim reviviscerent, meliori denique formâ donarentur & florent. Quidquid enim primo hominum generi artes illæ utilitatis attulerant, illud eloquentia, poetice, musica, pictura, dierum festivitates, oblationes, sacrificium, cœna communis, totiusque religionis admonitorius ordo, omnium ætatum Christianis, præstiterunt, hodièque præstant.

Constat igitur æquissimis societatis legibus, & ipsâ liberalium artium tum

naturâ tum historiâ, earum esse nullam quæ in merâ voluptate sistat gradum; sed ita inventas esse ut incitamento voluptatis & suavissimo genere admonendi, hominem perducerent in præstantiorem finem, scituque digna vel factu necessaria edocerent.

Quanquam autem provideri debeat in artibus ejusmodi voluptas quæ hominem doceat non corrumpat, est artificis tamen ipsam creare quam poterit, illæsâ decentiâ, maximam. Metus enim est ne si mediocriter oblectat, aut etiam vitiis offendit animos, ubi fecerat spem veræ amœnitatis; inde languor & tædia suboriantur.

Voluptatis
artificialis
virtus & cau-
sa,

Hinc poetica & musice quæ se legibus adeò severis obligant, & plura reliquis ac dulciora pollicentur, sunt præcœris fastidio conterminæ; ac ne tolerantur quidem, ni fidem exolvant.

Tribus verò ex causis gigni solet illud honestissimum voluptatis genus, quod artium liberalium proprium est, ex ipsius nimirum imitationis veritate, quâ impunè destitui nulla earum potest; ex prudenti præterea rerum quæ proponuntur ad imitandum, delectu, hoc est ab earum provisâ vel in bonam vel in malam partem naturali præcel-

lentiâ; ex appositâ demùm cum nostris, non libidinibus, sed utilitatibus convenientiâ.

Liberalium
artium com-
munis imita-
tio.

1^o. Communis quidem est artium liberalium natura; id quod abest, imitando præferre. In eodem imitationis fundo se exercent omnes: at suo modo singulæ.

Eloquentia rem de quâ sermo est & affectum loquentis oratione imitatur ac gestu. Vide, quæso, quibus coloribus, imminentem Romæ ruinam Tullius retegat & pingat; quo terrore concutiat Patres, Plebem, Mancipia; quo fulmine Catilinam proturbet & expellat.

Historia rem gestam imitatur oratione quæ faciat fidem testimoniis adductis, & suppresso omni præjudicatæ opinionis indicio. Habet historia nonnullam cum lite similitudinem. Relatoris vice fungitur historicus, & quidquid est ambiguum, explicat ac disputat in utramque partem. Penes Lectorem judicium esto. Patriciorum cum plebeiis annuatim revertentia dissidia, in Livii historiis passim. Ubi Patricios inducit ille in scenam pro suâ causâ dicentes; Patriciis faventem Livium credideris, Ubi Plebis agit causam, dixeris

ris Plebeium : tantus est in utrâque exponenda causâ partium ardor, tanta utrimque momenta rationum. Cum perveneris ad historiæ finem, in utrius Ordinis gratiam narrator eximius inclinârit ; hoc tibi penitus ignotum.

Poesis oratione pariter utitur, at ejusmodi oratione quæ sit numerorum & metri legibus astricta, cantûsque proxima: naturam autem absentem imitatur, ac reddit vel qualis illa est, vel qualem esse poeta oprat, & cum verisimilitudine sibi animo fingit odio seu amore dignissimam. Hinc Poetæ seu Creatoris nomen, hinc tantoperè decantata poetarum libertas vel ea quæ non sunt, fingendi, vel ea quæ sunt ordinandi pro suis.

Imitatur musica vel rem, vocis humanæ cantu, vel utcumque cantum vocis humanæ, instrumentorum sono. *Utrumque*, inquam : quia sonum quidem sonus imitantur instrumenta ; non reddunt & sensum. Inanimes tamen ejusmodi sonos musica commodè usurpat ; nunc uti humanæ voci concilietur ipsâ societate aliqua firmitas, & adminiculi securitate major quoque gratia ; nunc uti eò signa necessaria perferantur quò pervenire non potest vocis nostræ

tenuitas ; interdum ut sit aliqua canendi intermissio & venia quiescendi ; at præcipuè ut melodiæ dulcedo , harmonicarum partium nutrimento concentuque augeatur. Sic illæ , cùm varietatem generent , cantus tamen significantis unitatem non destruunt.

Soni autem instrumentalis , nisi cantum verè significantem comitetur aut ingeminet , promptissima solet esse satietas. Eidem incommodo subjacet ipsa humana vox ; ubicumque nec rem nec affectum pingit , & aut volubilitate canendi , aut ambitione doctrinæ non vulgaris , tentat sonos variare prodigialiter ; interim rei sensum nullius facit. Num tu cum reputabis vel oratorem vel poetam , vel musicum qui syllabas pro verbis componat ad numeros ? Non dimensum strepitum , non meros rythmos peto ; sensum cum rythmis & metris peto. Aliquam sanè rerum pro suo jure mens nostra repetit imaginem ; ejusque subtractione otiaur & elanguescit. Artium sic definit virtus ubi definit imitatio.

Inimica sæpè imitationis est Artificum vanitas & ingenii aut eruditionis ostentatio : neque gloriæ suæ tutius unquam consulunt quam si suo in opere imitationem ante omnia commendant ;

si ei latendo subserviunt; si suas vires consulto extenuant. Imitationis enim illecebris capiuntur omnes; Imitatoris doctrinâ & acumine perpauca. Crescit artificum laus & fortuna pro imitandi gradu: & in summâ tum operum tum ingeniorum disparitate conferetur cum Homero Fontanus ipse, cum Cicero-
ne Lullius; quia par in omnibus imitandi felicitas. Nec superat Cornelius imitationis virtute Racinium, sed inventionis. Ex noto Racinius pingit: agnoscunt omnes morum picturæque mirabilem veritatem. Propositum alteri est in iis quæ vulgò subjacent omnium oculis, rarò subsistere, scrutari potius & inquirere si qua sunt rara, splendida, magnifica; non tamen inimica verisimilitudinis; explorare denique quousque possit humana mens aut virtute assurgere aut vitio deprimi. Hoc genus quasi proprium sui, sibi Cornelius asseruit.

Imitantur naturam pictura, cœlatura, & symbolica, non oratione ac sonis, ut priores; sed colorum, & umbræ linearumque ductibus aut panno textili, aut ligno, aut lapidi aut metallo impressis. Quemadmodum autem soni non significantes neque imitatorii

numeros & cantus non generant nisi spurios, à desiderio mentis alienos, & ad fastidia vergentes; sic neque picturam constituunt colores etiam ordinatissimi, ubi non sunt cujusquam rei signum.

Luctum denunciet color ater: albedine ac vitiditate oculi exhilarentur: sit in his aliisque hoc & illo modo remiscendis aliqua industria: nusquam tamen artis nomine donabitur industria ejusmodi: neque pictoris obtinebit nomen, nisi qui colorum finibus & commissuris fefellerit oculos, ut, quæ absunt, imitationis perspicuitate, quasi præsentia, percipiantur. Nemini jam mirum videbitur esse ut musicæ instrumentalis, sic versicolorum cartarum voluptatem brevem. Hic scilicet artium scopus ut aliqua sensuum voluptate mentem pelliciant ac doceant: quod si conquiescunt in sensu, & intelligentiæ nihil tradunt, aberrant à scopo. Sonorum verò, & gestuum, colorumque doctrina, sine imitatione, nulla est. Frustra oculos autemve percutis. Ubicumque mentibus imago nulla observabitur, non modo non docebis quidquam, sed neque placebis diu,

Sic necesse est suo fine carere artem ;
suo simul artificem.

Pro diverso sentiendi organo diversa imitandi ratio est ; unde artium liberalium nata discrimina. Earum principia & species diversas alii alijs temporibus diversimodè illustrârunt ; easdem nemo aut ad naturæ leges aptius , aut ad optimorum artificum mentem accommodatius , quàm autor litterarii curriculi (*a*) nuperrimè retrac-
tavit.

Nos, omissâ singularum artium doctrinâ , huc tendimus , ut litterariæ sapientiæ rudimenta primâ nunquam à veterum linguarum studio divellantur. Sapere autem discet quisquis verum pulchritudinis agnoverit gustaveritque fontem ; & causas illius præsertim voluptatis attigerit , quâ consequi solent præclaræ artes ut placeant ac doceant.

Prima voluptatis hujus causa , fidelitas in imitando ; cujuscumque rei imitatio sit. Non fluit à limbi splendore , non ab ipsius elegantia penicilli , regiae imaginis prima laus : ab imitatione fluit : quæ , si vel unius partis absimilitudine peccat , affert mediocrem voluptatem ;

Imitandi
fidelitas.

(*a*) Chez Sallant , rue S. Jean de Beauvais.

si omnium, affert omnino nullam.

Cùm sit imitationis tanta virtus in artibus monitoriis, quæritur utrum, certa aliquâ lege & ratione fiat laudabilis imitatio.

Non tam sapientiæ opus illud quàm ingenii. Documentis quidem, studio, & usu conciliatur sapientia; non ingenium, non imitatio. A naturæ & societatis operibus oculos nunquam dimovere, sentire quid res unaquæque valeat, quid habeat pulchri, hic sanè sapiendi fons ac principium. Tum si quis pulchri usu & sapore assiduo afficeretur, cum deformitas omnis, ipsâ suâ novitate & oppositione offenderet. Operantis autem ingenii cùm sit sapientia moderatrix, quidquid sapientiæ lucro & rationibus accrescit, eo non mediocriter & ornatur & confirmatur ingenium. Sic erit imitationis veritas plenior, & major gratia, si suum opus ingenium absolvit præferente faciem sapientiâ & omnis decentiæ suggerente sensum.

Fatebimur tamen id quod res est. Pulchri contuitu aut usu nunquam subnascetur ingenium; nec, sicubi deerit, inde proficietur imitatio alicujus pretii. Naturæ imitator non magis in-

formatur, nec plus industriæ comparat, viso Helenæ Roxanæve vultu, quàm rictu Tigridis aut Leænæ.

Haurit animus à seipso & ab innatâ suâ fœcunditate veritatem & vim pulchritudinis ejus quam vel inventione generat, vel exterius imitatione profert.

Id jam liquidò probant opera ministratoria; quorum artifex virtutem gratiamque depromsit omnem à provisâ partium compositione & sperato confidenter effectu. Quod si aliena inventa geminat, aut etiam pro suis obtrudit, inde spes laudis aut modica aut parum legitima.

Sic affulget lux aliqua satis obscuræ quæstioni, cur eorum quæ præclarissimè inventa sunt, latere soleat autor. Nondum satis scitè digesta instrumenta cum caruissent effectu, primitus neglecta sunt. Resumpta deinde aliorum manibus, utilem tandem sunt consecuta formam. Fecit primi operis infortunium ut oblivioni traderetur autor: fecit posteriorum artificum modestia ut ne suum dicerent, quod esset alterius. Ipsæ verò rerum inventiones ingenio inceptæ, ingenio absolvuntur.

Virtutem pariter imitationis obtinet

animus, non sanè ab ipsâ naturali rerum pulchritudine; cum rei non pulchræ possit esse pulcherrima imitatio, & prava pulcherrimæ; sed à seipso denudè, & ab acumine intuitûs omnia perscrutantis, omnia tradentis fideliter & sibi & aliis. Hunc ingenii ardorem Græci enthusiasum dixere, Latini divinum afflatum.

Imitandi veritatem vides, uti aliud omne pulchritudinis artificialis genus, inexpectatam antea, nulli prius notam, venire subitò ad lucem, creari hominis industriâ, ejus esse illud opus, ac propriam laudem.

Inventionis & ingenii cum imitatione quam sit arcta societas, artificum satis exempla suadent. Fuit sanè Romanis non injucundum sui autoris *Æneæ* sibi commemorari ac describi errores. *Virgiliana* tamen imitatio longè aliud salis ac saporis traxit ex *Æneæ* ad *Cartaginem* adventu, & quæsitâ tunc probabili origine illius internecini inter æmulas urbes odii.

Virgilii eadem est in minimis partibus imitandi dexteritas. Defixo in tabellis *Cartaginensibus* *Æneæ* *Troilus* occurrit resupinus è curru: fugientibus equis puer infelix lora tamen tenet,

nec dimittit hastam, versâ cuspide longum iter in pulvere describentem. Sic pictor industrius, actionis momento unico adjungit aliquam diuturnitatem.

In omni poemate, in epopœa præsertim & dramate primas tenet ingenium cujus illic arbitrio & jure omnia dispensantur. Sic metra, quanquam sint saporis & suavissimi, & valdè diversi, pulchritudinem secundi tantum ordinis pariunt.

At imitationis calor & ordinis virtus, quæ partes videntur poetarum propriæ, in oratorio genere & in minimis etiam operibus, servant suum jus; moderatius tamen exercent. Nec ab ipsâ demum historiâ, quanquam hanc eventuum imperiis obsequi necesse sit, exultat ingenium. Vitat quidem historicus omnem suspicionis ansam. Fugit videri: placet tamen legentibus, nunc eruditâ disquisitione; nunc ordine probationum: hic morum picturâ, illic personarum. Nullius unquam qui vixerit affectum vel sensa, suâ opinione metitur. Satis historico si traluceant ipsâ scilicet agendi ratione aut alienis sermonibus. Neque ars minima scribentem tacuisse quæ sentiret & communicasse tamen cum legentibus.

Quot species imitationis, tot pulchritudinis oriuntur species, quarum neutra quod suum est, ad alteram traducit: omnes & singulæ de integro creantur, ac singulari mentis facultate, non studio, non laboris constantiâ proceduntur.

Cui non suppetit ea ingenii ubertas, egestatem suam sapientiæ subsidiis & iudicii solabitur incremento. Sentiet quid habeat omnis imitatio pulchri; quid falsi. Fiet Aristarchus: nec minus Aristarcho gaudebit universa societas quam sese vel Homero jactat illa, vel Bossueto.

Ab istâ sapientiæ laude nullius arceatur labor. Habent sapientiæ studia suam in dies mercedem, uti opticæ observationis diligentia semper ad ulteriora & nova gradatim perducitur. Microscopica tractanti ab initio satis est, si corporis figuram, quanta est, apprehendat uno intuitu. Mox aliâ & aliâ adhibita lente quæ figuram amplificet, singulas pedetentim partes peruestigat & partes partium. Nec prius abscedit quin derivetur in eundem locum alter & alter luminis gradus, omniumque positionum favor. Optici autem est contemplari opera naturæ. Hoc tantum.

At sapientiæ studioſo incumbit labor duplex, naturam noſſe ſcilicet & inquirere deinde ad eam naturam quantum quis imitatione acceſſerit.

2. Voluptatem animi, quam veritas imitationis adeò ſuavem facit, ſuavio-
 rem faciet altera cauſa, rei nempe *Rei delectus*
quæ proponi-
tur ad imitan-
dum,
prudens delectus & natura materiæ quæ ſit non tantum vel bona vel mala, ſed in alterutram partem ſingularis.

Hic enim, ut in miniſtratoriis artibus, ſuæ ſemper tenuitatis conſcius artifex, naturæ ſapienter utitur adju-mento: & quamquam generet omnis imitatio vera veram pulchritudinem, placebit imitator longè aliter, ubi rem ſuâ naturâ vel pulcherrimam vel teter-
 rimam, & eo ipſo ad commovendos animos idoneam; fecerit aptâ imitatione præſentem.

Qui ædificat non ſatis habet ſi atrium, cœnationem, porticum, ſcalas, præcœtones, diætæ, hortosque deſcripſerit eleganter, & aptè conjunxerit. Primus labor conciliare operi ſuo laudem nativâ loci pulchritudine & ſoli delectu. Nudo enim ærentique agro nulla, neque artis neque pecuniæ vis inferet aut ſylvarum ſcenas, aut proſpectum montium, aut fluvii intercurrentis hu-

morem. Tanto autem munere naturæ qui utitur, domum pulcherrimè exco-
gitatam quantâ pulchritudine cumu-
labit?

Equitum Melitensium res benè accu-
ratèque scripsit Vertotius. Quid, quam
rectius consultum nobis esset, si vel
in Romanâ mediæ ætatis historiâ, vel
in magno aliquo, nec noto satis argu-
mento stylus ille versaretur?

Fuit Romano pictori Caravagio lau-
di datum, quod quæ pingeret, qualia
viderat, pingeret. Probrio interim fuit
quod in summa deligendi libertate, spe-
cies hominum quæ fortuitò occurrif-
sent, arriperet breves, macilentas, tur-
pes. Mos contrâ Raphaelis & Pussini
nostri, quæ vel in monumentis vete-
rum, vel in suorum hominum con-
victu laudabiles vultus, patriarchales
formas, & egregiè constituta corpora
conspexisset, ea sibi proponere ad imi-
tandum; quæcumque figuræ degeneris
essent, nisi aliud juberet materiæ neces-
sitas; ab iis abstinere manum.

Eam quidem legem vir summus Ru-
benius observat; ultramodum tamen,
hâc in parte diligens. Naturam non tam
eligit quam inflat, & figuras amplificat
omnes ad Colossi magnitudinem. Quam

curam nôrunt omnes esse uno tantum loco optabilem, nempe cum res è longinquo visæ, hac arte ad naturæ normam, & ad oculorum judicium commune revocantur.

In libero materiæ delectu eam semper amet vir prudens quæ maximè excellit, & insignis naturæ subsidia minimè repudiet. Sic enim & ipse ad benè imitandum magis incitabitur & ex duplici fonte prometur voluptas uberior.

3. Feret omne punctum quisquis cum pulchritudine imitationis & non vulgaris naturæ delectu, rei plurimam pertinentemque ad omnes utilitatem conjunxerit. Ea enim quæ artibus quæritur voluptas, ubi hominem non meliorem facit, in venenum vertitur.

*Materiæ
utilitas.*

Tres illi artificialis pulchritudinis & voluptatis gradus quantoperè debeant connecti, quibus tamen locis divelli nonnunquam possint, aliquot exemplis comprobabimus.

Omittitur interdum summa utilitas. Omittitur interdum excellentia rei; imitationis amœnitas nunquam. Ludovico Magno licuit ex planitie arentissimâ excitare Versalias, & Bolæo eximii poematis in subverso pluteo constitutere materiem. Quod qui committere au-

debit cum necesse est eximiæ imitationis arte reparare tenuitatem rei.

Ex humanâ oratione libertatem imitandi & imaginum usum sustuleris: illud perit poeticæ vis ac decor omnis extinguitur. Iis prope omnibus qui nostrates inter philosophica metricè scripserunt, notum quam res malè cesserit. Si quis qui se oratorem profitetur aut historicum, sit omninò pingendi nescius, ad legenda quæ frigide aridèque scripsit, alliciet neminem. Si legis Tilotsoni libros, audis timidum scholæ candidatum; si Bossueti, audis oratorem, audis episcopum. Confer Livianam historiam cum ætatis mediæ scriptoribus: hic nullam reperturus picturam es aut rei gestæ, aut ejus qui rem gesserit. Facit eadem egestas ut jejuna tristisque rerum metaphysicarum rotiusque grammatices tractatio videatur. Hinc tam modica & plerumque nulla ex præceptivis scientiis capitur voluptas, in limine præsertim. Sumus enim rerum & operum, vel saltem imitationis avidi, non præceptorum.

Novi equidem quantum, ipso exponendæ rei nitore inductus animus, & glifcente utilitatis sensu, in mathematicis disciplinis, pasci amet notitiâ veri, & veri

consecutionibus. Paucorum tamen est ea quæ speculartricibus doctrinis obtinetur voluptas. At nemo hominum propè erit, quem non aliquatenus commoveant liberales artes, vel unico illò imitationis blandimento. Cui, quæso, non arrisit Horatiana illa ode: *O fons Blandusæ*, quanquam in re omnium levissimâ, in re nullius momenti? Placet vel culicis vera effigies, placet araneoli, conchylis, passercoli, ranunculi. Placet pictura sylvarum, rupiumque, & rivuli ex plano per prærupta præcipitis.

Harum imaginum virtus crescit cum nativâ rerum pulchritudine. Non diffidendum tamen in postremâ illa loci sylvestris adumbratione subnasci nonnihil tristitiæ, ipsâ nimirum suspitione alti illic silentii & horrore solitudinis.

Non satis igitur est ea quæ videntur, ut placeant, pingi suis coloribus & esse naturaliter pulchra: dulcia quoque experiri volumus & à rebus nostris non omninò aliena. Subjecerit pictor cadenti rivulo versatilem pistrini rotam, vel ad ostium villæ custodem canem: hic jam humani aliquid: hic industriæ & societatis opportuna recordatio. Plus quoque vitæ ac delectationis ha-

bebit spectaculum, si in ambitu rivi de naviculâ sagem piscator effundat; si dilapsus è reticulo piscis in gramine perisultet.

Novitati suum non deest acumen, non species aliqua nostræ utilitatis. Facile omittitur tabella quæ subjicit oculis vulgare aliquod simii genus. Ad eam curretur quæ vel simium (a) Martinicensem vel simiolos illos imitabitur quorum statura vix pollices septem, aut partem mediam Martinicenis exæquat. Non mediocris ad figuræ novitatem accedet sapor ab ipsâ compositione, seu poeticâ, ut aiunt, artificis inventione. Sic ille simii Martinicensis non tantummodò vultum, sed & victum ac morès effinget, si animal roso fune superbiens hortum irruerit, obviæque ananæ injiciat victtricem manum. In minoribus illis pariter collocandis erit non minus faceta indolis quam oris elegantia. Simius uxori munuscula fragorum; viro uxor filium ostentat recens naturæ miraculum.

Crescet nostra gradatim voluptas ubi oblata res, nova videbitur, ubi erit aliquatenus nostra; ubi erit rei in-

(a) Le maqui.

geniosa imitatio; ubi quanquam sit imitandi difficultas plurima, erit imitatio expedita & vera. Musici enim & poetæ, quoniam sunt illis imposita metri modorumque durissimæ leges, non minimâ voluptate perfundunt animos, ubi, id quod faciunt in tantâ servitute constituti; faciunt eleganter tamen, & ingenii speciem dant sub tormentis præceptionum liberrimi.

Facit etiam nostræ in omnibus utilitatis amor, ut quæ terrorem nobis, si vera essent, incuterent; eorum nobis afferat imitatio non levem delectationem. Sic est jucundissima legentibus Alexandri per attonitas urbes advenientis imago quinque simplicissimis scripturæ vocibus expressa: *Siluit terra in conspectu ejus.*

Hinc lacrymæ rerum suavissimæ in tragicorum spectaculis. Hinc magno in populo propositis ad spectandum tabellis, ubi se obrulerit tigridis iracundæ facies, vel in canes revertentis apri furor; illuc itur, & resistitur diutius, ipso securitatis aspectu.

Nostrorum hominum multitudini sæculisque sese omnibus approbabit, quisquis fuerit in imitando verus, in multâ difficultate liber & fluens, in

pulcherrimi per se argumenti delectu prudens, & in omni opere, utilitatis publicæ reverentissimus.

Sunt sanè optimi rerum pictores Livius, Virgilius, Ovidius, Claudianus. Verum in illa formarum transmutatione & in rapto Proserpinæ quid præter nugas canoras aut etiam nocitura delectamenta reperturus, quæso, es? Laudantur autem Livius ac Virgilius quod res ille scitu dignissimas & politicæ rei valdè utiles, hic virum pietate in suos, & ut legum prudentiâ sic bellica fortitudine insignem, sibi ad pingendum proposuerit, cumque summo ætatum omnium applausu suum sit uterque propositum, singulariter affectus.

Neque Homero vel Sallustio locum inferiorem assignabis quia sit alter Catilinæ furores imitatus, alter Achillis iram planè illaudabilem ac detestatam suis. Furor quidem sui que minimè potens animus, non dicitur bonus in genere morum: si eventuum tamen ratio habetur, aptissima sanè stylo exercendo materies, & omni hominum generi principibusque præsertim viris ad intuendum proponi dignissima; ut ipsâ profluentium inde malorum execratio-

ne omnes ad concordiam invitentur,
omnes iram fugiant bonis quoque for-
midolosam.

In lectione Homericâ solet id mirum
videri & superare omnem fidem, illi-
teratis nempe temporibus extitisse vi-
rum qui, quæ vellet, pingeret optimo
genere imitationis, & cum nemo esset
quem sequeretur ducem, fabulæ tamen
ordinem singulari artificio contexeret.
Iisdem magistris usus Homerus est qui-
bus optimi omnium ætatum artifices,
naturâ, societate, ingenio, studio, sa-
pientiâ.

Jam de Lucretiano illo poemate si stylum ex-
cipis, nulla
dignus laude
Lucretius,
quid oporteat statui non obscurum est.
Laudem profectò non meruit aut veri
sapientis aut etiam veri imitatoris. La-
tinè dixerit: volo: & eâ sæpè latinitate
delector. Hic & illic naturæ diversas
partes penicillo eleganti adumbrârit:
non pugno. Est alia tamen styli pul-
chritudo; alia operis. Fine nempe pro-
posito & operis summâ fateberis infe-
licem; qui admirabilitatem naturæ ab
unicâ ordinis, constantiæ, & pulchri-
tudinis causâ sejunxerit; qui perennita-
tem compaginis & utilitarum, causis
impotentibus ac cæcis ascripserit. Le-
pidissimo sanè scientiæ genere famam

consequitur qui autumat particulas tēmerè concurſantes, in organicam machinam, nullo duce, recto tamen itinere, distribui; certam ſibi omnes coop-
tare ſedem; ex uno earum globo exiſtere cerebrum non cor; ex altero non cerebrum, non tria corda, ſed cor ſimplex proprio ſemper loco; tum priſtini ſui exemplaris formæ aſſimilari omnes ac ſingulas, & naſci ex partu hirundinis hirundinem, ex partu mulieris hominem non equum, non cœpam, non cucurbitam.

Singularis denique abſurditatis eſſer ei viro deferri ſapientis nomen qui ſpem metumque ſocietatis nervos diſſolvere, & his etiam longè meliora virtutum fundamina ſubvertere attentat.

Qui ſit artium legitimus uſus, qui abuſus, hoc ſatis jam liquet ex Ovidianis ineptiis & Lucretianâ vecordiâ. Quæ cauſa igitur facere potuit ut poemata ejuſmodi nec laudari nec legi unquam deſierint? Ea eſt imaginum vis, ea imitatorii ſtyli. Adhæret huicce ſtylo quaſi pediſſequa voluptas, quæ omnes allicit, at rationis tamen imperio ſubefſe debet in omnibus. Quanquam ergo voluptate abutatur quiſquis eam contra

fas & ordinem ratione ac lege præscriptum, usurpat; eo fine à Deo creatam esse constat uti ejus ope & salubribus invitamentis in omnem virtutem, in id omne quod est nostræ conditioni aptum, perduceremur.

Scholasticorum turba omnis ac metaphysici aliquot ætate nostrâ non incélebres hanc pingendi & imitandi artem quasi noxiam respuunt, & in omni nostro sermone nos jubent simplicissimâ rerum designatione contentos uti verbis inornatis ac dominantibus, omni amoto translationum figurarumque motu.

Qui sic philosophantur, næ illi ab hominis naturâ longè aberrant. Nostra enim neque conditio postulat, neque facultas finit nos interiora rerum perspicere rimarique causas. Externam tantummodò faciem rerum sensu percipimus, & comparando definimus quid distent, quid commune habeant, quid commodi vel incommodi nobis afferant. Hinc sermo noster à sensuum documentis, ab imagine rerum corporearum, societatisque utilitatibus vix recedit.

Noverat qui hominem condidit, ^{Imaginem eloquentia & affectum,} quid in homine esset, quâ oporteret

cum arte regi. Hinc in verbis Christi & in illâ præsertim de monte habitâ oratione quæ pingendi vis ! qui delectus rerum ! quanta earundem necessitudo cum affectibus omnium nostrûm ! quàm efficax in simplicissimo genere dicendi, quàm populare magisterium, quo indocti erudiuntur, docti stupent !

» Si oculus dexter scandalizat te ,
» erue eum & projice abs te. Sitis filii
» Patris qui solem suum oriri facit su-
» per bonos & malos , qui pluit super
» justos & injustos. Cum facis eleemo-
» synam , noli tubâ canere ante te. Ubi
» est thesaurus tuus , ibi est & cor
» tuum. Respicite lilia agri : respicite
» volatilia cœli , &c. quid vides festu-
» cam in oculo fratris tui , & ecce tra-
» bem in oculo tuo non vides.

Sic homo est : imagine movetur & affectu. Eadem Sapientia quæ hominem fecit & errantem revocavit in viam , docendi artem , quæ esset optima , illo satis exemplo monstravit. Errant igitur qui ab eloquentiâ usum translationum & figurarum excludunt , quod visum Lockio est. Errant gravius qui utuntur genere dicendi omni affectione destituto. Etenim ubi cum solâ intelligentiâ res est , ubicumque

motus voluntati nostræ nullus inducitur, illicò torpet oratio, concidit eloquentiæ vis, perit artium laus omnis & utilitas.

Non igitur, qui tereti sermone placuerit, aut ediderit versus benè sonoros, faciles, imitatorios; continuò eum nos optimorum numero inferemus: sunt alia his majora. Rei pulchritudo, rei utilitas: quæ si negliguntur mentem denique remordent absentis boni desiderio, & incuriam rerum, conscientiam vanitatis, castigant. Pudor est rationem legendo deformari, aut ad meliora non surgere.

Sæculi posterioris & nostri scriptores eo fine non pauci scripserunt ut rumoribus hominum perferretur quantum in illis esset ad cogitandum indutiæ, quæve styli mundities. Rerum propterea imagines adnectunt imaginibus & sonantia verba sonantibus verbis. Verum imitantur egregiè res nullius pretii. Campanarum illic mihi videor tinnitus percipere graves, medios, acutos, omnes legitimos. Cùm audieris, non injucundè instrepere auribus pergunt. Emoriente demùm sono, superest nihil. Quam sunt verò non fluxæ species eorum omnium quæ vel se-

mel legeris in Bruherio , in Bolæo , in Burdaloæo , Nicolio , Massilione & Bosfueto. Fontani una fabella imò & unica plerumque vox magni operis vices gerit.

Bon jour , Monsieur *du Corbeau*. O combien de *Césars* deviendront *Laridons* !

Quàm debilis & frigida sit imitationis veritas quæ animos nullâ utilitate nullâ boni communis affectione impellit , id magis ac magis exemplo & hallucinatione pictorum elucescet. Eorum plerique hominis externam anatomiam varioſque musculorum conquirunt effectus pro situ ſcilicet & actione corporis. Fugas pariter & intervalla corporum inter ſe , luminis quoque decrementa & projectiones veſtium ex arte ſimulare ſtudent. Benè fanè : & ô utinam veros earum rerum imitatores minimè delideremus ! poſſe autem ipſos animi ſenſus proferre , & ex vulſu , ex poſitione cervicis , ex digiti flexu denudare mentem , cùm ſit illud picturæ miraculum , eximia ea pictorum laus , at rara virtus. Avidi figurarum videntur eloquentiam naturæ nihili feciſſe , & hanc ſuæ artis rantoperè decantatam partem , in quâ ſumus à naturâ eruditi omnes ,

omnes; quam partem vel puer acclamando agnoscit; illi vel non attentant præ desperatione, vel omittunt, regulis ac doctrinæ commodiùs indulgentes. Ex quo id pluribus accidit ut statuis opponerent ex adverso statuas non homines; aut si libuerit addere aliquem pro loco & fortunâ sensum vel motum, pingerent figuras pro iratis rabiosas; pro mansuetis pueriles; pro heroïcis atroces. Sæpè oculi non tam affectione incalescunt quàm prominent ex orbitis. Sæpè simplicem gratiam expellit malè dissimulatus placendi labor, & quibus hominibus par erat affingi aliquid vel in vultu majestatis, vel dignitatis in incessu, eorum figuræ præ superbîâ rigent, & præ rigore lapidescunt. Ita non novit artifex hominum sensa, non societatis mores, non varias tum gentium, tum ætatum, tum fortunarum affectiones & vices: ita totus fuit in musculis & humanâ cute.

Ex affectuum vulgatissimâ omissione & incuriâ fluxit illa historiarum tabellarum egestas & æterna ejusdem argumenti repetitio. Cujus mali fiet aliquis tandem finis, cum earum rerum veri amatores confectâ ex communi

consensu pecuniâ, res Græcorum, Romanorumque, aut nostras delineari curabunt & ære incidi. Sic enim promovebitur historicum genus: in dies quoque provenient artifices & novi & boni.

Illas & alias imitatrices artes professi sæpè sunt quibus erat parva meditando scientia, quibus fortè non defuit ingenium; defuit artificum tamen gubernatrix & operum sapientia; defuit sensus nativæ pulchritudinis, & communium affectuum, qui sicubi deficiunt, requiruntur ab omnibus; ubi adsunt, prætereuntur à nullis. Quod si notissimâ illâ declaratione affectuum caret imitatio, necesse est eam naturæ detrahère aliquid aut addere, semper fluctuantem, semper sui finis incertam, semper egentem florum & ascititii ornamentis.

Unde tanta
imitandi inæ-
qualitas.

Mirum propterea videri solet, cur, cum sit natura omnium temporum, non sit omni ætate pariter vera, & affectuum plena, naturæ imitatio. Apud Romæ veteris & Athenarum artifices adedò sincera in omni genere fuit, ut natura videatur non tam ullis eorum conatibus quæri, quàm ire illis obviam? Si enim tragicum genus excipis, in quo

existimantur nostri præripuisse palmam; nullius operis diuturna fama nunc est cujus forma scilicet à Romanorum gustu & opinione recesserit. Non vulgare sanè Romanorum decus, esse neminem è nostris, quem, si conjunxerit, in imitando, cum simplicitate dignitatem, non continuo Romani moris retinentem dicamus! nec videtur alia Romani operis pulchritudo; alia naturæ!

Jam si dislabimur ad ea tempora quæ sunt imperii subsecuta casum, quam rustica illic & abnormis imitatio! cum esset eadem natura quæ prius, & eadem naturæ venustas, cum essent homines facultatibus iisdem, quibus nunc, præditi; videntur in imitando fuisse alieni à sensibus, ita vix quidquam, quod esset tolerabile, reliquit illa ætatis mediæ diuturnitas.

Ex tanto autem artificum nostrorum numero, quæ sit, ut cum alii naturæ varietatem plurimâ ingeniorum varietate imitentur, sit aliorum imitatio unius formæ. Id propositum propè omnibus est ut militarem quandam urbanitatem speciemque libertatis ac negligentiae sibi elaborent, & arte confingant. Unus omnino eorum stylus, idem morbus.

Morbi causa cum virum æmulari qui cum plausu hoc genere dissimulationis esset usus. Sic æmulantur Pindarum quos naturam sequi oportuit.

Ubicumque cultûs & artis exemplaria defuerint, poterunt illic artium studia consopiri aut emori. At viri illustres ita solent suis exemplis artes incitare; ut eas tamen mancipio & nexu non faciant suas; multò minùs uni nos formæ in servitutem adjudicent.

Græciæ Italiæque monumenta incendio & ruderibus obruta; vel procul ab hominum conspectu delitescentes libros, neque vidit media ætas, neque, sicubi conspicerentur, æmulata est, venandi assiduitate & armorum studiis ferox. Litteras, artes, ac civilia quæque decora neglexit. In pacis otio belli retractare imaginem, fuit ea complurium sæculorum laus & unica industria.

Inventâ tandem typorum metallicorum arte fecit librorum copia ut ne alia jam veterum opera contemtui haberentur, sed curiosè potiùs effoderentur hic & illic ædificia, statuæ, cœlaturæ, & omne monumentorum genus. Invasit illicò plurimos cupiditas imitandi, & ardor mentis ad gloriam,

Quod quâ fortunâ nostri attentarint, statui faciliè potest.

Quisquis imitatur, definiente Horatio, vel suum præstat opus doctè & verè, vel abjectè ac serviliter. Doctus ille imitator qui vitæ & morum respicit exemplar, & veras inde deducit in imitando voces, veras pro vicissitudine naturæ & societatis imagines. Servilis imitator est quisquis artificis captat similitudinem, sibi proponit opus, affectatur manum.

Accingant se operi scriptores duo. Meditetur Adelphos altet, alter Tartuffum. Rem providet uterque, & versat sæpe multis modis. Tum quæcunque aut ex naturæ legibus, aut ex hominum vitâ suppetunt in eandem rem; ea sic partiuntur, sic sedibus justis locant; ut colorum instar, ipsâ se oppositione illustrent & mutuò adjuvent. Quid? si floreat id ætatis vir singularis in scribendo elegantia, cujus orationem & subtilem & liberrimam simul ament omnes, æmulenturque certatim: num propterea velles Molierium Terentiumque relictâ suâ imitandi formâ, persequi alienam industriam, & affingere suis personis illam urbanitatem aut recentissimas argutias. Imitator in-

geniosus nec pueriliter nec intempestivè placere gestiet, Fac pulchra esse quæ laudantur. Quid hoc? si neque sunt apta loco, neque naturali rerum serie procreantur. Veram etiam pulchritudinem spernit & averfatur scriptor prudens, quæ rei præcipuæ imaginem regit aut minuit: nec patitur extare quidquam quod astutiâ & splendore ambiat videri cum primariæ pulchritudinis dispendio. Sic ei subservit potius ut ne vulgaria quidem dedignetur, si elici inde potest ornamentum ingenuitatis, si pictura morum, si affectionis plena vox, si in rem gestus efficax.

Suadet altera causa, nisi & jubet, simplicissimè dicta præponi, splendida posthaberi. Sententiæ scilicet acutæ, non acutorum hominum sensus prætervolant, & sunt odiosæ non paucis cogitandi nempe molestiâ aut hallucinandi opprobrio.

Causa denique potissima vitandæ subtilitatis, quod tali auxilio non promoveatur imitationis opus. Illa nuspiam majori est obnoxia periculo, quam cum facto velut agmine cultores artium, ei viro sese dedunt & astringunt qui magnum in litteris, in picturâ, in musicâ nomen habeat, ejusque certatim

volunt videri & esse similes quam maximè. Non est enim vera imitatio definita unius viri opinione, more, & nomine, sed ad omnem decentiam flexibilis, easdem cum naturâ sine fine subit formas & vices.

Quantum nocuerit ipsi Cornelio pervulgatum illud sui temporis acumen ex Roderici soliloquio satis liquet. Erat autem ambitio hujus ornamenti & reverentia consuetudinis absurdior quam ut vir perspicacissimus in nugis ejusmodi perseveraret. Resipiscere tum maximè visus est cum Raciniana simplicitas Græcorum exemplis exulta cœpit omnium animos eâ tandem opinione imbuere nihil esse in litteris pulchri nisi quod naturam & nostros affectus imitatione redderet.

Jam centum & plures anni numerantur ex quo legi solent, ac ne vix quidem senescunt Malherba, Cornelius, Pascaliusque & quotquot gallicam linguam formæ semper unius rædio & consuetudinis captivitate liberarunt. Ex illâ ætate ad nostram, res eorum fragiles omninò sunt, & caducæ qui arripuerunt similitudinem quandam clarorum virorum; florentissimæ verò eorum qui sunt ingenio suo & naturæ

materiarum obsecuti. Hâc arte laudantur & laudibus in dies crescunt Bolæanna Rheni trajectio, Phædra, Misantropus, Mutationum inter Protestantes historia, Sex dierum opus. Erit autem docta semper & vera imitatio, si pulchritudinem artifex à materiâ depromit omnem, experienciâ duce, gustu iudice.

Qui autem viri etiam illustris vestigiis insistant, eos durius increpans, poetices, eloquentiæ, & sapientiæ literariæ interpretes, *servum pecus* appellavit.

Nimiam hanc ornamentorum admirationem, & quasi pruriginem similitudinis auxit In pluribus nostrum non satis cauta magistrorum institutio & ratio docendi. Utebamur tunc temporis nondum certo iudicio. Mos ætatis legendo percipere, non tam totius virtutem rei, quam partium vel etiam huius & illius particulæ qualemcumque pulchritudinem. Sic infantuli recto stabili que intuitu nihil vident. Si quid occurrerit splendidi, errantes oculos huc vertunt, hic figunt. Fulgore sententiarum cum facile caperemur, modica interitum ordinis cura : decentiæ vix aliquis sensus : quidquid videretur dic-

tum subtiliter, aut elatum ad pompam, id unice admirari, seponere, imitari. Huic periculo subjacent rudimenta veterum linguarum. Eo liberari possunt.

Sit primus eo fine & diuturnus usus sermonis simplicissimi ac præcipue colloquii familiaris. In aliud longè tempus rejice tragicos & oratores. Fabulis tunc historicoque stylo, & comicis cum delectu, locus. Nec tū solitarias inde sententias aut præcepta morum detraxeris, quæ oderit ætas omnium rerum inscia, sed cum eorum utilitatibus conjunctos eventus & elegantissima colloquia, quorum omnium possit puer universam & intuendo capere, & enarrando reddere pulchritudinem. Mirum quam alliciat legentem ea voluptas, exacuatque ad rectè cogitandum. Videt & observat quo vinculo cum priori parte cohæreat pars altera; quo istæc impedimento obvio retardetur; quo eventu nodus absolva-
tur; quæ ex illo denique partium vinculo & incessu species ipsa pulchri profiliat. Cicero, Paterculus, Gellius, Frontinus, Valerius Maximus, historici propè omnes sic narrant singulos eventus, sic virorum illustrium mores pin-

gunt, ut partes ejusmodi emoveantur
facile suis locis, & quasi totidem ta-
bellæ tractentur sejunctim. Summâ pa-
riter cum voluptate hujus ætatis, & si-
ne minimo castimonie incommodo,
dictitari, aut typis edi poterunt Plauti-
na & Terentiana colloquia, seu selec-
tissimæ scenæ, quarum habeat unaquæ-
que suam quamdam actionem, suos mo-
res, & mobilem pro conditione vul-
tum. Hic servum frugi edocet pater
quid fieri velit quo libidinosum filium
servet, & reducat in viam; Vult illic
adolescens de servo sumere supplicium;
cujus se consiliis impeditum ac mise-
rum putat. In scenis aliis nunc rixantur
servi duo; nunc piscator cum merca-
tore litigat; alii aliud agunt. Justa in
his omnibus actio est, & clauditur spa-
tio brevi: neque rerum numero ani-
mus obruitur. Omnes deinde validius
oblectabit ac melius morabitur even-
tuum series jam amplior, sive acta re-
feratur, sive agatur in scenis Mentem
ab exordio arrigit oblata spes; affligit
objectum periculum; nodi solutio ex-
hilarat.

Ubi venietur ad altiora, tunc verò
quâ regulâ utimur in judicando vel
oratoris, vel poetæ, vel pictoris uni-

verso aliquo opere, eadem nos ducet regula nec fallet in minimis excutendis partibus. Neque ullibi locorum est alia judici operum sapiendi proposita lex, alia auctori. Placebit opus, placebit operis pars, ubicumque Artifex

1. Ea verè imitatur
2. Quæ sint pulchra per se,
3. Quæ præsertim utilia.

Pharsaliam (exemplo illa sit) legere qui volet, eum necesse est legere per partes, ac de partibus ferre judicium. Occurrent statim perstringentque legentis oculos ingeniosissimæ sententiæ, toto passim opere cum plurimo apparatu distributæ. Ex duabus disce omnes.

In ipso limine Romanis gratulatur Lucanus quod per damna, per cædes Julium Dictatorem sint nacti, quoniam nullâ aliâ ratione ac viâ obtineri potuit Neroniani temporis felicitas.

..... Scelera ipsa, nefasque
Hâc mercede placent.

Neroni deinde autor est ut cum, relictâ terræ statione, cæli exercebit imperium, velit in neutro polorum, sed in æquatore cooptare sibi sedem. Eique vir prudens causam justæ monitionis affert.

*Aetheris immensi partem si prefferis
unam,*

Sentiet axis onus.

Periturum sic mundi æquilibrium est: vide verò utilitati publicæ quam loco ac tempore Poeta consuluerit. Sunt enim verò hæc & alia mille stultè dicta non pulchrè. Neque hic est imitatus adulator quidquam quod esset in rerum naturâ, non quidquam quod fieri posset aut optari; sed species vanissimas & somnia cerebri malè habentis.

Jam si de operis totius ordinè judicium est, primum crimen quod ille historiam oratione metricâ exposuerit, non sumserit poematis justî materiem, quam posset pro ingenii arbitrio & epopææ ritu contexere. Habebat in se pharsalia dignitatis plurimum nec minus utilitatis. Eam verò Lucanus exigit ad historicam rerum ac temporum fidem: non ausus est Epicorū more quidquam comminisci ex verisimilitudine, aut addere nativæ pulchritudini, poeticæ novitatis admirationem.

Huc accedit quòd historicum se non poetam professus, historiæ leges neglexit & modum. Quidquid eunti fuerit

A
obvian
retur
sua sen
sublim
sensit
sint, l
histor
miret
ba fac
trahan
& id
eum
non
omn
dign
arte
que
car.
S
tes,
tun
tem
ad
sim
lest
ner
ma
ad
rie
ce

obviam, comperit homo quod admireretur & raptus extrà se, non continet sua sensa, nec nisi inaudita ructatur & sublimia. Rem Lucane, non te, non sensiculos tuos proferres, quos, qui sint, hic non quæro. Oratoris est, non historici, proferre quæ amet, quæ admireretur, quæ oderit; nec alio fine verba facit orator quam ut astantes protrahat in opinionem suam. Quamquam & id fieri cautè necesse sit. Volumus eum scilicet esse recti defensorum, non ostentatorem sui. Trajanum amant omnes & laudibus efferunt: at odio dignus Trajani laudator qui velit in eâ arte ostendere quam sit callidus, neque huic suæ vanitati velamen obducatur.

Sive autem quis historici sustinet partes, sive sustinet poetæ, uti erit importunum si legentis animum obsequentem rerum filo, festinantemque semper ad eventum, aliud avocet parum verisimili episodio; num creabit minus molestiæ si te videatur omni loco admonere hic esse aliquem qui scribat, quem materie omisâ, identidem oporteat admirari? Sic sentimus in omni materie prodeuntem cum suis plebeiis facetiis Plautum, cum politicis mysteriis

Tacitum. Hic sanè cùm esset vir consilii non mediocris & reconditæ doctrinæ, quâ tamen fide, quâ specie veri, tantum prudentiæ & huic, & illi, & omnibus ascribit? Erat, quæso, rimatus ille hominum voluntates? An quo quasi typo acceperat formam Taciti mens, eodem principum omnium mentes acceperant & suam?

Hâc jactantiâ, hoc improbo amore sui non laborat Homerus aut Virgilius: eo morbo non inficitur Terentii stylus, aut Molierii. Nec, si legis Livii Annales, aut nostratis Flori (a) mentem subit ulla recordatio scribentis: ita te res ipsæ morantur ac tenent.

Sunt quibus parum arrideant Livianorum Imperatorum extemporaneæ orationes, & videatur artem sapere labore ejusmodi, non libertatem militarem. Defensione nostrâ non eget vir maximus: neque dubium esse potest eum, si peccavit, peccasse ex industriâ, ut facilè obrepens longo in opere somnus, arte aliquâ & novitate, depelleretur.

Ab sincera naturæ imitatione, ab communis rationis sensu, & affectuum sua-

(a) Claude Fleury.

vissimâ commotione nunquam discessum longius est quàm cum artifices id sibi negotii crediderunt imprimis dari ut in suo scribendi genere plurima significatio esset eruditionis, industriæ, & acuminis. Est autem illic non natura, non vultus ipse, sed humanæ cuti superinducta crusta & alienus fucus.

Depravat præsertim ea præpostera sui ostentatio, eloquentiam, poesim, & musicam: siquidem est optimi artificis eadem conditio quæ Architrictlini: bona benè administret uterque: commune hoc utriusque opus. Neuter tamen audeat inter ministrandum injicere mentionem sui.

Nimius ille ornamentorum usus non tam ex ipso vanitatis fonte, aut gloriolæ cupidine proficisci sæpè solet, quam ex assiduâ in teneris poetarum lectione & imitatione. Quæ imitatio non potuit non obesse sermonis usitati gustum formamque nondum adepto. Hinc pro uno oratore historicoque probabili centum numeramus poetas aut carminum fabricatores. Frequenti autem poeticæ orationis, ante tempus, usu, gliscit in scribendo cura ornamentis & assidua consuetudo figurarum. Qui mos, complurium latinatatem corrumpit.

Depravat
pulchritudinis
causæ præci-
piat.

pere solet, ita evadit illa, si metri-
tationem excipis, poetica, turgens, ac
propè gigantæa.

Manavit ad linguam quoque no-
stram ea contagio. Nostratibus quidem
jamdudum displicet ille declamatorius
tumor: toleratur autem nimis patien-
ter epigrammatica subtilitas: & toties
exagitatæ argutiæ sic reviviscunt, sic se
insinuunt in omne dicendi genus, ut
exercituum dux & custos ovium epi-
grammatica pariter effutiant.

Sunt & alia quæ naturalem cogitan-
di simplicitatem ad minimè necessarios
conatus detorqueant. Multis contigit,
ut, dum volunt studia juventutis pro-
movere pro viribus, multa bono ani-
mo, multa etiam verè docerent, scri-
berentque de arte ingeniosè cogitandi;
aut inter legendum, ad ea quæ præcel-
lere viderentur, animum juberent ad-
verti, & continuò digitum quoque
aut etiam imitandi signum & invita-
mentum.

Licuit sanè, imò & oportuit senten-
tiarum varia genera definiri: tum sicut
bi legentibus occurreret sententia ali-
qua sublimis, aut ingenua, aut subti-
lis, aut elegans, aut affectionis plena;
statui commodè poterat utrum propo-

In sententia-
rum collectio-
ne quid peri-
culi.

sito, personis, loco, adjunctis denique omnibus unaquæque aptè conduceret. At videtur fieri parum prudenter, si in his præ admiratione magister obstupescit, si præ gaudio inclamat: *pulchrè, benè, rectè*; si eadem jubet colligi seorsum; si proponit ad imitandum præ cæteris. Ex quo id efficitur mali, ut reliquis orationis partibus & sententiis quamquam cum materiâ perbellè consentientibus, inuratur nota quædam & opinio mediocritatis. Subnascitur paulatim illa libido assurgendi ad splendida & sublimia. Res esse videtur vix alicujus pretii, scribentem naturali pulchritudine placuisse, nisi negotio & arte capter astuti nomen, nisi scateat astutiis & ingenio disfluat.

A vero autem sapiendi tramite facile exerrabit quisquis in veteribus evolvendis aucupabitur ea unicè quæ fuerint singulariter, splendidèque dicta. Sint enimverò illæ sententiæ conspicuæ præ cæteris. Viciniam toto quasi capite superent. Ridiculus tamen omnino est qui eas velit imitatione facere suas. Neque enim ex pulchris epifodiis benè poeticèque scriptis, epœa bona enascitur; neque ex pluribus sententiis, quanquam speciosis,

quanquam catervatim congestis enascitur vera eloquentiæ, poetices, aut historiæ pulchritudo.

Tentet celebrium ædificiorum admirator architectonicus, chorum Belvacensem, Ambianensem pronaum, templi quoque Remensis propylæum externumque ambitum compingere, singula imitando, in unum ædificii corpus: præstabit opus multorum iudicio absolutum, rei veritate absurdissimum; cum earum partium inter se nulla sit aptitudo, nulla iusta societas. Jam minora his etiam partibus ornamenta, altare, lampades, aulæa, suggestus, & si qua sunt illuc aliunde, optimi cujusque exemplaris imitatione traducta, quid quæso ad constituendam ædificii unitatem & laudem allatura sunt auxilii? In eloquentiâ pariter, in poetice, & musicâ, non cohererent partes dissimiles, hinc & inde conquisitæ: neque ponitur inde totum simplex & unius formæ. Sed in omni materiâ sive ad totum respicitur, sive ad minutissimas partes, ex naturali rerum consecutione, & affectuum decentiâ exurgit subita pulchritudo, nullibi locorum conspecta prius, nusquam aliò transferenda. Jucundè affe-

cerit hæc & illa sententia mentem tuam : judicii exercuerit acumen : collata cum aliis eminere videatur, & ipsas deprimere : functa ministerio suo est. Idem autem instrumentum alteri machinæ frustra coaptare voles. Neque aliorum commissuras facile patietur, neque motum aut recipiet aut præstabit.

Capi facile solent juveniles animi nunc utilitate nunc brevitate moralium præceptionum, quas undique propterea detrahunt & in dies consarcinant : paulatimque vel inopinantes amant, & assuescunt singularia quæque generalibus Catonicisque dictis enunciare : quod sententiosum genus, si quis eo frequenter utitur, tantum abest ut placeat; quin & illustribus nonnunquam ingeniis lectorem minus propitium fecerit, ipsâ similitudinis & contentionis importunitate. Istud incommodi creat Seneca legentibus; creant quotquot nostratum, Senecæ more modoque generalia semper usurpant, etiamsi orationis numeros, & aurium voluptatem Senecæ more non neglexerint. Habet eorum dicendi genus recitandam, dignitatem, & ubertatem.

*Moralium
generalium-
que sententia-
rum sit par-
eus usus.*

Sed molestus illic apparatus : sui que semper simillimæ gravitatis constantia molestior.

Est sanè illorum oratio suavis, nec videtur ullatenus operosum ipsis esse suum stylum vertere pro arbitrio in alias formas, ut etiam rapiant nos in admirationem sui, si quando rerum summis generibus omissis, omissâ metaphysicâ austeritate, in eloquentiâ imaginum populariter consistunt. Data est eorum industriæ laudum justa merces. Admonitos illos interim oportuit nullius omnino scriptoris esse opera satietati propiora & fastidio, quam quibus inest ingenii quædam profusio, & ubique locorum ingeniosa sententia ingeniosam sententiam premit. Naturæ simplicior modus & minimè operosa progressio est.

Aliud rerum
imitatio, aliud
styli.

Quod si merito exploditur ambitiosa omnis & anxia placendi cupiditas; si præsertim videtur esse servilis ac misera omnis imitatio alieni operis; alienæ consuetudinis, quo jure potuimus antea opinari aut statuere, tutissimum adhiberi posse styli exemplar, in colloquio familiari Terentium videlicet; in rebus aut forensibus aut philosophicis Ciceronem; in historicis Li-

vium? Quid enim? stylum eorum poterimus æmulari, quin & cogitandi atque etiam imitandi modum?

Ornat sanè nec mediocriter juvat sermonis forma imitationis formam. Aliud tamen stylus; aliud imitatio: & poterit quis optimum stylum adipisci, qui sit scriptor frigidus aut minimè verus imitator. Non equidem desipit qui stylum vel latinè vel gallicè laudabilem parat. Ad eam autem rem neque opus ingenio neque tantâ pingendi solertiâ, sed recto sensu, & rectè scribentium plurimo usu. Sunt omninò Ciceronianæ Pauli Manutii epistolæ. Seposueris eam tantisper latinitatem: in homine quod laudes, jam superest nihil. Patruvio & coætaneis aliquot, laudi datum quod gallicum sermonem tractarent nec impurè nec ineleganter. At ingenii vis nulla: nulla rerum utilitas.

Styli pulchritudo, & uniuscujusque linguæ propria venustas res est originis propemodum fortuitæ: neque viribus invenitur ingenii, neque ab ipso communi hominum sensu profiscitur. Sensum illum facilè percipiunt omnes; linguæ lepores & formam non item. Fluxit ille sermonis decor ab in-

fitâ gentis indole, ab amœnitate cœli, & civium conditione, urbanitate, libidine. Qui stylus cum sit ipso usu mundus & elegans, in multis etiam incogitantibus; eo sanè non carebunt qui usum plurimum studio & arte confirmant. Athenarum veterisque Romæ sermo, linguæ Italorum pariter & Gallorum, cum sono ipso placerent, & omni copia locutionum per se abundarent; hoc primum sortis beneficium altero sortis munere & favore cumularunt, ut in omni genere dicendi à viris non vulgari ingenio florentibus exercerentur. Quisquis igitur ad linguæ proprietatem volet accedere, scriptorum hujusmodi sermonem observabit & usu assequetur eorum sanè præ cæteris, qui eodem genere scribendi, quod sequitur ipse, claruerint.

Fortuitam illam linguarum pulchritudinem, quam à seipsâ ratio humana non progenerat, eadem ratio suadet uti repetamus ab iis quorum arte plurimum incrementi & roboris assecuta est. Ex quo efficitur ut qui linguam nondum callet, & propriâ suâ scriptatione sibi cudit; eam aut loquatur imperitissimè, aut ne intelligat quidem.

Ubi autem res agetur non sermo; ubi pingenda erit, & imitando adducenda ob oculos; ab optimis tum scriptoribus omninò nihil deduces in tuum usum, non scribendi materiem, non imitandi formam, non sententiarum similitudinem. Naturam sequere; intueri materiem. Ingenio universam introspecte: sic tuam fac, ut ingenii fortis esse videatur.

Sermonis proprietas & pulchritudo styli, restringitur intra linguæ limites. At imitationis pulchritudo ad omnium gentium linguas interpretatione traducitur. Terentius, Daceriâ interprete, suæ latinitatis laude excidit, non suæ imitationis ingenuitate. *Terentii* autem *Christiani* scriptor, quamquam suas periodos Terentianis adedò assimilarit, ut videatur ad eam latinitatem utcumque pertingere; at neque ingenuitatem, neque lepores assequitur, imitandi solertiâ destitutus. Quî enim Terentianam ille varietatem scaperet & artem, in pingendis hominum moribus, ætatum studiis, & conditionum vicibus; qui esset earum rerum maximè rudis?

Videndum igitur. labore nostro quid detur consequi & quid non detur, Nullus hominum suo labore ingenium,

quo careret, obtinuit: nullus arte pro-
cudet illum propè divinum ardorem
cogitandi, & cogitata fideliter adum-
brandi; nullus ordinis virtutem, & so-
lertem partium situm; nullus aptissimas
loco ac tempori sententias, quibus
quasi suis coloribus singula rei membra
exhibentur. Quæ omnia si in temetip-
so non repereris, aliàs frustra requi-
res.

Nec, si quid cui benè cesserit, & cele-
britatem conciliaverit, idcirco te hominis
discipulum profiteberis aut pedissequum.
Gaudeant suâ famâ scholæ omnes. Magni
nominis artificibus suis servetur honor:
at in imitandi genere omni, ut in pi-
cturâ, nos decet esse naturæ ac verita-
tis discipulos, non Gallicæ consuetudi-
nis assèclas, non Belgicæ, vel Longo-
bardæ.

Licuit semperque licebit in litteris
suum unicuique labore & studio ador-
nari stylum, sermonem omni, quan-
tum fieri potest, corruptelâ purgari,
& ad materiæ hujus aut illius for-
mam accommodari. Nullius labori
non conceditur justam rerum scien-
tiam adipisci operum comparatione
& concertationibus artificum.
Laboris denique præcipua merces
nosse

nosse veterum temporum historias & nostri; nosse mores hominum, nosse omnem virtutis, & vitæ honestatem. Non fluet tamen è stylo, aut eruditione, non fluet ex ipso sapientiæ fonte vera imitatio. Et quò magis erit sapientia tua cum rectâ ratione ac naturâ consentiens, eò minùs videri voles cuiusquam styli affectator, & uiuis formæ.

Huic placet acuta, illi grandiloqua oratio. Capiuntur alii floribus atque ornatu. Gaudet alter stylo iuuenili & expedito; alter gravi & sententioso. Styli formas, quotquot sunt probabiles, lauda: prosequere nullam. Quisquis ponit in alieni operis aut styli simulatione spem nominis, abest à verâ pulchritudine artium longissimè: evagatur ille extrâ imitationis terminos, & gloriolam quam captat, amittit eo ipso quod à materiâ suâ diversum quid objicit oculis, & insipienter ostentat. Enascitur illâ scilicet ambitione falsa pulchritudo. Nec tam latè splendet factus affabrè stylus, nisi quod arte plurimâ sese minioque sustentat.

At enim scribendi formam, si quam probaverit usus & consuetudinis lex, fas nemini sic perstringere & elevare verbis. Nec satis consulere videtur aut

publicæ voluptati aut artium saluti qui non omni laude dignum existimet hodiernum stylum, minimè verbum, solutum vinculis, agilem, præcipitem. Non alio uti jampropè omnibus mos, & maximas plerumque res voculis tribus aut quatuor secant.

Ego neque illam speciem sermonis, neque aliam sperno cujus admittit usum natura & justa imitatio. Quid est autem à naturâ & rectâ imitatione magis abhorrens quam ut, fortè tolerabilis in familiari libertate, dicendi levitas usurpetur ex arte in severis etiam argumentis, nec refugiat judicium confessus, nec ab ipso sacro suggestu exulet. Sic scriptores benè multos idem stylus, ut mulieres propè innumeras fucus idem confimiles facit.

Artium sapientia seu naturalis ille omnium sensus, quem Romani gustûs nomine sæpè ab hodierno secernimus, eo agnoscitur, quod soli naturæ obtemperet, ejus vultum intueatur unicè & incessum imitetur. Quot sunt igitur naturæ conversiones & status animorum, totidem sermonis, totidem styli Romani, & naturalis eloquentiæ vices. Summa sanè pulchritudo styli hujus; ubi nempè servitus, omninò

nulla, sed plurima pro re ac loco varietas.

Pastoralia cecinerunt Segresius & nobilissima Ligeria (a) benè ac Romanè. Mores hominum pingunt Bruherius & Adisso graphice & Romanè. Christiana scribunt Bossuetus & Burdalovæus magnificè & Romanè. Unâ illi veritate imaginum similes, mirum quam pro variâ materiarum facie in formas varias abeant, & in eodem sæpè genere quantus omnium sit, at inter ipsos tamen dissimillimus lepos. Ea est naturæ fœcunditas; & quamquam sit imitari naturam suprema & una omnium lex, uti naturæ multiplex est in omni materie vultus; sic non potest exhaustiri veræ imitationis varietas.

Quæcumque sit igitur styli recentioris laus & fortuna, eo ipso peccat quod sit unus, & hac perpetuâ similitudine locupletissimam naturæ atque imitationis diversitatem absumat.

Nolim tamen eum styllum suâ justâ laude defraudare. At quam multi eo abutuntur, id unum edisserere animus est.

Meridionales Galliæ populi, Vascones præ cæteris, ingenio solent esse alacri & igneo. Sermo iis fractus, &

Styli recentioris origo.

(a) Antoinette du Ligier des Houlières.

pro animorum impetu in plures celeriter partes exiliens. Montanii famam non maculat illa suæ gentis indoles, confidentia sola temeritasque judicandi maculavit. Mos illic ordinem rerum facile abrumpere, ad alia evolare, & ubi se spes aliqua facetiarum obtulit, illuc divertere, vix ullum facere jocandi ludendique finem. Jamdudum est ex quo placere cepit in colloquiis nostris alacritas illa & sermo vinculorum expers. Nunc libros ipsos & omnia dicendi genera invasit idem stylus, & si sonandi rationem excipis, jam Vasconicè dicturi sumus omnes, non Gallicè.

Qui nostrates inter benè nati suum sermonem materiis omnibus, egregiè, cum libuerit, accommodant, possuntque sectari pro loco ac tempore, nunc jocos, nunc gravitatem, hic nervos, illic lævia, indulgere etiam affectibus, aut assurgere ad grandia, consuetudinis abripi solent impetu propè omnes: levitati student, quasi sit orationis unica laus videri agilem, levem, præpetem: & quæ ingenii sapientiæque aliquo ductu ex ordine materiæ ac pro rerum modo scripserant; deinde dissecant frustulatim, & ex Gallicis Vasconica faciunt. Quòd si secus fiat,

haud longè abfuturum à se infortunium putant. Habebuntur tardi & hebetes. Volent frustra miscere se acutorum hominum formoso gregi.

Hem ! Serva. Viden qui spiritus eos abripiat. Ardent : erumpunt : scintillant. Quæ dici necesse est , ea reteguntur mediâ sui parte. Reliqua pars latet. Succedit ænigma ænigmati , & non modicæ brevitati major brevitatis. Ingens facundia syllabis aliquot efferre sua sensa , non periodis. Qui alios hoc genere dicendi provocat , & qui cum provocante concreditur , confestimque volatica volaticis opponit ; videntur esse quantivis pretii : emicant aquilarum instar & pari feruntur volatu. Viam cælo affectant. Ho ! si sic liceat ire , si saltem subsequi è longinquo ! nec mora : grex imitatorum sedere , scribere , transvertere calamum , recidere orationis nexus omnes , & imitari otio dissolutissimam illam dicendi celeritatem.

Ecce autem miracula & ipsi pandunt. Non fenserant hactenùs eo genere quid possent , aut in eo quantum esset opis ad gloriam. Quod fuerat ingeniosè dictum de recentiori philosophiâ & meliori tandem rationis usu , id confidenter de suo stylo usurpare

amant. Se & sua laudantes audire operæ pretium est.

» Voilà le ton du siècle : il faut le
» prendre, ou n'être plus de ce monde.
» Trouve-t-on quelqu'un qui plaise
» de encore pour le plein-chant de
» Lully ? Seroit-on bien venu à faire
» revivre la Prose lyrique de Quinault ?
» Nous louons nos devanciers d'avoir
» tendu au parfait : mais nous y sommes.
» Qu'on ne nous rebatte plus
» les oreilles de la justesse & de l'harmonie
» de Boileau. Nous sommes las
» d'entendre prôner la douceur & les
» graces de Racine, la naïveté de la
» Fontaine, l'aménité de Fénelon, l'éloquence
» nerveuse de celui-ci, l'enchaînement
» des idées de cet autre.
» Que font-ils vis-à-vis de nous ? du
» plomb contre de l'or. Ils nous mordent.
» On s'appesantit à les lire.
» C'est fait. Nous avons rompu.

» Est-ce à tort ? ces bonnes gens du
» siècle passé étoient trop prolixes. Ils
» disent trop tout ce qu'ils veulent dire.
» Il y a plus. Avoient-ils bien réellement
» de l'esprit ? On n'en sçait rien.
» Ils ont peur d'en montrer, ou ne nous
» en supposent guère.

» Leur style étoit si lourd, leur tour

„ d'esprit si bourgeois. Nous sommes
 „ dans une toute autre position. Ils
 „ commençoient toujours par regarder
 „ en bas : ils ambitionnoient d'être en-
 „ tendus de la multitude. Nous autres
 „ nous avons l'œil à ce qu'on pense au-
 „ dessus de nous. Platon nous entend
 „ & nous goûte : peu nous importent
 „ les jugemens du reste de la terre. On
 „ ne parloit ci-devant que d'étudier le
 „ goût le plus général. C'étoit pure
 „ bassesse. Hé ! que nous fait à nous la
 „ multitude ? Les génies supérieurs sont
 „ faits pour s'affranchir. Il faut aller
 „ en tout au délicat, à la fleur de l'es-
 „ prit. On se sent : on a des ailes, &
 „ on vole.

„ Vous vous plaignez. Vous ne pou-
 „ vez nous suivre. Tant pis. Rampez
 „ donc. Votre goût Romain ne bat
 „ plus que d'une aîle. Il tombe : c'est
 „ une chose décidée. Le nôtre est l'u-
 „ nique bon. »

De tot minutulis membris & propè
 pulverulentâ eloquentiâ judicet lector,
 & statuat utrùm nos justa ulla necessi-
 tas detrudat ad ea quæ neque naturæ,
 neque nostri ingenii erant. Eum mo-
 rem, vel sequantur qui ab incunte æta-
 te sic insueverunt, aut deliberatione

habitâ, prudenter exuant. Tristissimi verò in litteris augurii est scriptores hodiernos quod natura non dederat, id studere ut habeant industriâ, plausu excipi nugas, ac vanitate consuetudinis optimorum operum pessumdari vera discrimina, & facultates emori. Tanti vulneris remedium est, si, quod minùs ac minùs in dies fieri solet, erunt linguæ veteres in honore, ac deliciis; si, ut in picturâ, sic in litteris ab antiquorum operum admirabili pulchritudine, oculi non dimoventur. Selectissima illic natura, libera nempe nævis omnibus, & summo artificio imitationis expressa.

Nec propterea quæ nostra sunt, deprimere animus. Imò verò si quid vel in tenui pulchrum, id minimè dedignamur, & libenter laudamus positum suo loco. Sunt rerum theatralium non inelegantes tabellæ. Sunt & crepundia nec sine pretio, nec sine arte. Quid tum? sapere tibi videntur qui pantaloniana depereunt, & splendore crepundiorum stupent.

Spes est plurima litteratos non minùs quàm pictores id Romæ veteris usu, exemplis, & familiaritate semper adepturos ut pulchra dignoscant, ut
magnî

ARTIFICIUM, *Lib. II.* 273
magni faciant quæ solida, & omnium
temporum sunt; at quidquid est extrâ
naturam, quidquid extrâ fidem imi-
tationis, illud à se repudient.

FINIS.

FAUTES A CORRIGER.

P Age 34. *derniere ligne*, Gascogne, lisez, Gascones.
Page 121. *lig. 2.* movetur: opus ipsa, lisez, movetur
opus: ipsa.

Page 126. *avant-dern. lig. de la Note Grecque*: lisez,
ἐπακολουθεῖν.

Page 128. *lig. 21. vi 2*, lisez, visa.

Page 134. *lig. 11.* redemeris, lisez, redemerit.


Page 188. *lig. 18.* nulla disciplina, recto, lisez,
nulla disciplina. Recto.

Page 231. *lig. 8.* Blanduseæ, lisez, Blandusiz.

Page 234. *lig. 13.* legum, lisez, rerum.

Page 245. *dern. lig.* argutias. Lisez, argutias?

N



A P P R O B A T I O N.

J'Ai lû par Ordre de Monseigneur le Chancelier un Manuscrit intitulé, *La Mécanique des Langues, en Latin & en François*, je n'y ai rien trouvé qui m'ait paru devoir en empêcher l'Impression. A Paris ce 20 Octobre 1750.

VATRY.

P R I V I L E G E D U R O Y.

L O U I S, par la grace de Dieu, Roi de France & de Navarre: A nos amés & feaux Conseillers les Gens tenans nos Cours de Parlement, Maîtres des Requêtes ordinaires de notre Hôtel, Grand Conseil, Prevôt de Paris, Baillifs, Sénéchaux, leurs Lieutenans Civils, & autres nos Justiciers qu'il appartiendra, SALUT. Notre bien-aimé le Sieur **PLUCHE**, Nous a fait exposer qu'il désireroit faire imprimer & donner au Public un ouvrage qui a pour titre, *La Mécanique des Langues, & l'Art de les Enseigner*; s'il nous plaisoit lui accorder nos Lettres de Privilège sur ce nécessaires. A CES CAUSES, voulant favorablement traiter l'Exposant: Nous lui avons permis, & permettons par ces Presentes, de faire imprimer ledit Ouvrage en un ou plusieurs volumes, & autant de fois que bon lui semblera, & de le faire vendre & débiter par tout notre Royaume, pendant le tems de six années consécutives, à compter du jour de la date desdites Presentes. Faisons défenses à tous Libraires, Imprimeurs & autres personnes,


de quelque qualité & condition qu'elles
soient , d'en introduire d'impression étran-
gere dans aucun lieu de notre obeissance ;
comme aussi d'imprimer , ou faire imprimer,
vendre , faire vendre , débiter ni contrefaire
ledit Ouvrage , ni d'en faire aucun Extrait,
sous quelque prétexte que ce soit , d'au-
gmentation , correction , changement ou
autres , sans la permission expresse & par
écrit dudit Exposé , ou de ceux qui au-
ront droit de lui , à peine de confiscation des
exemplaires contrefaits , de trois mille livres
d'amende contre chacun des contrevenans ,
dont un tiers à Nous , un tiers à l'Hôtel-
Dieu de Paris , & l'autre tiers audit Expo-
sé , ou à celui qui aura droit de lui ,
& de tous dépens , dommages & intérêts ; à
la charge que ces Présentes seront enregis-
trées tout au long sur le Registre de la Com-
munauté des Libraires & Imprimeurs de Pa-
ris , dans trois mois de la date d'icelles ; que
l'impression dudit Ouvrage sera faite dans no-
tre Royaume & non ailleurs en bon papier
& beaux caractères , conformément à la
feuille imprimée attachée pour modèle sous
le contre- scel des Présentes , & que l'Impé-
trant se conformera en tout aux Reglemens
de la Librairie , & notamment à celui du dix
Avril 1725. qu'avant de l'exposer en vente ,
le Manuscrit qui aura servi de copie à l'im-
pression dudit Ouvrage , sera remis dans le
même état où l'Approbation y aura été don-
née , ès mains de notre très-cher & féal
Chevalier le Sieur DAGUESSEAU , Chan-
celier de France , Commandeur de nos Or-
dres ; & qu'il en sera ensuite remis deux Exem-
plaires dans notre Bibliothèque publique ,
un dans celle de notre Château du Louvre , &
un dans celle de notre très-cher & féal Cheva-
lier le Sieur DAGUESSEAU , Chancelier de

France ; le tout à peine de nullité des Présentes : Du contenu desquelles vous mandons & enjoignons de faire jouir l'Exposant, ou ses ayans cause , pleinement & paisiblement, sans souffrir qu'il leur soit fait aucun trouble ou empêchement. Voulons que la copie des Présentes qui sera imprimée tout au long au commencement ou à la fin dudit Ouvrage, soit tenue pour dûement signifiée, & qu'aux copies collationnées par l'un de nos amez & feaux Conseillers & Secrétaires, foi soit ajoutée comme à l'original : Commandons au premier notre Huissier ou Sergent sur ce requis de faire pour l'exécution d'icelles , tous actes requis & nécessaires , sans demander autre permission , nonobstant clameur de Haro , charte Normande & Lettres à ce contraires : C A R tel est notre plaisir. DONNE' à Versailles le quatorzième jour du mois de Février, l'an de grace mil sept cent cinquante, & de notre Regne le trente-cinquième. Par le Roi en son Conseil.

Signé, S A I N S O N.

Registré sur le Registre XII. de la Chambre Royale & Syndicale des Libraires & Imprimeurs de Paris, N° 391. Fol. 271. conformément au Règlement de 1723. qui fait défenses Art. 4. à toutes personnes de quelque qualité qu'elles soient, autres que les Libraires & Imprimeurs, de vendre, débiter & faire afficher aucuns Livres pour les vendre à leurs noms, soit qu'ils s'en disent les Auteurs ou autrement, à la charge de fournir à ladite Chambre Royale & Syndicale des Libraires & Imprimeurs de Paris huit Exemplaires de chacun prescrits par l'Art. 108. du même Règlement. A Paris le 17. Février 1750.

Signé, LE GRAS Syndic.



005656368

3M





